

მნედიო კაჲლოსო
•
მერჯენის მერენი.



„ნაკარული“
თბილისი
1988

ცნობილი მწერალი ონელიაო ხორხე კარდოსო 1914 წელს დაიბადა ღარაბი კაცის ოჯახში. გაჭირვებით დაამთავრა საშუალო სასწავლებელი. თავი რომ გაეტანა, ხშირად იცვლიდა საცხოვრებელ ადგილსა და ხელობას. წერა მშვიდ წლებში ღაჩყო. კარდოსოს ნაწერებს ცხოვრების ღრმა ცოდნა და დაკვირვებელი ადამიანის თვალის გტყობა. მისი გმირები უმთავრესად საზოგადოებას დაბალ ფენას ეკუთვნიან. მწერლის თბობის მანერა ლაკონური და თავშეკავებულია: თავშეკავებული, ძლიერი ხაზათის ადამიანები არიან მისი პერსონაჟებიც. მათი სიხარული თუ წუხილი, სიყვარული თუ სიძულეული უფროდ კეთილშობილურ გამოძახილს მოგვებს ჩვენს მკითხველსა გულში.

თ ა რ გ მ ნ ა

კ ა ვ ლ ე რ ა რ კ ვ ი ა ნ ი მ ი

შ ე ო რ ე გ ა მ ო ც ე მ ა

© „ნაკაველი“, 1988

70803—66

K _____

M—603 (02)—95

მარჯნის მერანი

ოთხნი ვიყავით პატარა ხომალდ „ეუმელიაზე“. ასთაკვებზე ნადირობით ვირჩენდით თავს. ხომალდს ერთადერთი ანძა ჰქონდა და ღამლამობით რომელიმე ჩვენგანს ხელით ან ფეხით ეჭირა შტურვალი, დანარჩენებს კი, ერთმანეთზე მიწყობილებს. წინაერდოში გვეძინა. როცა ტალღები ხომალდს აქანავებდნენ, ტრიუმის ჰუჭუიანი წყალი კოჭებს გვილოკავდა.

სხვანაირი ცხოვრება ვერც წარმოგვედგინა. განა ასე არ არის: რაკი ერთხელ დაადგები რომელიმე გზას, მერე ამ გზიდან გადახვევა შეუძლებელი გეჩვენება, თან გზასაც ეჩვევი და მიდიხარ და მიდიხარ. ჩვენც ასე გვეგონა მანამდე, სანამ ხომალდზე მეხუთე კაცი არ შემოგვიერთდა, — იმ დღიდან ყველაფერი შეიცვალა... იმას ჩვენი საქმისა და ჩვენი ცხოვრების არაფერი გაეგებოდა, ასაკითაც მამად შეგვეფერებოდა. ამასთან მდიდარი იყო და ჩვენ თუ ასთაკვების ჭერით პესეტებს ვშოულობდით, იმას თავსაყრელად ჰქონდა ფული.

ეს კაციცა და მისი საქციელიც ახირებულად მიგვაჩნდა, ჰკუთავში არ გვიჯდებოდა. ვგრძნობდი, ჩვენი უკმაყოფილება ჩვენს ყოველ გამოხედვაში რომ მეღავენდებოდა და უსიტყვოდაც ცხადი იყო, ადრე თუ გვიან თავს იჩენდა. მესამე დღეს ვეღარ მოვიტომინე და მე თვითონ ჩამოვაგდე სიტყვა ამ უცნობზე:

— შონგო, ერთი მითხარ, ამ ბატონს აქ რა უნდა?

— ზღვის ფსკერს ათვალიერებს.

— ასთაკვებს რომ არ იჭერს?

— კაცია და გუნება! უნდა და ათვალიერებს.

— მერე? როგორა გგონია, ასე უფრო მეტ ასთაკვს დავიჭერთ?

— არა, მაგრამ განა სულ ერთი არ არის, ასთაკვებში ავიღებთ ფულს თუ მაგის წყალობით ჩავეჭიბავთ?

— რალაც ვერ გავიგე.

— ჩავეჭიბავთ და თანაც კარგა ბლომად — სულ ცინცხალ მონეტებს.

— მაშ, ფულს გადაგვიხდის?

— გადაგვიხდის!

— მაინც რამდენს?

— რამდენსაც მოვითხოვთ! — მითხრა მონგომ და ღიმილით მომაჩერდა, თითქოს უნდა დარწმუნებულყო, გავიგე თუ არა, სად იყო ძალის თავი დამარხული.

— მერე გააფრთხილე, რომ ზოგჯერ მთელი კვირაობით გვიხდება ზღვაში დარჩენა?

— გავაფრთხილე.

— ისიც უთხარი, ზღვის წყალი მაცივრიდან გამოღებული შამპანური რომ არ არის?.

— ვუთხარი.

— იცოდა, რომ ფუმფულა ქვეშაგების ნაცვლად ხმელი ფიცრები დახვდებოდა აქ?

— ეგეც იცოდა, ყველაფერი იცოდა და აკი არაფერს ჩივის. ლუსიო, შენ, ყოველ შემთხვევისათვის, მაინც შემოინახე რამდენიმე კითხვა; ხომ იცი, ზღვაში კითხვები სიგარეტებივითაა — მოგინდება მოწევა და სადღაა, გათავებულა!

ხომალდის პატრონმა სწორედ იმ დროს შემაქცია ზურგი, როცა ელ გაიუელოზე საღამოს ვარსკვლავი აკიაფდა.

ამ კაცზე ფიქრმა დამე გამატეხინა, რად წევს მთელი დღე პირქვე და ზღვას რად ჩასტყერის, მაშინ როცა მის ირგვლივ ყველა რალაცას საქმიანობს? იქნებ ვინმეს ემალება და ეშინია სხვა გემიდან არ შემინიშნონო? ამ ნაღდი კაპიტალის მფლობელ კაცს რა დარჩენია ჩვენთან, რად მიატოვა ხმელეთი და ამ ნაფოტა „ეუმელიაზე“ რა უნდა, რომელსაც, ღმერთმა უწყის, საით გაიტაცებს ჩრდილო-აღმოსავლეთის ქარი-მეთქი, — ვფიქრობდი ჩემთვის.

განთიადზე. როგორც იყო, ჩამეძინა. მთელი დღე ასთაკვე-

ბის ჭერაში გავატარე. დაძაბული ჩავცქეროდი ზღვის ფსკერს, თვალები მეტყინა და ბოლოს ისე დამეძინა, როგორც მხოლოდ ასთაკვებზე ნადირობით დაღლილ კაცს დაეძინება ზოლზე.

დილით უცებ მივხვდი ყველაფერს: სწრაფმავალი გემის გამოჩენას უცდის, რომ იმაზე გადაჯდეს. ეტყობა, იუკატანზე მექსიკელებთან გარბის. რამე დანაშაული ექნება ჩადენილი! ალბათ ქრთამით ვერ მოახერხა თავის დახსნა და ახლა, რაღაც არ უნდა დაუჯდეს. თავს უნდა უშეველოს. აი, რატომ ამბობდა ჩვენი უფროსი, რამდენსაც მოვთხოვთ, იმდენს გადაგვიხდისო.

მთელი დღე ისევ კანჯოს ქიმზე პირქვე გადაკიდებულმა გავატარე, პედრიტო ნიჩბებთან იჯდა, სოლო „ეუმელიას“ ღუსა ჰქონდა ჩაშვებული და იდგა. ირგვლივ მშვიდი ზღვა გადაშლილიყო, მის სარკესავით ზედაპირზე კი მზე ირეკლებოდა.

— ეს ტიპიც მთელი დღე სომალის ქიმზე იყო გადაკიდებული. ფსკერისთვის თვალი არ მოუწყვეტია, — იცინოდა პედრიტო, მე კი ხელეზს ვმშრალე, რომ სიგარეტი არ დამსველებოდა. პედრიტოს ვკითხე:

— როგორა გგონია, ეს კაცი გემს არ უცდის?

— რომელ გემს?

— რა ვიცი. თუნდაც იუკატანისკენ მიმავალს.

პედრიტომ გულუბრყვილო, ცისფერი თვალები დააყვიტა, მის თვალებში ღღერსა და თითხმეტი წლის ყმაწვილის სიწმინდე იხატებოდა.

— რას ამბობ?

— ალბათ კუბიდან გაქცევას აპირებს.

— როგორც კი გაავდრდება, მაშინვე ხმელეთზე დავბრუნდებიო, რომ აქცა?

— შენი ყურით გაგონე?

— აბა რა! მონგოს უძებრა: სანამ უქარო ამ ნდია, თქვენთან ვიქნები, მერე კი შინ დავბრუნდებიო.

— როგორ!

— ასე ვართ მოლაპარაკებულნი. ნიავი დაუბერავს თუ არა, ნაპირზე გადავსვამთ.

მაშასადამე. ამ ადამიანს გაქცევა არ უდევს გულში და თანაც მდიდარია. არა. თუ კაცი ასთაკვებს არ იჭერს, ისე ვერ მიხვდება, რა-

ტომ მიქარდა ასეთი რამის გაგება. ეშმაკმა იცის, ზოგჯერ რა აზრი არ ღავებადება და რას არ ღააპირებ, რომ სამუდამოდ დააღწიო თავი ამ წყეულ შავ სოროში ღამის თევასა და მთელი ღღის განმავლობაში ნავის კიჩოზე თავდაყირა წოლას.

პედრიტომ ნიჩბები გადმოჰცა და უხმოდ გავცურეთ იალქნიანი ხომალდისაკენ.

ხომალდის კიჩოს რომ ჩავეუარეთ, ზევით ავიხედე. უცნობი ისევ პირქვე იწვა, ყურადღებაც არ მოუქცევია ჩვენთვის, მგონი, ნიჩბების დგაფუნაც არ გაუგია. მხოლოდ მაშინ შეიშუშუნა უსიამოვნოდ, როცა ნიჩბებმა ზღვის კრიალა ზედაპირის ის ადგილი გააპო, საიდანაც თვალმოუშორებლივ ჩასცქეროდა ფსკერს.

ცხადია, კაცს შეუძლია, თავის ნებაზე ხარჯოს საკუთარი ფული, მაგრამ აქ რაღაც სხვანაირად იყო საქმე. ასე რატომ იქცეოდა ეს დიდთვალეა, შუბლგახსნილი, უწყინარი ადამიანი? გადაწყვიტე, ხელახლა გამოიმეკითხა ჩვენი უფროსი.

— მონგო, ამ კაცს რა უნდა? რას დაეძებს? რაზე ფანტავს ფულს?

მონგო ბადეს კემსავდა, პასუხის გასაცემად პირი დააღო, მაგრამ იქიდან მხოლოდ სიგარეტის კვამლი გამოკურღა ბოლქვებად და ჰაერში გაიფანტა.

— არ გეყურება, რას გეკითხები?

— მეყურება.

— მაშ, რაღა ღუმხარ?

— იმად, რომ ვიცი, რასაც უკირკატებ და იმის მოფიქრება მინდა, როგორ ავიხსნა უკეთესად.

— როგორ და სიტყვებით.

— ცხადია, სიტყვებით. მაგრამ საქმე ის არის. რომ... — მონგო ჩემკენ შემობრუნდა და მახათი გვერდზე გადაღო. ცოტა ხანს დავაცადე და კვლავ შევუტრიალე კითხვა.

— მგონი, უცნაური არაფერი მიკითხავს.

— სამაგიეროდ, ჩემი პასუხიდან შეიტყობ ბევრ უცნაურობას. ლუსიო, — სერიოზულად მიპასუხა მან. სულს მოთქმაც ვერ მოვასწარი გაკვირვების გამოსათქმელად, რომ პედრიტოს ყვირილი მოისმა:

— ბიჭებო. მეჩეჩზე გავირიყეთ!

ხომალდიდან გადმოვხტით და ყელამდე წყალში ჩამღვრები მანამდე ვაწვებოდით „უუმელიას“, სანამ მორევებიან თავიხელზე არ გავცურეთ. მონგომ ისევ ბადეს მიხედა, მე კი საუზმე მქონდა მოსამზადებელი და ჩემს საქმეს მივაშურე. ასე რომ, იმ დღეს ხომალდის პატრონთან ლაპარაკი ვეღარ მოვახერხე. სამაგიეროდ, საშუალება მომეცა, უცნობისთვის მედევნებინა თვალყური. მის სახეს რომ ვაკვირდებოდი, შევნიშნე, მისი დიდი, ნათელი თვალები დიდხანს ვერ უძლებდნენ სხვის შეხედვას. უცნობი არ დამლაპარაკებია, უსმოდ მიწვა შტურვალთან და ღრმა ძილს მისცა თავი. საღამო ხანს ხომალდის პატრონმა გააღვიძა. მან ბინდბუნდში ცოტაოდენი წვნიანი შეხვრიბა და ისევ დაიძინა.

ელ გაიუფლოს ვენახებიდან მსუბუქი სიო ქროდა. თეფშები ნაჩქარევად ამოვავლე ზღვაში და წინაერდოსკენ გავემართე: იქ ჩვენი უფროსი გამხლართულიყო სავსე მთვარის შუქზე და ნებივრობდა. შორიდან არ დამიწყია, პირდაპირ გადავედი დღისით შეწყვეტილ საუბარზე:

— მგონი. უცნაური არაფერი მიკითხავს.

მონგოს ჩაეცინა, წამოიწია და იდაყვს დაეყრდნო. სუგარის მოწვევისას შუქი წითელი აღმურევით ვადაურბენდა ხოლმე სახეზე.

— ამ კაცს თავში მთლად რიგზე ვერ უნდა ჰქონდეს ყველაფერი და ფულებით ფიქრობს მორჩენას.

— ამიტომ წევს მთელი დღე პირქვე და ამიტომ ათვალეერებს წყალს?

— წყალს კი არა. ფსკერს.

— რა განსხვავებია. წყალს თუ ფსკერს. ასეა თუ ისე, დიდი ახირებული ვილაცა ჩანს.

— ეგ ჩვენ არ გვეკითხება, რადგან ამ ახირებისათვის ფულს გვიხდის.

— გვეკითხება!

— რატომ?

თვითონაც არ ვიცი, რად მოვახალე:

— იმიტომ. რომ მარტო ფულს აღება არ კმარა. ისიც უნდა იცოდეს, რა აიძულებს ადამიანს, ფული გადაიხადოს.

— როგორ თუ „რა“? ვერ მიხვდი? ცოტას აფრენს.

— მერე ხომალდზე გოყის გაჩერება კუთხის ნიშანია?

— გაიგე. ლუსინო, თავისებური, უწყინარი ვაჟია. მხოლოდ ქარს ვერ იტანს. ეგ არის და ეგ!

„ისევ ქარი“ — გავიფიქრე და გადავწყვიტე, მეკითხა:

— პედრიტომაც ეგ მითხრა. ქარი რა შუაშია, მონგო? გუბესავით წყნარი ზღვა რად უნდა?

— აჟი გითხარი, დარტყმულია-მეთქი.

— არა! — შევძახე მე და შეშინებულმა გავიხედე კიჩოსკენ. დარწმუნებული ვიყავ, რომ ის კაცი გავადვიძე. ტენტის ქვეშ მთვარის შუქით განათებული შიშველი ფეხები მოჩანდა მხოლოდ, ჩამიჩუმი არ ისმოდა. მონგოს მივუბრუნდი, მან სიცილით მითხრა:

— ნუ გეშინია. სულელო! მაგისი სიგოჯე უბრალო ყინია და ამაში გვიხდის ფულს. ეგ კაცა არავის არაფერს დაუშავებს.

— ჰო, მაგრამ ერთ კაცს ხომ შეუძლია მეორე მოთმინებიდან გამოიყვანოს! — წამოვიძახე და მივხვდი, რომ მონგო ახლა კი მეტყოდა მართალს.

— რაჟი ასეა, გეტყვი: ეგ კაცი ამბობს, წყალქვეშ არაღაცა არისო.

— რა არისო?

— რა და. ცხენო.

— რას ამბობ!

— ჰო. წითელი მერანო. ირწმუნება, მარჯანივით წითელიო.

და მონგომ ხმამაღლა გადაიხარხარა. ისე ხმამაღლა, რომ ექვი შემეპარა მის სიტყვებში. მოულოდნელად თავზე წამომდგარი უცნობი დავინახეთ. ოდნავ შეცბუნებულმა მონგომ ჰკიცხა:

— რაო. მეზობელო. ძილი დაგიფრთხეო?

— მერანზე ლაპარაკობდით, არა? მერწმუნეთ, მართალს მოგახსენებთ. ასეთ საქმეში ტყუილი არ შეიძლება.

ნელა წამოვიწვი. სახეში მიხდოდა შემეხება. მთვარიო განათებულ ცის ფონზე აქამდე მხოლოდ მის შავ სილუეტს ვხედავდი. მე ეჭვიც არ მეპარებოდა, რომ ლელავდა, თუმცა ძალზე წყნარად ლაპარაკობდა. მაგრამ თქვენც არ მომიკვდეთ — ეს კაცი ზღვასავით მშვიდი იყო ისევ. მონგომ არაფრად ჩააგდო მისი სიტყვები, ზანტად წამოდგა და თქვა:

— ნუ როდი ვამბობ. ვინმე ტყუას-მეთქი. მაგრამ ჩემდათვად ცქენს წყალქვეშ არასდროს დავუწყებდი ძებნას.

მონგო დასაძინებლად წავიდა, ხომალდის ბნელი კოდის კვადრატში გაუჩინარდა.

— არა, მასეთები, მართლაც, არასდროს დაუწყებენ ძებნას, — ჩაიბუზღუნა უცნობმა, — თუმცა, რომც დაეწყოთ ძებნა, მაინც ვერ აღმოაჩენდნენ.

— ვითომ რატომო? — შევედავე მე; დარწმუნებული ვიყავი, მონგო ხუთი თთივით იცნობდა ზღვას.

ახლა უცნობი ისე დადგა, რომ შოვარის ნათელი დაეცა სახეზე.

— იმიტომ, რომ ადამიანს თვალი თუ არა აქვს, ვერაფერს დაინახავს.

— რა უნდა დაინახოს?

— ის, ურომლისოდაც, თუკი ერთხელ მაინც ეღარსე მის ხილვას, მერე აზრი ეკარგება საცოცხლეს.

ეს კაცი ნამდვილად გიყი იყო; უწყინარი და ჩუმი გიყი... მართლს ამბობდა მონგო. მე მაინც არც სულელებისგან აღებულა ფული მინდოდა და არც მათთან ურთიერთობა. ამიტომ გაცლა ვამჯობინე, მაგრამ, როგორც კი რამდენიმე ნაბიჯი გადავდგო კჩოსკენ, უცნობის ძახილი შემომისმა:

— მოიცადეთ. ნუ წახვალთ. შეიძლება ერთმა კაცმა მეორე მოთმინებიდან გამოიყვანოს, არა?

ჩემსავე ნაბიჯებს მიეორებდა და პასუხს გაუცემლობა არ იქნებოდა.

— ჰო, მე რე რა ..

— ძალიან მოგაბეზრეთ თავი?

— მე რა მუნაღვლება. რა! თუ გინდათ, მთელი სიცოცხლე წყლისა თუ ფსკერის თვალიერებაში გაატარეთ.

— განა არ გინდათ. შეიტყოთ, რატომ ვათვალაურებ?

— უკვე ვიცო.

— გიყი გვინაწარო. არა?

— ჰო, გიყი მგონიხართ.

უცნობმა სიცილით მითხრა:

— სხვას არც მოველოდი. ასეა. თუ სადმე უცნაური, გაუგებარი რამე გამოჩნდება, უთუოდ რაიმე იარლიყი უნდა მოაქერონ ხოლმე.

— ასეა. ანა, სად გაგონილა იმის დანახვა, რაც არ არსებობს.

ცხენი იმისთვის არას გაჩენილი, რომ ჰაერი ისუნთქოს, ქარმა ფაფარი უფრიალოს და ფლოქვებით ქვებზე ნაპერწყლები დააკვესოს.

— მაგრამ მერანი იმისთვისაც არის გაჩენილი, რომ ოცნებას, ფანტაზიას ფრთა შეასხას.

— რასთვის?

— იმისთვის, რომ კაცი ოცნების სამყაროში გაიტაცოს.

— თქვენაც ამიტომ დააქროლებთ არა წყალქვეშ?

— მე კი არა, თვითონ დაქრის. როცა დაუოკებელი ყინით შეპყრობალი ჩაიქროლებს ხოლმე ზღვის ფსკერზე, მე მხოლოდ თვალს ვადევნებ და სამარისებურ სიჩუმეში ფლოქვთა თქარათქურს ვუსმენ. ახლად გადახსნილ ვენიდან გადმოხეთქილი სისხლივით წითელ, მარჯნისფერ მერანსა და შავ წყალმცენარეებში გაელვებულ მის ფაფარს ვხედავ.

ძალღან აღელდა. ვიგრძენი, რომ მეტს ველარ გავუძლებდი და წასვლა დავაპირე. ჩემთვის მაინც ვიფიქრე: ასეთი მერნის დანახვა, მართლაც, დიდებული რამ იქნება, თუნდაც მხოლოდ იმ კაცის აღგზნებულ წარმოდგენაში არსებობდეს-მეთქი. თუ ეროხელ მოკვარი თვალი ასეთ სანახაობას, მერე ალბათ სამუდამოდ გაგრტაცებს-მეთქი. მაგრამ ამაზე სიტყვა როგორ დამცდებოდა. ჩემს გრძნობებზე ლაპარაკს მოვერიდე. არ მინდოდა, კამათში გამარჯვება უცნობს დარჩენოდა.

— მერანზე ფიქრით თავს ის იქცევს, ვინც ლუკმაპურისთვის არ შრომობს.

— მერანი ყველას სჭირდება.

— პური რომ უფრო საჭიროა?

— მერანიც საჭიროა.

— ჩვენს ძალღურ ყოფაში მე მართო პურზეც ყაბულსა ვარ.

— როგორც კი პურით გაძლება, მერე მერანი მოგინდება.

კარგად ვერ გავიგე, რისი თქმა უნდოდა. მე მგონი, ადამიანებს ზღურბლის მსგავსი მოწყობილობა გვაქვს თავში, იქ უცნაური, გაუგებარი სიტყვები წაიბორჩიკებენ ხოლმე. შეიძლება ასეთი სიტყვები რაღაც უცხო შუქსაც გამოსცემენ და ამით გვაბრუებენ. მოკლედ, ჩემთვის იმ კაცის ნათქვამი მთელი დღე პირქვე წოლასა და ასთაკვების ძებნაზე უფრო ძნელი მეჩვენა, ამიტომ გავერიდე სასწრაფოდ. შემეშინდა, ისევ არ გამომელაპარაკოს-მეთქი.

როცა მე და პედრიტო ნავში ვსხდებოდით, გაიუღლო ასით იფარებოდა და ნიავს ჩვენამდე ფრინველთა ხმები მოჰქონდა. მე, ვითომ სხვათა შორის, ვუთხარი მონგოს:

— ჩემს წილ ფულზე უარს ვამბობ, არ მინდა, მაგისგან ფულს ვერ ავიღებ.

ჩვეულებისამებრ, ასთაკვების საჭერად გავემართეთ. ისევ გამჭვირვალე წყალი, წყალმცენარეებით დაფარული ზღვის ფსკერა, ბადებენი...

მოულოდნელად სიცილი ამიტყდა, პედრიტოს მივებრუნდი:

— რას იტყვი, ბადით მარჯნის მერანი რომ ამოუიყვანა?

მის ბავშვურ თვალეებში ვერაფერი განსაკუთრებული ვერ ამოვიკითხე, მაგრამ მისმა სიტყვებმა შემაკრთო:

— ფრთხილად იყავ, ლუსიო, მგონი, მზემ დაგკრა თავში.

„მზემ კი არა, იმ ადამიანმა დამკრა“, — გავიფიქრე და რატომღაც მოვიწყინე.

გავიდა კიდევ სამი ვრთფეროვანი დღე. უცნობი ისევ ძალიან ცოტას ვამდა, ხომალდის ქიმზე გადაწოლილი თვალს არ აცილებდა წყალს და ყურადღებას არ აქცევდა ვისენტეს მწარე სიტყვებს. თუ აქამდე ვისენტე პირსუკან დასცინოდა უცნობს, ახლა პირში ოქმასაც აღარ ერიდებოდა:

— ეი, ჩვენებურო, წყალმცენარეები ჩრდილოეთით უფრო მაღალა იზრდება. ცხენის ჩონჩორიკის ბრალი ხომ არ იქნება, ნეტავ?

უხეშობა კი არა, ბრიყვობა იყო ეს. აჯრე ვისენტეს ხუმრობაზე ხანდახან მეციინებოდა, მაგრამ ახლა, აღისფერ მერანთან შედარებით, წყალქვეშა ქვებზე რომ გაითქარუნებს და ფაფარაშლილი ლალად და ლამაზად გადაიქროლებს, მისი სიტყვები იმდენად მდაბლად, უსუსურად მომეჩვენა, რომ გული მეტკნა. იმავე ღამეს უცნობთან მივედი გამოსალაპარაკებლად. თუმცა გუნებაში გადავწყვიტე არაფერი დამეთმო მისთვის.

— ვთქვით, მართლაც არსებობს ასეთი ცხენი და ნამდვილად დაქრის წყალქვეშ. მერედა, რა მოხდა? რა აზრი აქვს ამას?

— აქვს, მის ქროლვას აქვს აზრი! რომ ბრწყინავს, იმასაც თავისი აზრი აქვს. ან, იქნებ, სწორედ მის უაზრობაშია აზრი!

— მერედა, განა ღირს ამდენ წვალებად იმის ნახვა, როგორ ჩაიქროლებს და გაუჩინარდება მერანი?

— ყოველგვარი სიახლე ღირს იმად, რომ ადამიანი ეწვალოს. ჯერ კიდევ შეუტყნობელის აღმოსაჩენად გაღებული მსხვერპლი გამართლებულია.

— სისულელეა, მერანი არასდროს არ გამოჩნდება! ასეთი რამ არ არსებობს და ჯერ თვალთაც არავის უნახავს.

— მე მინახავს და კიდევაც ვნახავ.

სიტყვის შებრუნება დავაპირე, მაგრამ თვალებში რომ შეეხედე. ენა მუტელში ჩამივარდა. მის გამომეტყველებაში, გარეგნობაში ისეთი რწმენა გამოსჭვიოდა, რომ შეკამათება ველარ გავუბედე და ვარხვს მოვაჩერდი, მან შორიახლო ჩავვიფრინა, მერე ერთბაშად ფრთები აიკეცა და ისარივით დაეშვა ზღვის ზედაპირზე. უტნობმა მჭარზე მეგობრულად დამადო ხელი და მითხრა:

— ამ საღამოს ჩემთან მოდიტ და თქვენც დაინახავტ.

ამან ისე გამახელა, რომ უხეშად ავალებინე ხელი მხრიდან. შეიძლება, მზენ მარალაც დამკრას თავში, ამ კაცს კი არაფრის უფლებას არ მოვცემ. რანაირად უნდა მაიძულოს, ამქვეყნიური იქნება თუ იმქვეყნიური, ზმანების ხილვა.

— ასთაკვებს რომ ვხედავ. ისიც მეყოფა. სხვა რამის დანახვა აღარ მინდა, — ვუთხარი და სწრაფი ნაბიჯით გავერიდე; მან კი სიტყვა დამადევნა:

— მერანი თქვენცა გქირდებატ...

დილიტ არაფერს დავაკარე პირი. — კრაქა მქონდა შეკრული. თან ასთაკვი ბლომად მოსდევდა ბადეს. ასე რომ, საქმე თავზესაძრულად გვქონდა. მე და პედრიტომ ნავით რომ გავცურეთ, იმ კაცს ისევ ეჩინა. საღამოს ხუტ საათამდე. ვიდრე ასთაკვების გარჩევას ვახერხებდით წყალში, შეუსვენებლოვ ვშრომობდით. ხომალდზე რომ დავბრუნდით, ჩემდა სავალალოდ, სამივე — ვასენტე, პედრიტო და მონგო — ტყემლის საკრეფად გამეპარნენ ნაპარზე. მათი წასვლა რომ გამეგო, ცხადია, მეც გავყვებოდრი. მაგრამ უჩუმრად წასულიყვენენ. ჩამოვჭექე გემის კაჩოზე და ბადის კემსვა დავიწყე. თავაუღებლად ვმუშაობდი, უტნობთან გამოლაპარაკებას ვერიდებოდრი.

ღუზა გაუთელოს ჩრდლოეთით, ღრმა ადგილზე გვქონდა ჩამ-

ვებული. ზღვა საოცრად მშვიდი იყო. „ეუმელიას“ საჭეზე ჩამოკიდებული საფლობის წყალმცენარეებიც კი არ ირხეოდა. ცა მაღალი და მოწმენდილი იყო. ირგვლივ ისეთი სიჩუმე სუფევდა, ჰაერის მოძრაობას გაიგებდა კაცი. ანაზღად უცნობის ძახილი შემომესმა:

— მოლით აქ!

ბადე ხელიდან გამივარდა. ფეხის კუნთები დამეძაგრა. მაგრამ ადგილიდან მაინც არ დავიძარი.

— არ გესმით, მოლით-მეთქი აქ!

— ვინ მოგცათ იმის უფლება, რომ თქვენი სისულელით სხვა-საც გამოუტენოთ თავი?

— სინამდვილესთან პირისპირ შეყრისა გეშინიათ?

ამას ველარ გავუძელ. ბადეს ფეხი გავკარი და მისკენ გავიქეცი.

— არ მეშინია! — შეეძახე მე.

— გესმით?.. თქარათქური ახლოვდება.

სუნთქვა შევიგუბე და ყური მივუგდე.

— ტალღების ხმაურია.

— არა!

— მაშინ, ტრიუმში ირწევა წყალი, ან გემიდან გადაყრილი ნარჩენები მჟავდება და იმის ხმა ისმის ქვევიდან.

— ხომ იცით, რომ ტყუიხართ.

— მაშინ სხვა რაღაცა ხმაურობს, მერანი მაინც არ იქნება.

— ყური მიუგდეთ, უსმინეთ... ქვებზე როგორ სცემს ფლოქვებს.

ნუთუ მართლა მესმოდა? თუ მესმოდა, მაშინ ვერ გეტყვით, — ჩემი თუ მისი ყურებით ვისმენდი. არაფრის თქმა არ შემიძლია; თავი მიხურდა, გული კი ისე ამიჩქროლდა, ლამის საგულედან ამომვარდნოდა.

— ახლა წყალში ჩაიხედეთ და კარგად დააკვირდით.

მგონი, ძალასაც მატანდა. მაგრამ კაცს ხომ შეუძლია, საითაც მოეპრიანება, იქით გაიხედოს. მეც ავლექი და ზღვას გავხედე. ზომალდის შორიახლო მანგლეს დიდი ფოთოლი ტივტივებდა, იმას შივაჩერდი.

— აგერ, მოქრის, მოქრის! — გადარეულივით ამოიძახა უცნობმა და მკლავში ჩამაფრინდა. მე კი ისევ მანგლეს ფოთოლს ვუყუ-

რებღი ჯიუტად, მაგრამ მოგეხსენებათ, ყურები თვალეზივით არ ემორჩილება ადამიანს, ყველაფერი მესმოდა, რასაც უცნობი მეუბნებოდა. უცებ ვიგრძენი, რომ მას სხეულში ყრუანტელმა დაუარა და შესძახა:

— აჰა, გამოჩნდა!!

მანგლეს ფოთოლს თვალი მოვწყვიტე და მას შევხედე, რომ მოვეკალი, ქვევით ვერ ჩამახედებდა — არაფერი განსაკუთრებულის დანახვის სურვილი არა მქონდა. მაგრამ უცებ, თითქოს ჩემი არსებობა სულ დაავიწყდაო, ხელი გამიშვა, თვალეზი უფრო გაუფართოვდა და, ჩემდა უნებურად, მის თვალეზში ზღვის ფსკერზე გაფრენილი მარჯანივით წითელი მერნის გამოსახულება დავინახე, მას ზურგი, ფაფარიდან ძუამდე, ერთიანად უბრწყინავდა. მერანმა უცებ გაიღვა და იმ ადამიანის თვალთა სიღრმეში ჩაანთქა.

მას შემდეგ დიდი ხანი გავიდა. ისევ გავდივარ ზღვაში ასთაკვების საჭერად და ორ რამეს ვეღარ ვიტან ამქვეყანაზე: პურზე და უჩვეულო, დაუჯერებელ ამბებზე ლაპარაკს. ეს იმიტომ, რომ ანლაც არ ვიცი, იმ დღეს „ეუმელიას“ ქვეშ, ზღვის ფსკერზე, მართლა ჩაიქროლა მარჯნის მერანმა თუ ყველაფერი იმ ადამიანის აღგზნებული გონების ნაყოფი იყო, რაც იმ წუთებში მეც გადამედო.

...და რაც მეტს ვფიქრობ იმ დღეებზე, მით უფრო ვრწმუნდები, რომ ადამიანები ყოველთვის ორგვარ შიმშილს განიცდიან.

ე ს ტ ე ლ ა

რა ვიცი, იქნება სიკვდილი არც ისე დიდ უბედურებად მიჩნეოს კაცმა, თუ ადამიანებს შორეთში გაქიზებული ჯაჭვის უსახო რგოლებად აღიქვამს. დედამიწის ყოველი შემობრუნებასას მილიონობით სიცოცხლე ქრება და მათ ნაცვლად ანალი ჩნდება. ბუნების ამ ზღაპრულ შეჯიბრში დროსთან არც არავინ იმარჯვებს და არც არავინ მარცხდება. ადამიანები მოღონ და მიღონ უწყვეტ ნაკადად, მზე კი ისევ და ისევ აცხუნებს, მთვარეც ძველებურად ანათებს ღამის წყვილადს. ერთი სიცოცხლით მეტი იქნება თუ ნაკლები, თითქოსდა რა მნიშვნელობა უნდა ჰქონდეს? მაგრამ საქმე ის არის, რომ მახლობლის სიცოცხლე რალაცნაირად ჩვენივე სიცოცხლეა, რადგან ყველა ერთი ბუდის ჭიანჭველებს წარმოვადგენთ და აუტანელი შრომით ერთნაირად ვართ გატანჯულნი.

ეს ფიქრი ესტელამ აღმიძრა — მან. ვინც ამქვეყნად სულ რალაც ცხრამეთიოდე წელი დაჰყო. მახსოვს, კამაჩოს ბექობზე, თამბაქოს პლანტაციისკენ რომ მიდიოდა, მაშინ გავიცანი. მიდიოდა და თავთუხისფერ ნაწნავეებს მიარხევდა; მას შემდეგ კარგა ძალი დრო გავიდა, მე კი ახლაც მზარავს იმის წარმოდგენა, თუ რა ბედი ეწია მინდვრის როზმარინჩაწნულ დალალებს.

ეჰ, ნათელი დასდგომია ესტელას სულს! ის გოგონა ცოცხლებში აღარ ურევია და იმის დავიწყებას უფალი შეგვიწოდებს. გულანდილად რომ გითხრათ, მე გადამავიწყდა კიდევც, მაგრამ როცა ვხედავ, ბარიოში თითოახელა გოგონები ჩემ ოვალწინ როგორ ქალებიან, უნებურად ესტელა მახსენდება. მას საღამოობით სახლის ზღურბლზე ჯდომა უყვარდა; ახლად დაუთოვებული, ჯერ კიდევ თბილი კაბა ეცვა და ან გამვლელ-ვამომვლელს უყურებდა, ან ბედის ანაბარად მიტოვებული პარკის ხეთა ტოტებში აფრთხი-

ალებულ ჩიტებს ღიმილით ადევნებდა თვალს. დაინახავ ასეთ გოგონას და ცდილობ, სასწრაფოდ მოარიდო თვალი, რაღაცის გეშინია, იცი, რომ მერე თვალს ვეღარ მოწყვეტ: მიუხედავად სიკვდილსიცოცხლეზე ზემოთქმულისა, მაინც დაგატყვევებს მისი გულში ჩამწვდომი ღიმილი.

მათი ჩამოსვლის დღიდან იმ უბედურებამდე ყველაფერი კარგად მახსოვს. მეზობლები ვიყავით. ჩვენსა და იმათ სახლს მხოლოდ პატარა, მწვანე მთლი ჰყოფდა. ჩაუვლიდი რამდენიმე მანგოს ხეს, გადაწვედი ანონის ტოტებს და დაბალი, ერთფანჯრიანი სახლი გამოჩნდებოდა. ამ სახლიდან ყოველ დილას ნაზი, სევდიანი სიმღერა მხოლოდ მას შემდეგ შეწყდებოდა ხოლმე, როცა გარეცხილ თეთრეულს თოკზე გაფენდნენ.

ბარიოში გვიან ღამით ჩამოვიდნენ, ამიტომ მათი ჩამოსახლება არავის შეუტყვია. შუალამისას რაღაც ხმაური, წრიალი, ფეხის ხმა შემოგვესმა, ადამიანების ლაპარაკი კი არ გაგვიგია. მხოლოდ დილით დავინახეთ, რომ ახალი მეზობლები გვეყავდა. ყველაზე ბოლოს სახლიდან ოჯახის დედა გამოვიდა. მას იაფფასიანი, თაღისი კაბა ეცვა, თვლებში ტანჯვა და ვარამი ჩასდგომოდა. ასეთი ქალების ხვედრი მუდამეჟმ მოთმინება და ოჯახის მძიმე ჭაპანის უსიტყვოდ წევია. ეტყობოდა, მისი გამხდარი და შეუხედავი უფროსი ქალიშვილიც ამ გზით წასულიყო, დედას დამსგავსებოდა უსიტყვო მორჩილებაში.

ესტელა კი სულ სხვანაირი იყო: თეთრი. ქათქათა სახე ჰქონდა და მსხვილი, მათრახებივით ნაწნავეები წელამდე სცემდა. დედის და დის სიმღერას მოგვიანებით აჰყვებოდა და სარეცხის რეცხვასაც მაშინ ჰკიდებდა ხელს, როცა მუშაობა უკვე გახურებული იყო. მაგრამ ასე დიდხანს არ გაგრძელებულა. ერთხელ ესტელა სახეგაბადრული დაბრუნდა შინ: თამბაქოს პლანტაციაში მიეღოთ სამუშაოდ. იმ დღიდან მიატოვა სხვისი სარეცხის რეცხვა. დღეში ორჯერ ჩაუვლიდა ხოლმე ჩვენს სახლს და მოსალმების ნიშნად ფერმკრთალ სახეს დაბლა ხრიდა. ხშირად დამინახავს, რა გაჭირვებით ადიოდა ესტელა გორაკზე. გორაკი ისეთი მაღალი იყო, გეგონებოდა, აღმართში მიმავალი მუშები, სანამ მათ თამბაქოს დამხარისხებელი ფარდულის კარი შთანთქავდეს, ზეცას მისწვდებია-

ნო. მუშები მთელი დღეობით ისხდნენ ფარდულში და რეპროდუქტორის ელრიალში თამბაქოს ახარისხებდნენ

ყოველდღე ვხედავდით ჩვენს სარკმელთან ჩავლილ ესტელას და ყოველდღე, როცა პურის საჭმელად ვხსდებოდით, ჩვენი ოჯახის რომელიმე წევრი მეზობლების შესახებ რაღაც ახალს იტყოდა. ჩემმა დამ, სენაი დამ გვითხრა, ესტელას ახლახან გარდაცვლია მამა და იმიტომ გადმოსახლებულან ბარიოშიო. რაკი ოჯახის ბურჯი ანაზად გამოსცლიათ ხელიდან, დედა და გოგონები იჯარით აღებულ მიწას ველარ მორევიან. მახლობელი ადამიანის ნეშტი მყრუებული სოფლის განაპირას დაუკრძალავთ და, იმ იმედით, რომ ქალაქში შესაფერის სამუშაოს გამოვნახავთო, ბარიოს გზას დასდგომიან. გაყიდულ ორთვალაში, უღელ ხარში და საქათმეში აღებული ფული სამგზავროდ, ბინის ქირად და პირველ ხანებში თავის გასატანად ძლივს ჰყოფნიათო.

ასლა კი ოჯახს მუდმივი შემოსავალი გაუჩნდა. ესტელა პლანტაციონი მუშაობდა და ახლა მარტო უფროსი დაღა მღეროდა უსიამოვნო ხმით; მთელი დღის განმავლობაში ან წაკუზული რეცხავდა ან თეთრეულს ფენდა. ძალიან ცოტას მოითხოვდა ცხოვრებასთან ეს ოჯახი: ჰერი, ლუქმაპური, ერთი ხელი ტანსაცმელი და საღამოობით საკუთარი სახლის ზღურბლზე ჩამოჯდომის საშუალება -- აი, სულ ეს იყო და ეს. მეტი არაფერი უნდოდათ. იმ მიყრუებულ სოფელში ხომ ტანჯვისა იყო მათი ცხოვრება, აქ კი სხვა რომ არაფერი, შუქი მაინც ჰქონდათ; რაღაცა სასწაულით პარკნი ერთი ელექტრონათურა დარჩენილიყო და მისი მკრთალი სინათლე მათ სახლსაც ანათებდა.

თანდათან ხორციელდებოდა მათი მცირე სურვილები. უფროსმა დამ სოლიდური მუშტარი გაიჩინა: ხშირად დაინახავდით ერთმანეთის გვერდით როგორ სიამტკბილობით შრებოდა სამკვდრო-სასიცოცხლოდ გადაკიდებულ ადამიანთა ტანსაცმელი: პოლიციის სერჟანტის გიმნასტურა და მოსამართლე ელპიდოს შარვალი. მედუქნე დონ ფაკუნდოს ხალათი და სამარშრუტო ავტობუსის მძღოლის — ერნესტოს სპექტანსაცმელი. ჩემმა ძმამ დაგომ ერთხელ თქვა კიდევ, ამ სარეცხის პატრონები თავიანთი ტანსაცმელივით რომ იქცეოდნენ, ქალაქში მეტი წესრიგი იქნებოდაო.

ესტელას დედამ დანაზოგით თერმოსი შეიძინა. ყოველდღე ცხელი ყავით გაავსებდა, პატარა ბიჭს ავტობუსის გაჩერებაზე მძლოლებთან გაატანდა გასაყიდად და საღამოს სარგებელს იღებდა. საქმე კარგად, როგორც მათ უნდოდათ, ისე მიდოდა. მაგრამ ოჯახის ბურჯი მაინც ესტელა იყო. ყურადღების ცენტრში ისევ მისი ჯამაგირი, თამბაქოს ფოთლისგან გაყვითლებული თითები და ჩხირივით წვრილი ფეხები რჩებოდა. მის ტანს სულ არ შეეფერებოდა ასეთი ფეხები. ეს იმთავითვე გვეცა თვალში, მაგრამ ამაზე სიტყვა არავის წამოსცდენია მანამ, სანამ ჩვენმა სასიძომ არ თქვა, ესტელა ლამაზი გოგაო. აბა, ჩემი და ამას როგორ მოინებებდა; უთხრა: ერთი ფეხებზეც შეხედე და ისე თქვიო. მეორე დღეს, მაგადასთან რომ ვისხედით, დედამ აგვიხსნა, თუ რატომ ჰქონდა უცნაური ფეხები ამ ტანწერწეტა. ოქროსფერნაწნავიან გოგონას. ესტელას ბავშვობაში თურმე ციებამ დარია ხელი და სოფლის ჩვეულებისამებრ შინაურული წამლებით და ბალახის ნახარშით დაუწყეს მკურნალობა... თურმე სულ სხვა ავადმყოფობას. უფრო დიდი შთაბეჭდილება მეორე ამბავმა მოახდინა. ეს ახალი ამავიცი დედამ გვითხრა. სოფელში ესტელას შეყვარებული ჰყოლია; თურმე იწერება, მალე ჩამოვალო. ესტელა ბარათებს უგზავნის საქმროს, ამას წინათ ჰალსტუხიც გაუგზავნია. ჰალსტუხი მეც ვნახე — წითელი, იისფერსახეებიანი იყო, კოლოფიანად გაუგზავნა.

სხეულში გამჯდარ სენსა და მძიმე შრომას ახალგაზრდა ორგანიზმი მანამდე უმკლავდებოდა, სანამ ქანცამოცილი გოგონა ძველმა ავადმყოფობამ საბოლოოდ არ გატეხა. იმ საღამოს ესტელა, ჩვეულებისამებრ, სახლის ზღურბლზე იჯდა და ჩიტების ჟღერტულს უსმენდა. უცებ თვალი დაუბნელდა. ქალაქის საავადმყოფოდან ექიმი მოუყვანეს. ექიმმა უამრავი ძვირადღირებული წამალი გამოუწერა. ამ წამლებით მიეხვდი, რაც სჭირდა ესტელას. ყველა გრძნობდა, ეს გოგონა ავად იყო, მაგრამ ხმას არავინ იღებდა, — ღარიბები ავადმყოფობის გამხელასაც კი ღრიდებიან.

ესტელა პლანტაციას დაუბრუნდა. როცა ჩვენს სარკმელთან ჩაივლიდა და მისალმების ნიშნად თავს დახრიდა, მისი ძონძებჩაწნული ნაწნავები და მძიმე, მოქანცული ნაბიჯები მეცემოდა ხოლმე თვალში.

აღარ მახსოვს, იმ საღამოს მერე რამდენი ხანი გავიდა. შესაძლოა რამდენიმე კვირამ, შეიძლება თვეებმაც განვლო. ასე იყო თუ ისე, ეს დრო ბარიოში მნიშვნელოვანი ცვლილებების მოსახდენად საკმარისი აღმოჩნდა: უპატრონოდ მიგდებულ პარკს მოვლა დაუწყეს; მოსამართლეს ასეთი აზრი დაებადა. მოუსვენარი ჩიტები თოფით დავაფრთხოთ და ქალაქიდან გავრეკოთო; ჯვარედინ გზაზე დაფა დადგეს განცხადებების გასაკრავად; გორაკის გადაღმა სოფელში ტიფმა სამი მოხუცი იმსხვერპლა; ვაჟარ ქალს. როსას, ქალიშვილი გაექცა სახლიდან და ვიღაც მეზღვაურს გაჰყვა: მეზობელი ხუანა დაბრეცილი ფეხებით დაეხეტებოდა სოფელში. მოიკალათებდა ფურნეში და, ვისაც ხელში მოიგდებდა, ყველას არწმუნებდა, ჩემი ქმარი იბარიტო ისევ მე დამიბრუნდებაო. ერთი სიტყვით, მრავალი რამ მოხდა ამ ერთფეროვანი დღეების მანძილზე. სანამ ის უკანასკნელი, დაუვიწყარი საღამო დადგებოდა. ახალგაზრდა. მაღალ-მაღალმა გლეხმა კარზე ფრთხილად რომ დააკაკუნა, მე უკვე მეძინა, გამაღვიძა და მთხოვა, ჩქარა გამომყევი, ღროს ნუღარ დაუკარგავთო. ნემსის გაკეთება ვიცოდი და, ეტყობა. მძიმე წუთებში გამიხსენეს. მთვარით განათებული ეზო გადავიარე. ფეხქვეშ ნაზად აშრიალდა შემოდგომის ფოთოლი. სიბნელიდან ძალი გამონტა ყეფით, მაგრამ ვიღაცამ ხმადაბლა დატუქსა და გააჩერა. სამზარეულოზე გავლისას თიხის მოზრდილ კოკას მოვკარი თვალი, ალბათ სოფლოდან ჩამოიტანეს. სასადილო ოთახში ნათელთვალეებიანი მამაკაცის სურათი ეკიდა. მამაკაცს ესტელასებური შუბლი ჰქონდა. პორტრეტის ქვეშ, მაგიდაზე თეთრი მაჩიტელას ყვავილებით სავსე მოზრდილი ქოთან იდგა. ყველაფერს გაკვრით შევავლე თვალი, რადგან ძალიან ვჩქარობდი და მხოლოდ მაშინღა შევდექი, როცა ესტელას დედას და დას შევეჩვენე. გაოგნებულნი იდგნენ და უსიტყვოდ მომჩერებოდნენ. მათი თვალეები მართო ამას შეკითხებოდნენ: გავვაგებიანე, ჩვენს ესტელას რა დაემართათო. ესტელა სკამზე იჯდა, თავი გვერდზე გადავარდნოდა. თვალეები მილულოდა და მკლავი სახელურზე ისე უსიცოცხლოდ ჩამოვარდნოდა. თითქოს ცხოვრებასთან ბრძოლაზე საბოლოოდ ხელი აიღოთ. ასეთ დროს მხოლოდ უცხო თუ მიხვდება, ამ ოჯახს რა უბედურებაც დაატყდა-მეთქი თავს, გავიფიქრე. მაგრამ გამბედაობა არ მეყო, სიმართლე მეთქვა, ავიღე ესტელას

უსიციოცხო ხელი. ნემსი გავუკეთე და ფრთხილად დავუშვი სკამის სახელურზე.

ცოტა ხნის შემდეგ, როცა ეზოში გამოვედი, ძალი იხევ აყვებდა; მაგრამ აღარავის გაუჩუმებია. ქვითინის ხმა შემომესმა სახლიდან.

აი. სულ ამის თქმა მინდოდა. თუ იმ წვრილმანებს არაფრად ჩავაგდებთ, მეხსიერებას რომ შემორჩება ხოლმე. მაშინ, როცა სულ მთავარს დროთა მსვლელობა შლის. მერე შევიტყვე, რომ მაღალ-მაღალი გლეხი ესტელას საქმრო ყოფილა და ბარიოში სწორედ საბედ-სწერო დღეს ჩამოსულა — ის დღე ესტელას დაბადების დღე ყოფილა. გოგონას ცხრამეტი წელი შესრულებია. ესეც მახსოვს: სასაფლაოზე რომ მივდიოდით, ქარმა დაუბერა და ახალგაზრდას წითელი, იისფერსახეებიანი ჰალსტუხი აუფრიალა.

ვთქვი და ვიმეორებ: თუ კაცს მახლობელი არ მოუკვდება შეიძლება სიკვდილი დიდ უბედურებად არც მიიჩნიოს, მაგრამ გული მაინცა გტკივა, როცა შენ თვალწინ ხალხი მრავლდება, ათას რამეზე ოცნებობს. გოგონები ქალდებიან და შენ კი იცი, რით შეიძლება დამთავრდეს ყველაფერი. ამიტომ არის, რომ ქუჩაში შემხვედრ გოგონებს უნებურად თვალს ვარიდებ, მეშინია, ისევ არ გამიჩნდეს მტანჯველი კითხვა: მაინც, რა დაემართა მინდვრის როზმარინით დამშვენებულ ორ ნაწნავს?

მარიო ბენსამინის ცხოვრების ოთხი დღე

ღმერთმა სასუფეველი დაგიმკვიდროს.

მარიო ბენსამინ ბელარდე

მარიო ამ თვის სამს გამოესალმა ჩვენს დალოცვილ წუთი-სოფელს...

აქ. შენი ნეშტის გვერდით, რომელიც ახლად გათხრილი საფლავის მიწაყრილის ქვეშ, „ტანჯულ მებანძრეთა“ ძეგლის მახლობლად განისვენებს, სადაც ყოველ საღამოს მოფრინავენ ბელურების გუნდები და ჟღერტულით იკლებენ არემარეს, ჩამოვჯდები და რომელიმე გამვლელს ვუამბობ შენი ახდენილი ოცნების ოთხ დღეზე, მარიო ბენსამინ ბელარდე, აგრემც ნათელი დაადგება შენს სულს!

მოკმელების ადგილი

მარიო, ალბათ დამეთანხმები, რომ ნამდვილად დიდებული რამ არის მცხუნვარე მზით გასხივოსნებული, მთის კალთაზე შეყუყული ჩვენი სოფელი. მწვერვალიდან კარგად მოჩანს პატარა მდინარე, ის არც შუკების განლაგებას დაგიდევს და არც ადამიანთა ნება-სურვილს, ზიგზაგით შედის მარია სელესტინას ეზოშუ, იქიდან ბატონ ალკალდის ვილისკენ პატარა, ცელქი ბიჭივით მიხტის ქვებზე, მერე ეკლესიას ჩაუვლის, ძველ, ხავსმოკიდებულ კედლებს ცოტაოდენ სინესტეს დაუტოვებს და წელში გაწეილი გაძვრება დე ლა კრუსის ხიდქვეშ. ისიც ხომ უდავოა, მარიო, რომ ჩვენი სოფელი მხოლოდ მთის მწვერვალიდან მიაგავს ხელის გულზე დაყრილ ფერადი ქვების გროვას, — იმ მწვერვალიდან, საიდანაც დღისით თუ ღამით, აისზე თუ დაისზე, ხშირად უცქერდი ათას-

ფრად დაფერილ სამშობლოს, რათა მისი ხილვით დამტკბარიყავი.

მარიო, ჩვენი სოფლითა და ჩვენი ადამიანებით მე დღემდე ვარ მოჯადოებული. როცა მწვერვალიდან გადმოხედავ, ვერ იფიქრებ, თუ ჩვენს სოფელში ასე ბევრნი ცხოვრობენ. მარიო, მე მიყვარს ჩვენი სოფლის ყოველი ბინადარი. მომწონს გიჟი ფაკუნდოც, თავისი ჩოჩორის ფეხის ხმას რომ ასდევს და საქვეყნოდ გაიძახის, მამაჩემზე აღრე დავიბადეო. კარგი კაცია მოსამართლე დონ გრეგორიოც, ოქროსძეწვეიანი საათი რომ უდევს ყილეტის ჯიბეში. მომწონს ქალარათმიანი მარია სელესტინაც, მთელი დღე მუხლს რომ არ ჩახრის და გარდასულ დღეთა ნიშნად, როცა გვარიანი ქალი იყო და მამაკაცებიც ბუზბივით ეხვეოდნენ, უამრავ ჭრელ მძივს ატარებს. ყველა მიყვარს, მარიო, ყველა. იმიტომ მემება ეს ხალხი, რომ მეცა და შენც ამ ადამიანთა სხვადასხვა ნიშნებისა და თვისებებისგან ვართ შექმნილნი.

მარიოს დაბადება და ბავშვობა

სამშობლო სოფელი დიდად უნდა გიმადლოდეს, მარიო! თუ დამადლებაზე მიდგება საქმე, მაშინ შენი სიკვდილიც დიდი სიკეთე იყო მისთვის, იმიტომ, რომ არც თუ ისე მრავალრიცხოვან თანასოფლელებში სიკვდილი შენ გვხვდა წილად. შენ პოეტად იყავი დაბადებული, რაც შენი ბედნიერებაც იყო და უბედურებაც. გახსოვს. ერთხელ მდინარეზე მარტო რომ დაეხეტებოდი, — მაშინ თორმეტი წელი მაჭარივით დუღდა შენს პატარა სხეულში, — მოგეჩვენა, რომ ბუნებას შეერწყე: ხედ იგრძენ თავი, მდინარეს თევზად შეუტურდი, ძაღლის ყეფას ჩაექსოვე? სხვებისათვის მიუწვდომელი თრთოლვა დაგეუფლა და შენი სულის უფაქიზესი სიმები შეძრა. იგრძენი, ბუნება როგორ შემოვიდა შენს სისხლსა და ხორცში, გულში და, თუ იქ, ზეცაში, ნამდვილად არის რაიმე კარი. ალბათ ის წუთები მოგეშველებიან მის გაღებაში, თუმცა, ჩვენ აქ, მიწაზე, ამას ვერასდროს შევიტყობთ და სულ ახალ-ახალ მარიოებს მივაცილებთ სამარის კარამდე.

კმარა, შენს ბავშვობაზე ლაპარაკს ერთი ამბის მოყოლით

დავამთავრებ. გახსოვს, ერთხელ მოგვებმა რომ გაგიხსენეს და სა-
თამაშო თოფი გამოგიგზავნეს? თოფი ბაწარზე გამობმულ კორ-
პის ტყვიას ისროდა. სოფლელი ბიჭები ამ სათამაშო თოფებით
ერთმანეთს „ხოცავდნენ“, შენ მათებრ არ მოისურვე გართობა.
თოფს თვითონ იმიზნებდი მკერდში და თავს „იკლავდი“. ეს ანცო-
ბა იყო პოეტად დაბადებული ბავშვისა, სხვების აღტაცებაში მო-
ყვანა რომ უყვარს, თუნდაც ეს ანცობა ცალი თვალის ფასადაც
დაუჯღეს.

ცოტაოდენი სიყვარული, რაც მალე გაქრა

ყვავილთა სურნელი იყო თქვენი შუამავალი. იმ გოგონასთან
მან დაგაკავშირა. ასე იმიტომ მოხდა, რომ იმ დამეს ქარი ქროდა,
ხოლო. როგორც მოგეხსენება, მიჯნურთ პირქარის შესახვედრად
სიარული უყვართ. ეს გასეირნებები ძალზე ბრძნულია, მარხო.
ღმერთს არ ჩაუგონებია, ინსტინქტურად მივაგენით მას. ჩვენ და
ჩვენმა თანასოფლელებმა აღმოვაჩინეთ, რომ ქარის შესახვედრად
გასეირნება, იგივეა რომ მდინარებას მიჰყვე. შენც მიჰყევი ამ მდი-
ნარებას. როცა ყვავილთა სურნელებით გაბრუებული, ღიმილით
მოხიბლული. სიყვარულის შორევეში ჩაძირე. — სიყვარულის, რომ-
ლის ფასი შენს ცხოვრებაში არაფერი ყოფილა, მარხო.

შენ პოეტი იყავ და, ბუნებრივია, სიყვარულმა უამრავი სი-
სულელე დაგაწერიანა, მაგრამ გეპატიება, რადგან, როცა დავაყკა-
ციდი. თავი მსხვერპლად შესწირე ჩვენი სოფლის უკეთილშობილეს
საქმეს — დ ი დ ი ს ა ბ ა ვ შ ვ ო პ ა რ კ ი ს აგებას. პარკი კი დღე-
საც არ აუშენებიათ.

მარიოს დიადი ოცნება

რასაკვირველია, შემთხვევითობის წყალობით ცხოვრობდი.
აბა, სხვანაირად როგორ უნდა გეცხოვრა — შენ ხომ ლირიკოსი
იყავი და უბადრუკობას და სიგლახაკეს ვერ იტანდი. ცხოვრები-
სეულ წვრილმანებთან ყოველდღე გიხდებოდა შეხლა. რა მწა-

რეც ცდებოდი. როცა ფიქრობდი, რომ პოეტი კაცი ცხოვრების მწარე ნაღველის შესმას გადაურჩებოდი. შენი ხასიათი- ზოგი თვისება ძალიან არ მომწონდა, მარიო, და გულმოსულს ზოგჯერ შენს საფლავზე მოფრენილი ბელურების დაფრთხობა მომინდებდა ხოლმე. რაკი თანასოფლელებმა ძეგლი არ გადირსეს. ისინი იმ ძეგლზე ჩამოსხდებიან ხოლმე, „ღვაწლმოსილი მეხანძრეები“ რომ ჰქვია. მაგრამ დაფიქრდები და ვიტყვი, მეც თუ ხელი ავიღე შენზე, ერთი მეგობარიც აღარ დაგრჩება იმ სოფელში, რომლის „სამთა საზოგადოება“ ყოველ წელს ყვავილებით ამკობს მზრუნველი პაჩეიკო ოსტეისას სიცოცხლეშივე დადგმულ ბიუსტს.

მერე რა უჭირს, მარიო, ხშირად სისულელეს რომ სჩადიოდი. მაგალითად, პირველად რომ მიგიღო მზრუნველმა და შენს საბავშვო პარკზე გელაპარაკებოდა, რამდენჯერმე გაგიმეორა. ატყილებელია გავაშენოთ „საბავშვო პარკი ბავშვებისათვისო“? შენ კი. სულელო მარიო, სიტყვა გააწყვეტინე და გაუსწორე „საბავშვო“ კარგად გამოხატავს აზრს და განსაზღვრება „ბავშვებისათვის“ ზედმეტიაო. ეჰ, მარიო, როგორ ვერ მივხვდი, რომ მზრუნველისათვის ლაპარაკის სტილი არ უნდა შეგესწორებინა! ხშირად შენი ასეთი უაზრო საქციელი იყო შენი უბედურების თავი და ბოლო. ამქვეყნიდან ისე წახვედი, რომ ვერ გაიგე. კარგი ენა ღირსებას ვერ შემატებდა მზრუნველს, რადგან მას ენაც უღირსი აქვს და თვითონაც უღირსია.

მარიო დიდი ოცნების გზაზე

...რაკი შენ იდეების ადამიანი იყავი, სხვა დანარჩენი. რაც არ უნდა თქვან შენზე, — უხამსობა იქნება. „კეთილი ნების უწყებაში“ წავიკითხე განცხადება, ამაღლელებლად და ლამაზად იყო ნათქვამი: „მარიო ბენხამენი. ვისაც საკუთარი ბავშვობა არა ჰქონია, პარკის გაშენებას მოითხოვს ჩვენი სოფლის ბავშვებისათვის“. მაშინვე შენთან გამოვიქეცი, მარიო, და გადაგკოცნე. შენი განზრახვა ჰეშმარტი პოეტის იდეით იყო ნაკარნახევი, იმიტომ რომ. თუმცა ეს ყველას არ გაეგება, პოეტს, უწინარეს ყოვლისა, გული მო-

ეთხოვება, ხოლო შემდეგ ზომის მიხედვით განწყობილი სტრიქონები და თავისუფალი რიტმი. მაგრამ რა დიდი უბედურება შეიძლება მოჰყვეს ასეთ იდეებს, თუ მათ დროზე არ გამოუჩნდება კაცი, ან თუ გამოჩნდება, პოეტი არის ის და ყველას თავის გრძნობებს მიაწერს! ამას, უწინარეს ყოვლისა, შენზე ვამბობ, მარიო, იმიტომ რომ, მინდა ახლა მაინც მიგახვედრო იმას, რაც შენ თვალწინ ხდებოდა და მაინც ვერ ამჩნევდი.

იცოცხლე თუ არა, მარიო, რომ „სამთა საზოგადოების“ პრეზიდენტსა და მზრუნველს. ლიცენციატ ორტიესას შენსავით მთელ არსებით არასოდეს განუცდია ბუნების სილამაზე? წარმოიდგინე, მანქანის სარკმლიდანაც კი არ მიუტყევეია ყურადღება. ერთადერთი, რასაც ყოველთვის აღწევდა — თანაც უდიდესი წარმატებით — ამ ბუნების მიერ მომადლებული უგემრიელესი ნაყოფით საკუთარი მუცლის ამოყორა იყო. აი, რით განსხვავდებოდით ერთმანეთისაგან. მაგრამ ასეთ რამეს, აბა, როგორ წარმოიდგენდი, როცა გეგონა, ლიცენციატის მკერდშიც უკვე ჩემებრი გული ავადგერო.

იმ დილას სახეგაბრწყინებული მოხვედი „სამთა საზოგადოებაში“. მაშინ „ოთხთა საზოგადოების“ მესვეურებმა გადმოგხედეს სარკმლიდან და სიბრალულით გაიღიმეს. გულში კი ალბათ ასე თქვეს: „აგერ, ბელარდე გამოჩნდა, კაცი, ვინც ოცნებითა და საკუთარი პოემებით იკვებება“. დიახ, შენ ლიცენციატის მისაღები ოთახსკენ მოიჩქაროდი, მე კი, რაც თავი მახსოვს, ამ დაწესებულებას ვარ მიჯაჭვული, რადგან ამ საზოგადოების არქივის დამარსებელი გახლავარ. კიდევ რომ მოიწადინონ, ადვილად ვერ შეველევინან: იციან, რამე საბუთი რომ დასჭირდეთ. უჩემოდ ძებნით კვლახე შეირყევიან. იმ დილასაც, ჩვეულებისამებრ, „საზოგადოებაში“ ვიჯექი და თავიდან ბოლომდე გავიგე შენი და ლიცენციატის საუბარი, რის შემდეგაც შენი დამსხვრეული ოცნებებით უკან გაბრუნდი.

— ღარიბთა შვილებისათვის საბავშვო პარკო?! — ჩაგეკითხა ლიცენციატი მზრუნველი. — მერე იცით, რა დაგვიჯდება? ათასები, ათი ათასები! მთელი კვარტლის ყიდვა მოგვიწევს, მერედა, ბელარდე, სად ვიშოვოთ ამდენი ფული? რას გააწყობს მარტო საზოგადოება, თუ ოფიციალური მხარდაჭერა არ გვექნება?

შენ ვერც ამჯერადა თქვი მტკიცე სიტყვა, იმიტომ, რომ ყველაფერში მერყევი იყავი. ლაპარაკი საერთოდ, არ გიჭირდა, მაგრამ თუ ლექსის და თანაც კარგად გარითმული ლექსის თქმას არ აპირებდი, ხმას ვერ ამოგაღებინებდა კაცი.

— იდეების კარნახი და ბავშვების სიყვარული ყველას შეუძლია, ბატონო ბენხამინ, მაგრამ საქმეს თავი რომ მოაბა და ნორჩ თაობას გამოადგე, სულ სხვანაირი მიდგომა და ძალ-ღონეა საჭირო, რაც ჩვენ არ გავაჩნია. თქვენს წინადადებაზე მე უარს ვაცხადებ. ჩემს აზრს იზიარებს „სამთა საზოგადოება“ და მისი ყველა წევრი. ბავშვებისათვის საბავშვო პარკის გაშენება ჩვენ არ შეგვიძლია.

მარიო, შენ მაშინ გამოხვედი ქუჩაში შენი დამსხვრეული ოცნებებით, როცა „ოთხთა საზოგადოების“ წევრები მაგიდას უსხდნენ და გახურებულ კარტის თამაშში იყვნენ.

გამჭრიახი მდივანი

არ ვიცი, მარიო, იცი თუ არა, არქივარიუსებს სამუშაოს დამთავრებამდე სახლში წასვლა რომ არა სჩვევიათ — მგონი, ასეთი რამეებისა შენ არაფერი გავგებობდა: არქივარიუსი. მით უმეტეს. ფეხს არ მოიცვლის საზოგადოებიდან, თუ იქ მისი მეგობარი მივიდა და იცის, რომ მისი წასვლის შემდეგ მასზე გაიმართება მსჯელობა. შენ წახვედი, მე კი დაერჩი და დავინახე, მზრუნველთან როგორ შევიდა მისი მდივანი ხიმენო. მზრუნველი მას ხარხარით შეეგება, შენ დაგცინოდა.

— იცი, ხიმენო, — უთხრა მან, — ბელარდე იყო ჩემთან. აი, ის, ჰოეტი რომ არის და ოცნებებით იკვებება. მოვიდა და მირჩია დაგვეარსებინა რაღაც საბავშვო პარკი ბავშვებისათვის.

იმედია, ხიმენოს უმთავრესი ნიჭის ამბავი გეცოდინება: ყველაფერს პირწმინდად დაატყვევინებდა ხოლმე მზრუნველს.

— გეყურება, ხიმენო! ბავშვებზე ზრუნვას მირჩევდა ბელარდე. თანაც რა დრო შეუპოვებია! ჩვენ ამ დღეებში ფული გვაქვს ასაკრეფი კარნავალისათვის, ასეთი კარნავალები ხომ ჩვენს სო-

ფელს მაღალ კულტურულ პრესტიჟს უმკვიდრებს და თანაც ჩემი მაღაზიიდან დიდძალი სერპანტინიც სალდება ხოლმე.

— გულახდილი ბრძანდებით, ლიცენციატო!

— ჩემო ძვირფასო მდივანო, გულახდილობაზე გულახდილობითვე უნდა მიპასუხო, — იმავე ეშმაკური ღიმილით სიტყვა მოუტკრა მზრუნველმა და ისევ წამოწყებულ საუბარს დაუბრუნდა: — ოფიციალური დანმარების გარეშე რა შეუძლია „სამთა საზოგადოებას“? რით უნდა გავუშენოთ პარკი ბ ა ე შ ე უ რ ბ ა ე - შ გ ე ბ ს ?

მზრუნველი გაჩუმდა და ხიმენოს მიაპყრო თვალები. მდივანმა თითები აათამაშა მაგიდაზე.

— რა, ხიმენო, არ ეთანხმები ჩემს აზრს?

— ეგების, ლიცენციატო..

— რა, ეგების, ამოალაგე, გულში რაც გიდევეს!

მამ-ნ მდივანმა წვრილი, გამკოლავი თვალები თვალში გაუყარა მზრუნველს, ხოლო გონების თვალი თავისი მიზნისკენ მიმართა და წარმოთქვა:

— მზრუნველო, თქვენისთანა გამპკრიახი ჰკუის ადამიანისაგან ყოველთვის რაღაცა დიდმნიშვნელოვანს მოველი. ბუნებით უხვად მომადლებული თქვენი ფანტაზიისა და ნათელი გონების იმედი მაქვს ყოველთვის.

ასე იყო, მარიო: როგორც კარგ არქივარიუსს შეეფერება, შუშენივრად ვიცოდი, რომ, როცა ხიმენო ლიცენციატს გამპკრიახს უწოდებდა, მზრუნველი უკვე მის ხელთ იყო.

— აზრი მომაშველე, ხიმენო, მომაშველე აზრი, რომ მოვიფიქრო რამე!

ზ-მ-ნომ აზრიც მიაშველა და ჩანათიქრიც გაუმხილა: მან კარგად იცოდა, ლიცენციატს არც სიტყვები ჰყოფნიდა და არც გონება უტკრიდა, რომ რამე მოეფიქრებინა. ამიტომ სხაპასხუბით ჩამოაყალბა გეგმა:

— ისეთ კაცს თუ დავიამხანაგებთ, თავისი აზრებით ადამიანთა გულების აღგზნება რომ შეეძლოს. ამ საქმიდან ზღვა შემოსავალს ამოვქაჩავთ.

— ბელარდე! — ისე შესძახა მზრუნველმა, გეგონებოდა. მართლა მისი გონების ნაყოფი ყოფილიყო ეს აზრი.

— ჩინებულა, ლიცენციატო! ხალხი თავის შესაწირს სწორედ ისეთ ადამიანს ანდობს, ვინც ღრუბლებში დანავარდობს და მიწაზე ჩამოსვლას არ აპირებს.

— ბელარდე, ის ვინც ლექსებს წერს, უპარკოდ დარჩენილებისთვის დარდობს და ბალებთან მეგობრობს...

— დღებულად ბრძანებთ, ლიცენციატო!

— ამრიგად, „სამთა საზოგადოებას“ დახმარებაში უარს აღაჩვენ ეტყვის.

— დახმარებაზე, ლიცენციატო, — მორიდებით შეუსწორა მდივანმა და თავი დახარა.

— თუნდაც ეგრე იყოს. ამასთან, შეწირულობას ქალთა კომიტეტს შეაგროვებს.

— ბრწყინვალე აზრია...

გეფიცები, მარიო, ლიცენციატმა თავი ველარ შეიკავა და ფეხზეც კი წამოხტა.

— მერე კი აედგებით და ერთ პატარა პარკს გავაშენებთ, არა, ხიმენო?

— არც პატარას და არც დიდს, ბატონო ლიცენციატო! — მდივანმა შეცბუნებული პრეზიდენტი გააცოცა.

— როგორ, ამდენი დაპირების შემდეგ სულ არაფერი არ ავუშენოთ? ასეთი დიდი თანხის მითვისებას ფიქრობ. ხიმენო?

— ლიცენციატო, დროთა განმავლობაში ადამიანებს თავისი ფიქრები და ოცნებები ავიწყდებათ.

— ო, ხიმენო! — წამოიძახა აღელვებულმა მზრუნველმა. — რა მეწველებოდა, მდივანად შენ რომ არა მყავდე!

— ჯერ დამაცადეთ! მთავარი კიდევ არ მიოქვამს, ბატონო, ყურადღებით მომისმინეთ: ბენხამინ ბელარდე ამჟერად თვითვე იქნება ხაზინადართა ჯგუფის წევრი.

-- ნამდვილად, ნამდვილად! ეგეც შესანიშნავად მოიფიქრე!

— იმიტომ, რომ იმ კაცის პატიოსნებაში, ვინც ოცნებებით იკვებება, ექვი არავის შეეპარება.

— არავის, არავის, ხიმენო, არც მე შემეპარება ექვი!

პოეტი. ვინც მარტოობაშია მიჩვეული თავისი უბედურების გამოტირებას

იმ საღამოსვე რომ მენახე, ყველაფერს შეგატყობინებდი. ვიცოდი, არ გამამხელდი, მარიო. მაგრამ შენ მაშინვე სოფელს გაეცალე, რათა კიდევ ერთი დამსხვრეული ოცნება გამოგეტირებინა და იქ, მთის მწვერვალზე შენს საყვარელ კუთხეს მიაშურე. იქ, სადაც ბავშვობაში არა ერთხელ გავქცევით მეოთხე კლასის აბესარ მასწავლებელს. მენახირე ფიდენსიო გზაზე შემომეყარა და შენზე მოთხრა, მთაზე ავიდაო: დრო მოვა, იმ მწვერვალს ბელარდეს სახელს დაარქმევენო, დაუმატა და მოღიმარი სახით გაირეკა ნახირი. ყველაზე ცუდი ის იყო, რომ იმ ღამეს ვერ გნახე, ალიონზე კი ხიმენო შენი სახლის წინ იყო დარკობილი და მთელ თავის მდივანურ ზელოვნებას აქსოვდა წინასწარ მოფიქრებულ სიტყვის წარმოთქმაში, რომ ადვილად მიეღწია საწადელისათვის და პოეტს სულში ღრმად ჩაგძვრომოდა:

— მხოლოდ პოეტს, თანაც თქვენისთანა პოეტს, ძალუძს იყოს ბავშვთა გულის მესაიდუმლე. მე თვალა ავუხილე მზრუნველს და ცრემლებით ავეცემციმე. დიახ, ცრემლებით, რაც შემდეგ თქვენს წინაშე ქედის მოხრით შეიცვალა და მისი გული ერთი სურვილით განიმსქვალა: დაუყოვნებლივ უნდა გაშენდეს მარიო ბენხამინ ბელარდეს დიადი პარკი, ჩვენი სოფლის ღარიბი ბავშვებისათვის.

ახლა კი, მარიო, რაკი იმ დღიდან კარგა ხანიც გავიდა და გაპატიე კიდევ, მაშინ რომ არ დამიჯერე, თუმცა კაცი კარგად რომ ჩაუყვირდეს. არც შეგეძლო ჩემთვის დაგეჯერებინა, რადგან პოეტებსაც გაქვთ თქვენი აქილევსის ქუსლი — პატრემოყვარეობა — ახლა კი, მარიო. უნდა გითხრა: შენი უბედურება ის იყო, რომ ხაზინადრებში გაერბე. თუმცა, ეგეც არის. უამისოდაც ყველაფერი ძალიან ახლოს. საოცრად ახლოს. მიჯკონდა გულთან.

ზევიდან ვარდნა

მერე რაც მოხდა, ჩემზე უკეთ არავინ იცის. შენ მთელი სულით და გულით აღეგზნე. რათა კეთილი ადამიანები აღგეთრთოვანებინა შენი იდეით. მათმა პატროსანი გზით ნაშოვნმა დანახოგმა

შენს ხელში გაიარა. სამწუხაროდ, გაიარა, თორემ შენს ხელში რომ გაჩერებულიყო, გროში არ მოაკლდებოდა. მაგრამ კმარა წვრილმანებზე ლაპარაკი, მარხო ბენხამინ ბელარდე. სათქმელი ცოტადა დაპრჩა. ახდა ხიმენოს სიტყვები: დროთა განმავლობაში აღამიანებს ყველაფერი ავიწყდებათო. დიდებს, შეიძლება, ავიწყლებოდეთ, ბავშვებს კი — არა! ასე არ არის, მარხო? შენ შეგეძლო გადაგეტანა შენი თანასოფლელების გადაკრული სიტყვება, თავი ფულის ქურდობით შეირცხვინაო, თუმცა ისევ ძველი, განუხებელი ხალათი გეცვა. შენ ისიც გადაყლაპე, მოზრდილთა პარკში ერთხელ ვილაყამ რომ მოგაძახა: ქურდოო. შენ ისეთ ავაზაკად ვთვლიდნენ, ვინც აღამიანთა ნდობით ისარგებლა და მათი ოფლით მონაწიერი გაფლანგა. მიწა რომ გამსკდარიყო და შიგ ჩაეტანე, გერჩინა, მაგრამ შეგეძლო ამის გადატანა და გადაიტანე კიდევ ოღონდ, როცა ბავშვები გეკითხებოდნენ თავიანთი პარკის ამბავს. ფეხქვეშ ნიადაგი გეცლებოდა, მარხო, სირცხვილზე მეტად ჯავრი გკლავდა და პასუხის მოსათხოვნად „სამთა საზოგადოებაში“ გარბოდი, ეკითხებოდი ამა და ამ კვარტალში როდის დაიწყებო პარკის გაშენებასო. ვითომცდა პარკისათვის გამოყოფილ ტრიალ მინდორზე კი სარეველა და ნაგვის გორები იზრდებოდა. ამას კი ველარ გაუძელ და ერთხელ, საღამოს, შენს უკანასკნელ საღამოს, იმ მთის მწვერვალზე ახვედი, საიდანაც ჩვენი სოფელი ხელისგულზე დაყრილ ბრჭყვიალა ქვის გროვასავით მოჩანს.

მარხო მთიდან ჩამოვიდა

თიოქმის ყველა, ვისაც გვიყვარდი, შენთან ერთად დავეშვიოთ მთის მწვერვალიდან. წინ მარხო სელესტინა მოგვიძლოდა. ოღონდ მძივები მოეხსნა. გვერდში ის გოგონა მოჰყვებოდა, იმ ღამეს ქარის საპირისპიროდ მიმავალი რომ შეგხვდა პარკში. თმაში უკვე ჭადარა ჰქონდა გამორეული. მერე გიჟი ფაკუნდო მოდიოდა, თავისი ჩოჩორი მოჰყავდა და აჩემებულ სულელურ სიტყვებს იშეორებდა. ფაკუნდოს ფიდენსიო მოსდევდა: მისი გლეხური დაკოყრილი თითები თითქოს საყაცის სახელურებს შეზრდოდა. მე კი საყაცეს

უკანიდან ვწევდი და თვალს არ ვაცილებდი შენს თავს, მარიო, შენს დიდებულ თავს, რომელიც ჩემი მუხლების გასწვრივ ირხეოდა, როცა ნამდვილი ტყვიით გულგანგმირული ჩამოგვქონდი ქვევით. მარიო, მეგობარო, იმას არა უშავს, ასე ახლოს რომ მიგქონდა გულთან ყველაფერი, მაგრამ თუ მეტს ვეღარ გაუძლებდი, მაშინ ბავშვობაში რომ იცოდი, ისე რატომ არ მოიქეცი — შენი სათამაშო თოფის ლულაზე ბაწრით მიბმული კორპის ტყვიით რად არ მოიკალ თავი?

ბედის ჩარხი

თუ ცხოვრება კინოს, რადიოს ან ტელევიზიის არა ჰგავს — აბა, ის რა ცხოვრებაა.

კინოსთან მე ჩემი, პირადი, ანგარიშები მაქვს. დიახ, დიახ, მართალს მოგახსენებთ! მშვიდად ვერ ვუყურებ ფილმებს, ერთიანად ამფორიაქებენ ხოლმე და თავში ისეთ დომხალს დამიტრიალებენ, რომ ეშმაკიც კი ფეხს მოიტეხს. თვითონ განსაჯეთ: აქერიკულ ფილმს თუ ვუყურებ — თავი გულადი კოვზი მგონია. თუ სიყვარულს უჩვენებენ — შეყვარებული გმირი. ხან იმ ბიჭად წარმოვიდგენ ხოლმე თავს, განსაცდელიდან დედას ან მამას რომ იხსნის. მაგრამ როგორც კი კინოდარბაზიდან გამოვდივარ, უმალ იმადვე ვიქცევი, რაც სინამდვილეში ვარ. აი, მაგალითად, ამ დღეებში ჩემისთანა ღარიბ ახალგაზრდაზე გადაღებული ფილმი ვნახე. ბიჭს სილატაკეში ხდებოდა სული, მაგრამ ღარიბები ასე მხოლოდ კინოში იხოცებიან. ნეტა ერთი იმისი ბინა გენახათ! სუფთა, მოხდენილი დივანი და ავეჯის ისეთი გარნიტური ედგა, რომლის ყიდვა ჩვენთან, ბალასკაინეში, კარგა დიდი თანხა დაუჯდება კაცს. რა ვიცი, იქნება მართლაც ღარიბი იყო, მაგრამ მე ხომ კარგად ვიცი ფასი ასეთი გამოთქმებისა: „ცხოვრება მისია, ვინც იბრძვის“, ან „ცხოვრებაში მთავარი რწმენაა“ და კიდევ ამის მსგავსი სხვა გამოთქმები, რაც ვისაც გინდა, იმას ააღელვებს. განა მართალს არ ვამბობ? აი, ეს მომაკვდავი ბოკი ერთ დიდ ფაბრიკაში მუშაობდა. ძნელია იმის თქმა, რას ამზადებდა ეს ფაბრიკა. ერთი დიდი მილი იყო აღმართული, ეს მილი ხრჩოლავდა და ყურისწამლებად ღებოდა. ეზოში ერთნაირქუდიანი აღამიანები ირეოდნენ. სამუშაო-

ოზე ყველა ერთნაირი ლითონის ჩემოდნით მიდიოდა; ჩვეულები-სამებრ, ჩემოდნებში სოსისის ბუტერბროდები ეწყოთ, ჩემოდანს ზვეიდან ეწერა: „ბედნიერი“. აი. ასეთ ვითარებაში ჩვენმა ლატა-კმა როგორღაც მოახერხა პეწენიკობის შენარჩუნება — ერთ ლა-ქას ვერ უპოვიდით კოსტიუმზე. ამან სულ გამახელა. მე თვითონ რა ღონეს არა ვხმარობ, არ დავისვარო-მეთქი, მაგრამ ჩემისთანა დაწყველილი ხელობის კაცი აბა ამას როგორ მოახერხებს; ჩემი სასიამაორო თოჯინებს ამზადებს თაბაშირისაგან, მე კი ვყიდი. უფ-რო სწორად, ვყიდდი, რადგან ახლავე შეიტყობთ, რა დღე დამა-ყენეს ჩემმა სასიამაორომ, ფილმებმა და თაბაშირის თოჯინებმა. მაგ-რამ, მოდიოთ, ისევ ფილმის გმირს დავუბრუნდეთ. იმ ახალგაზრდამ თავისი სილამაზისა და შემთხვევის წყალობით — ამ შემთხვევამ კი-ნალამ იმსხვერპლა კიდევ — ავტომობილით სასეირნოდ გამოსულ-გოგონა გაიცნო.

გაცნობას შეხვედრები, საუბრები, ისევ ღა ისევ სოსისებით საუზმე მოჰყვა და საქმე იმით გათავდა, რომ ქალ-ვაჟს ერთმანეთი შეუყვარდათ. კარგი სანახავი იყო, როგორ აუტყუდებოდა ხოლმე გოგონას ოხვრა, როგორც კი ფაბრიკის საყვირის ხმას გაიგონებდა. სამუშაო დღის დამთავრებას ამცნობდა თუ არა საყვირი, ქალი-შვილი კისრისტეხით ჩარბოდა კიბეზე, რომ ფაბრიკის მახლობლად სატრფოს შეხვედროდა. ის ნამდვილად კარგად ერკვეოდა ცხო-რების რაობაში და დამშეულ ბიჭს თავისი ძვირფასი სამკაულები-თა და ბეწვეულით კი არ ეჩხირებოდა თვალებში! პაემანზე ძვირფა-სებს არ იცვამდა. ამიტომ მათ ლამაზ სიყვარულს ხელს არაფერი უშლიდა.

მოლოდინით არ მინდა დაგვალათ, დროა. დავაკმაყოფილო თქვენი ცნობ-სმოყვარეობა. ბიჭის შეყვარებულა ფაბრიკის პატრო-ნის ქალიშვილი აღმოჩნდა. ვაჟმა ეს ამბავი არ იცოდა და უნდა გენახათ, როგორ დაღონდა, როცა შეიტყო! სატრფოს მაშინვე უთ-ხრა: ჩვენ უნდა დავცილდეთ ერთმანეთს, შენ მღაღარი მამის შვი-ლი ხარ, ჩვენი სიყვარული არ იქნებაო! უთხრა და... გაშორდა. მა-რთალი რომ ვთქვა, შემებრალა გოგონა და იმ ბიჭზე გული მომი-ვიდა: ფულები უწვალებლად უცვივდებოდა ხელში და მეტი რა-და უნდოდა!

არ იფიქროთ, რომ ვამტყუნებდე. შესაძლოა მართალიც იყო. სიმპათია და პატივისცემაც კი ვიგრძენი იმ ადამიანისადმი. ვინც გაპირვებაშიც უანგარო დარჩა. ასეთი საქციელის ადამიანს აზრებიც წმინდა ექნება. მართალს არ ვამბობ?

აი. ასე იყო საქმე... ვაჟი იმაზე გახელდა, მილიონერის ქალმა ჩემი. ლატაკის. შეყვარება როგორ გაბედაო. დაქორწინებაზე ხომ სიტყვის გაგონებაც არ უნდოდა, მასთან ვერც ღმერთი გახუბოდა რამეს და ვერც ეშმაკი. ცხადია, გოგონა ძალიან იტანჯებოდა. გული მეთუთქებოდა იმის შემხედვარეს. ასეთი ნორჩი, სიმპათიური, ჩიტვივით უზრუნველი გოგონა, ვისაც ორმოცი წყვილი ახალი ფეხსაცმელი ჰქონდა, შიმშილით სამარის კარზე მისული ვიღაცა ვაჟის გულისათვის კვდებოდა. მაგრამ. მოგეხსენებათ, მამა მაინც მამაა! ასე არ არის? მოხუცმა ყველაფერი შეიტყო და ბიჭის დაყოლიებას შეეცადა. ვაჟმა ააგლო ქვა და თავი შეუშვირა: ჩემით მსურს ცხოვრებაში რაღაცას მივალწირო, თქვენი წყალობა არა მჭირდება, თქვენ რომ დაგყვეთ, დამცირებულად და ფულზე გაყიდულად ვიგრძნობ თავს, შიმშილით მოვკვდე ის მირჩევნიაო.

ამ ეპიზოდის დასასრულმა კინალამ ჰკუთაზე შემშალა. მოხუცი მარცხის შესატყობინებლად ბრუნდება ქალიშვილთან. აი. ის ქალიშვილის ოთახში შედის, გოგონა ფეხზე დგება და ეგებება მამას. მის სახეს ფართო პლანით ვხედავთ ეკრანზე: პასუხის მოლოდინში თვალები უბრწყინავს, სუნთქვა ეკვრის. კადრი იცვლება, ეკრანზე ისევ მოხუცია. დამწუხრებული აქნევს თავს და ამბობს: „უარი მტკიცა“.

იციტ, რკინის ნერვები უნდა ჰქონდეს კაცს. ასეთ ამბებს გულგრილად რომ უყუროს. პირადად მე ძალიან მშველის საღეჭი რეზინი და კინოში ყოველთვის დამაქვს კიდეც თან. გრძნობის დაფარვას მხოლოდ რეზინის ლეჭვით ვახერხებ. აი. ასეთი იყო საქმის ვითარება. ერთი სიტყვით, გულახდილად მოგახსენებთ: ცხოვრება დიდი სისულელეა! ფულები კი უარესად აფუჭებს მას! გაქვს თუ არა გაქვს ფული, ცხოვრება მაინც საძაგელი რამ არის. თუმცა, მოითმინეთ! მალე ერთი მნიშვნელოვანი ამბავი მოხდა. ჩვენს გმირს გონება გაუნათდა და რაღაცის გამოგონება დაიწყო. ქალაქის ცენტრში, სადაც სიცოცხლე დუღდა და გადმოდუღდა, სიღარიბის

მიუხედავად მას ვეებერთელა ბინა ჰქონდა, მისი ფანჯრები ქუჩაზე გადიოდა. გაქირავება რომ მოეფიქრებინა. სილატაკეს სამუდამოდ დააღწევდა თავს, მაგრამ ასე როდი მოიქცა: ვაჟს ეს, ალბათ, აზრადაც არ მოსვლია. თუმცა, რა ვიცი, იქნება ვერაფერი გამოიგონოს კაცმა, თუ ასეთი შესანიშნავი ბინა არა გაქვს? ასეა თუ ისე, ფაქტი ერთია: ვიდრე ლატაკი გამოგონებას შეუდგებოდა, შიმშილით სული სძვრებოდა, — ეგრე არ იყო? უნდა გენასათ, ქალაქის დასტას შუალამისას ციფრებით როგორ აკრელებდა და ცრემლმორეულ თვალებს დროგამოშვებით როგორ მიაპყრობდა ხოლმე კედელს, სადაც ქალიშვილის პორტრეტი ეკადა. მაგრამ ჯერ სადა ხართ, ფილმი ჯერ ხომ არ გათავებულა! კინოში კი ჰქვიან კაცს ტყუილუბრალოდ არ ადენენ ცრემლებს. ერთხელ ფაბრიკას ვაუქირდა, რაღაც გატყდა და ამან მუშაობის შეწყვეტა გამოიწვია. გაჩერდა უზარმაზარი მექანიზმი. მუშები მისჩერებოდნენ ამ დანადგარს და სინანულით აქნევდნენ თავს. ბოლოს ძალზე აღელვებული მოსტუცი გამოჩნდა და განაცხადა: წარმოების გაჩერება საბოლოო კრახამდე მიმიყვანსო. აი, ასეთი მდგომარეობა შეიქმნა. მაგრამ საქმეში ჰაბუკი ჩაერია და ყველა დააშოშმინა: „დამშვიდდით, რაღაცას ვიღონებო“. შეუდგა მუშაობას. სულ ერთთავად თვლიდა და ანგარიშობდა. ეს ადგილი, ნამდვილად ყველაზე დაძაბული იყო. როგორ დასცხო მუსიკამ! საათი როგორ ითვლიდა დროს — „ტიკ-ტაკ“! მიჰქროდნენ დღეები. ჰაბუკი ოფლში იწურებოდა; შიმშილი, წყურვილი და უძილობა ტანჯავდა, მაგრამ უქმად ერთ წუთსაც არ აცდენდა. ბოლოს დაღლილობისაგან განაწამები წყლის დასაღევად შებრუნდა, კიქას დაუწყო ძებნა და უცებ — ბახ! გოგონამ ცივი ლიმონათი არ მიაწოდა! გამოგიტყდებით. მარტო მე კი არა, ცოტა არ იყოს, იმ ვაჟსაც გაუკვირდა, აქ საიდან გაჩნდა ქალიო. ნუთუ ამ უარყოფილ სატრფოს შემოქმედების სამქედლოში, თანაც დიდი გამოგონების წუთებში მოსვლისა არ შერცხვა? მიუხედავად ამისა, ბიჭმა არაფერი უთხრა, გაუღიმა და მუშაობა განაგრძო. იქნება ეს სიხპარი იყო მხოლოდ და მეტი არაფერი? აჰა, როგორც იქნა. ეშველა დეტალის დამზადებას, რომლის გაანგარიშება ალბათ ახალგაზრდა კაცის იმ ნაჯღანებში იყო გაბნეული. დეტალი უზარმაზარ მექანიზმს მორავეს და, კრახს გადარჩენილი მოხუცის გულის გასახარად, ფაბრიკა აამუშავეს.

წარმოიდგინეთ, როგორ მოილხინა ყველამ. გაიმართა ერთი ხევენაკონა. აგერ, ფორმის ქუდიანი მუშა უზარმაზარ ჩარხს მისჩერებია სიყვარულით, მერე ცოლს ბავშვი ჩამოართვა და ჩაკონა. ჰაბუკი ცას ეწია სიხარულისგან! წინ კიდევ ზღვა სიხარული ელოდა. იმ წუთების გახსენებაზე მეც კი მიფართხალებს გული.

დადგა ამბის ბედნიერი დასასრული. ახალგაზრდა ვაჟი ახალთ-ახალ ტანსაცმელში გამოწყობილი მოგვევლინა. ერთ მხარეს გოგონა ედგა, მეორე მხარეს — მოხუცი. მოხუცს ხელში ნახევარ-მილიონიანი ჩეკი ეჭირა. ჩეკი ვაჟისთვის უნდა მიეცა, მან ხომ ჰკუთნის. მონდომებისა და აგრეთვე ლიმონათის წყალობით თავისას მიადწია. მაგრამ გოგოც ხომ ეწია საწადელს. აი, ფილმიც ასეთი უნდა! რა სჯობია ასეთ ფილმს! განა ასე არ არის? რა კარგი იქნებოდა, ქორწილზე დარჩენა და ქეიფში მოლხენაც რომ ყოფილიყო შესაძლებელი! ნეტა ეკრანში გადაძვრომა მაინც შეიძლებოდა! ვინ იცის. იქნება პირდაპირ იმ ხალხში ამომეყო თავი. აი, ეს კი იქნებოდა სეირი!

მაგრამ უბედურება ის არის, რომ ყველაფერს დასასრული აქვს; იძულებული ხარ, კინოდან გამოხვიდე და ხეიბარ კონტროლორს შეეფეთო. წურბელა! ეგ კაცი ვისაც გინდა, იმას აიძულებს ბილეთის აღებას. მერე კი ათასი უსიამოვნება გელის ქუჩაში.

მაგრამ გახსოვთ, წელან რა ვთქვი? ნანახი ფილმი დიდხანს მიტრიალებს-მეთქი თავში. იმ დღის შემდეგ თითქოს რაღაც გადატრიალება მოხდა ჩემში. აი, სწორედ ამის გამო უნდა ვაგო პასუხი პოლიციის ლეიტენანტის წინაშე. იმ ლეიტენანტის წინაშე, ვისაც თაბაშირისაგან დამზადებული ინდიელის ფული დღემდე მართებს ჩემი. მაგრამ საქმეს დაუებრუნდეთ. როგორც უკვე მოგახსენეთ, საცოლე მყავს, სახელად ლილა ჰქვია. თვალები სულ იმ ფილმის გმირ ქალიშვილს მიუგავს. ხდება ხოლმე ასეთი რამეები ცხოვრებაში! ტანით კი იმასთან ვერ მოვა: ლილა ხომ ღარიბი გოგონაა და ამასთან კალისტო გარსიაში ოპერაცია გადაიტანა. თვალებით კი ნამდვილად ჰგავს. ლილას მამას ვუმალავდით ერთმანეთის სიყვარულს. ლილამ მითხრა, თუ შეგვიტყო. მაშინვე სამუშაოდან გაგაგდებდნო. ჰოდა, ჩვენც ვცდილობდით ისე შევხვედროდით ერთმანეთს, რომ მოხუცს ხელში არ ჩავცვივნიოდით. ზოგჯერ სასეირნოდაც გავდიოდით და ვიტრინებში ვიჭყი-

ტებოდით. ლილა ყველაფერს ჩამამწარებდა ხოლმე, მეუბნებოდა: „აი, ნახე, რა უნდა შევიძინოთ ქორწილისთვისო“. მაგრამ ჩვენი უთანხმოება ორივეს მალე გვავიწყდებოდა. ზოგჯერ მხოლოდ თვალის რომ მომეკრა, ან სამზარეულოდან მისი სიმღერა გამეგო, მაინც ბედნიერად ვგრძნობდი თავს. ვიყავით ასე ქაპანწყვეტაში. არ ვიცი, ხალხნო, იმ დაწყევლილი დღის შემდეგ უკანასკნელად რომ ვიყავი კინოში, რა ემშაეი შემიჩნდა. მტკიცედ გადავწყვიტე, სუფთა კოსტიუმი კვირა დღეს მაინც ჩამეცვა და მოხუცს განვუცხადე, კვირა დღეობით აღარ ვივაქრებ-მეთქი! ცხადია, მოხუცს ეს არაფრად ექაშნიკა, მაგრამ რაკი შემოსავლის მეათედს მინაწილებდა და განსაზღვრულ თანხაზე არ ვიყავი მორიგებული, იძულებული გახდა, დამთანხმებოდა. თუმცა კი მერე ყველაფერი ჩაფლავდა, იმიტომ რომ ახალი წლისთვის იმდენი თოვლის ბაბუა დაამზადა, მეორედ მოსვლამდე ეყოფოდა დაბას. ყველაზე საწყენი ის იყო, რომ ეს წვეროსანი ბერიკაცები მე დამაწვა ტვირთად. სწორედ იმათ გამო ატყდა ჩხუბი. მოხუცმა მომთხოვა, კვირაობითაც იმუშავეო. მე უარი ვუთხარი და ამაზე წავლაპარაკდით. არ ვიცი, იქნება მე და ლილას რამე შეგვატყო, ყოველ შემთხვევაში, იმ დღემდე ასე არასოდეს უყვირია ჩემთვის და მუშტიც არ მოუღერებია. რასაკვირველია, იმ ადამიანს, ვინც მამად შემეფერებოდა და თანაც თვალში სინათლე აკლდა, გავუჩუმიდი. მაგრამ, ვაი რომ ზოგჯერ ერთ წუთში შეიძლება იმდენი რამ მოხდეს, რაც სხვა დროს ერთ წელში არ შეგემთხვევა. მეც ასე მომივიდა. „დაეხსენ ჩემს ქალს, გაიძვერა, წვირიანების შვილო!“ — დამიყვირა მოხუცმა და ორი ახლად შეღებილი თოვლის ბაბუა არ მესროლა სუფთა ხალათზე!

სულ არ მინდოდა ამ ამბის გახსენება. ახლა კარგად ვიცი, რა მრავალგვარი გრძნობა ბობოქრობდა მაშინ ჩემს გულში: ძალიან მინდოდა, მეც სუფთად მევლო და ცხოვრებაში რალაციისთვის მიმეღწია. თანაც იმაზე ფიქრიც არ მასვენებდა, ალბათ შეგვატყო მოხუცმა, ჩემსა და ლილას შორის რალაც რომ არის-მეთქი... ანგარიში ველარ მივეცი ჩემს თავს, სისხლი მომაწვა და უმაღვეცი მოხუცს.

ახლაც თვალწინ მიდგას, მოხუცი როგორ დაბრუნდა შინ. თა-

ვ- შეხვეული ჰქონდა. უკან პოლიციელი მოსდევდა. საწყალი, როგორ მეცოდება!

სარკმლიდან ისევ ქუჩაში გავიხედე და, რას ვხედავ! დალახვ-როს ეშმაკმა! იქ, ჩვენ პირდაპირ „ბედის ჩარხს“ არ უჩვენებენ!

საინტერესოა. რომელ ნაწილს ვნახავთ ახლა: ფაბრიკის პატრონი ვაჟის საძებნელად რომ მიდის, თუ ნახევარ მილიონს რომ აძლევს სიძეს?

ქალაუფლების მოყვარული გუ

კუბელ ბავშვებს.

დიდი, ძალიან დიდი ხნის წინათ პაპა ღმერთმა სულ რჩეული საჩუქრები გამოუგზავნა დედამიწის ბინადართ. იმ დროს კუბაზეც ყველაფერი ახალთახალი იყო. ჭერ კიდევ თბილ სიერა მაესტრას ორთქლი ასდიოდა. ვალე დე ვინიალესზე პირველი ნაკადულები აჩუხჩუხდნენ, ხოლო პლაია დე ვარადეროს სანაპიროები ტალღების მუსიკამ გაახშიანა.

დიან. ყველაფერი. აგუტებიც, ზღვის კუც. ომახიანი ფრინველები სინსონტეც. თვით ღრუბლები და პალმებიც კი, ყველაფერი ახალთახალი იყო და ერთი უმთავრესი რამელა აკლდა მხოლოდ — მზე! არადა ვის რად უნდა ღამაზი სახლი, თუ სინათლით არ იქნება გაჩახჩახებული?

ირგვლივ თვალშეუვალი წყვდიადი სუფევდა, ჩიტების პაერში ფრენაზე ლაპარაკიც ხომ არ შეიძლებოდა. აი, ასე ცხოვრობდნენ. ყველა თავისი საქმით იყო გაართული.

მაგრამ, ერთ მშვენიერ დღეს, უფრო სწორად, ერთ მშვენიერ ღამეს, იმიტომ. რომ მაშინ არ იცოდნენ რა იყო დღე. ცხვირპაჭუა ბუმ, რომელსაც თავი ყველასაგან განზე ეჭირა, ცხოველებს მიმართა:

— ძმანო აგუტებო. დანო სინსონტეებო და ძაღლებო. ტყის ყველა ბინადარნო... მე ერთი ისეთი რამ ვიცი. რომ, თუ მოვისურვე. ყველაფერს ხილულს გავხდი.

წარმოგიდგენიათ. როგორ ააღელვებდა ეს სიტყვები კუნძულის ბინადართ!

— დეიდა ბუს ერთი ისეთი წამალი ჰქონია. რომ ფრენას შე-

გვაძლებინებს თურმე! — აყაყანდნენ წითელ ქილეტებში და მწვანე კოსტუმებში გამოწყობილი თუთიყუშები.

— დეიდა ბუს ერთი ისეთი წამალი ჰქონია, რომ სირბილს შეგვაძლებინებს თურმე! — სიხარულით აყეფდნენ ძაღლები.

— როგორ გავქუსლავთ! — ძაღლებს ჭიხვინით აჰყენენ ცხენებზე.

— დეიდა ბუს ერთი ისეთი წამალი ჰქონია, რომ ხტუნვაში დაგვეხმარება თურმე! — მხიარული ყიყინი მორთეს ბაყაყებმა.

ცხოველების ჯარი სასწრაფოდ დაიძრა ბუსკენ. სიბნელეში გზას ძლივს მიიკვლევდნენ, ერთმანეთს აწყდებოდნენ და გული მოსდიოდათ, რომ ამ კუბრიციო ბნელ ღამეში თანამგზავრების ცნობაც კი არ შეეძლოთ.

ცხოველებმა თავი რომ მოიყარეს, ბუმ მიმართა:

— მე ერთი ისეთი რამ ვიცი, რომ შემიძლია თვალის ჩინი გაგიჩინოთ.

— გვასწავლე. რა წამალია, და ახლავე დავლევთ!

— ეს წამალი არაა!

— მაშ, ალთქმა იქნება რამე. გვითხარ და შევასრულებთ.

— არც ალთქმაა.

— გვითხარი. გვითხარი, მაინც რა იცი ისეთი, ქალბატონო ბუ!

ბუ გაჩუმდა. ღინჯად გადახედა მხეცებს და მორცხვ მტრედს დაადგა თვალი.

— მტრედო, მომიახლოვდი. შენ პირველი იქნები!

მტრედი მონუსხულივით ნელა მივიდა ბუსთან და თავი დახარა.

— აი. ეს ფურცლები გამომართვი, თვალეებზე აფარე და რასაც დაინახავ, გვითხარი.

— ღმერთო დიდებულო, რა ლამაზი ყოფილა კუბა! — შესძახა აღფრთოვანებულმა მტრედმა. — ო, რა თვალწარმტაცი ჰალმები, ცა და ღრუბლის თეთრი ქულებია! — და მაშინვე ცაში აიჭრა. დანარჩენი ცხოველები ვერა ხედავდნენ, მტრედი ცაში როგორ დაფრინავდა; მისი ფრთების შუილი ესმოდათ მხოლოდ. ცხადია,

ბუს თავისთვისაც ჰქონდა ფურცლები, მიიფარა მანაც და რეპორტაჟი დაიწყო რადიოკომენტატორივით.

— აი, მტრედმა ჩაგვიქროლა... ზევით მიიწევს!.. სულ უფრო სწრაფად მიფრინავს!.. საოცარი სურათია! წარმოუდგენელი სანახაობაა!.. ყველაფერი ეს მხოლოდ იმ ორი ფურცლის წყალობით შეძლო... აი, გვახლოვდება ეს ცის პატარძალი! ბატონებო, მტრედი უკვე თქვენ წინაშეა!

მტრედი ისე მოაჯადოვა ცაში ფრენამ, რომ აღელვებულმა იმ ორი ღერი სიტყვის თქმაც ვერ მოახერხა, რომლის მოსმენაც ასე სწყუროდათ ცხოველებს. მაშინ ბუმ, მუდამ თავის თავზე რომ ფრქობდა. იკითხა:

— თქვენა... თქვენ აღარ გინდათ, თვალის ანელა?

— გვინდა, გვინდა! — ერთხმად შესძახეს ცხოველებმა.

— თუ ასეა, — უთხრა ბუმ, — დედოფლადა მცანიოთ და ყველას გიწყალობებთ ასეთ ფურცლებს.

ირველივე უკუნი სიბნელე სუფევდა და ცხოველებმა ვერ შეძლეს ბუს თვლებში ამოეკითხათ, რას ნიშნავდა დედოფლად გახდომა. ერთმანეთს გადახედეს, მაგრამ ვერც ასე შეიტყვეს რამე.

— გეტყვით. რასაც ნიშნავს დედოფლობა. დედოფლისთვის სხვებმა უნდა იმუშაონ: მატლი რომ მატლია, იმანაც მიწის თხილი უნდა უზიდოს, ცხენმა უნდა ასეირნოს, აბრეშუმის ქიამ უნდა შემოსოს. ფუტკარმა თაფლით მოამარაგოს, თევზები კი ზღვის ფსკერზე უნდა ჩაეშენენ და მარჯალიტები ამოუტანონ.

— ო. რა დიდებული და ხელსაყრელი ყოფილა დედოფლობა! — ამოიოხრა კიბომ და მარწუნში გაჩრილი სიგარა გააბოლა. — მაშასადამე, დედოფლობა იმას ნიშნავს, რომ ყველა ერთს მოგემსახუროს!

— დიახ, ყველა! — მბრძანებლურად და ამპარტავნულად დაუდასტურა დეიდა ბუმ და დასძინა:

— მაგრამ თუ არ გინდათ ეს ფურცლები, თქვით...

— გვინდა! გვინდა! — აყვირდნენ ცხოველები, იმიტომ რომ სინათლისა და ქვეყნის ხილვის ნატრულები იყვნენ.

მაშინ ბუმ ნამდვილი მქვერამეტყველებით გაშალა ფრთები და ჩაახველა:

— ჰმ. ჰმ!... რაკი ასეა, გაგიმხელთ! ეს ფურცლები წმინდა ხის ფურცლებია, რიგში ჩადექით, ყველას დაგირიგებთ.

ნეტა გენახათ. რა სიხარულმა აიტანა ცხოველები, როცა იგრძნეს მალე დავინახავთო. ამქვეყნად თვალის ჩინზე დიდი ბედნიერება ხომ არ არსებობს! ბედნიერები იყვნენ ახალთახალი კუბის ბინადარნი. მაგრამ ეს რაღა ბედნიერება იყო... მართალია, ცხენი სირბილისას აღარ ბორძიკობდა, მაგრამ, როცა კი მისი აღმატებულება ბუ გასეირნებას იწებებდა. უსიტყვოდ უნდა აღესრულებინა მისი სურვილი. საცოდავი აბრეშუმის ჭია დღედაღამ თავაულებლად შრომობდა, რომ ორმოცი უძვირფასესი კაბა მოექსოვა დედოფალ ბუსათვის. მატლები მიწაში დაძვრებოდნენ და დედოფლისათვის მიწის თხილს დაეძებდნენ, ერთი წუთით მოცლა აღარა ჰქონდათ, რომ წმინდა ხის ფურცლებში გაეხედათ და ქვეყნის ხილვით დამტკბარიყვნენ. ბუ კი ამასობაში გასუქდა. გაფაშფაშდა და ნარ-ეკლით მემოლობა ახლომანლო ველ-მინდვრები.

მარცხ რა იქნა. სად გაქრა მზე; რატომ არ ანათებდა ქვეყანას? თურმე პაპა ღმერთს მზის კუბისაკენ შემობრუნება შემთხვევით დავიწყებოდა. წმინდა პეტრემ შენიშნა ეს ამბავი და უფლის სახლისაკენ გაემართა. ღმერთს კი ის-ის იყო სადილი დაემთავრებინა და გამოსაძინებლად მიწოლილიყო.

— პაპა ღმერთო. — მიმართა წმინდა პეტრემ.

ღმერთმა სხივმოსილი თვალები აახილა, ჰამაკში წამოჯდა და იკითხა:

— რა მოხდა, ნათლიმამ?

— კუბაში სინათლე არა აქვთ. საცოდავი ცხოველები ვინიალესიდან მანეტრამდე ერთმანეთს აწყდებიან. მთლად დალურჯებულნი და დალილავებულნი დადიან.

— რას მეუბნებით, ნათლიმამ! მერე და აქამდე რატომ არ აანთეთ მზე?

— თქვენი ხელმოწერილი ნებართვის გარეშე ეს შეუძლებელია. ბატონო. — მოკრძალებით მიუგო წმინდა პეტრემ.

ღმერთი ჰამაკიდან წამოდგა და შესძახა:

— ელპიდიო. დამასო, ხოაკინ, აქ მოფრინდით ჩქარა!

სამმა პატარა ანგელოზმა ღმერთთან მიიბრინა. მათ თავზე პალმის ფოთლებისგან დაწნული სომბრეროები ეხურათ.

— გაიქცეთ მზისკენ და სხივები ქვევით დაუშვით, სინათლე არა ჰქონიათ კუბაზე!

— დიდად გმადლობთ, ბატონო! — მაღლი მოახსენა წმინდა პეტრემ.

— მაღლობის ღირსი შენა ხარ პეტრე, — მიუგო ღმერთმა. — ჩვენ ზეციურ საქმეებზე ზრუნვის გარდა მიწიერ ამბებზე ფიქრიც გვმართებს.

და ა, მზემ თავისი სხივები მოჰფინა ქვეყანას. დიდებული სურათი გადაიშალა თვალწინ!.. ენით უთქმელი მშვენიერება!.. კუბის პირველი განთიადი!.. როგორ შეჰხაროდნენ ამ განთიადს ბანანის ხის ფოთლები და ტბათა ჩქერალები! რა აღტაცებით შეეგება მზის სინათლეს ზღვა და როგორ გაბრწყინდა მისი ზედაპირი! შეუქი ჯერ ოდნავ აკიაფდა, ოდნავ გაანათა ცა, მერე სხვადასხვა ფერის ჩანჩქერად გადმოიქცა, ფოთლები მწვანედ შეაფერადა. მანგოს ხეს რბილი ტონები მოჰფინა. წითლად და ყვითლად აციაგებული მარანიონის! ქოლგისებური ყვავილები ნელა ირხეოდა. მწარე ესკობმა თეთრი ვარსკვლავებივით გადაშალა კოკრები. თავბრუდახვეული პეპელა ჰაერში დაფარფატებდა და მზეზე ცისარტყელას ფერებად ბრწყინავდა.

ო. რა საუცხოო რამ არის კუბა! თუნდაც, თოვლივით ქათქათა. ზანტი ნისლი რად ღირს. წიწვის. ახლად მოჭრილ შაქრის ლერწმის და თაფლის სუნი რომ უდის!

ლიაზ. თვალწარმტაცი შეიქმნა კუბა! მაგრამ ეს რა ხდება? ცხოველებს ბურუსში, კვამლში გახვეულივით რატომ ეჩვენებათ ქვეყანა?

— კარამბა, ძმაო ციციანთელა, თვლებზე თითქოს ბისტი მაქვს გადაკრული. — დაიყიყინა შემფოთებულმა ბაყაყმა.

— მე კი, დაიკო ბაყაყო. უფარნოდ ნაბიჯის გადადგმაც ვეღარ ნომიხერხებია. რისი ბრალია?

— ვიკარია, ვიკარია, ვიკარიის ნახარში გომევილით. ის დაგიბრუნებთ თვალის ჩინს! — გაიძახოდა ბუ და ცდილობდა. ცხოველთა სიბეცის ნამდვილი მიზეზის დაფარვას. ცხოველები კი ისევ ბორძიკობდნენ და მანძილის განსაზღვრა უჭირდათ. საბრალო კო-

1 მარანიონი ხეხილია. მსხალივით ნაყოფს ისხამს.

დალას ასეოი მარცხიცი კი მოუვიდა: ჩანისკარტეზა დაუპირა პა-
ლმას, მაგრამ მანძილი კარგად ვერ გამოზომა და ნ-სკარტი მოი-
ტეზა.

— ვიკარია, ვიკარია! ვიკარია საბოლოოდ განგკურნავთ! — მა-
ნამდე გაჰკიოდა ბუ, სანამ კიბო არ მივიდა და არ გამოაჯავრა:

— არც ვიკარია და არც წყაროს წყალი, თქვენო უდიდებუ-
ლესობავ; თვალთაგან ფოთლები უნდა მოვიშოროთ!

— რას ბოდავ, უბადრუკო ბრიყვო! სიბრმავე ხომ არ მოგე-
ნატრა ისევ?

კიბომ ყური არ ათხოვა. წამოიმართა და ვეებერთელა მარ-
წუხით მოიხმო შიშისაგან მობუზული მტრედი.

— მტრედო, აბა, აქ მოდი!

მუდამ მორიდებული და უწყინარი მტრედი ნელა მიუახ-
ლოვდა.

— თვლებიდან ფურცლები მოიცალე და რასაც დაინახავ, მი-
თხარი!

— ო, ძმობილო კიბო. ახლა კი მივხვდი, რას ნიშნავს ნამდვი-
ლი თვალის სინათლე! — წამოიძახა მტრედმა, ყელი მოიდერა და
პალმის კენწეროს შეხედა. — უყურეთ, როგორა მოხდენილი სა-
მოსელი ჰქონია პალმას!

— მე და შენ კი არაფერი ვიცოდით! მეც დღეს შევამჩნიე
პირველად.

— ვიკარია, ვიკარია! — ლაპარაკში ჩარევა მოინდომა ბუმ,
მაგრამ ძმობილმა კიბომ გააწყვეტინა:

— იცი, რა გითხრა, დეიდა ბუ, დროა, ყვითელი ფოთლების
საშუალებით კი არა, საკუთარი თვალებით შევხედოთ ქვეყანას!

ბუ განრისხდა და ალესილი, ჩიტების ხოცვას ნაჩვევი ბრჭყა-
ლები გამოაჩინა.

— მე დედოფალი ვარ და იმის ნებას არასოდეს არ მოგცემთ,
რომ თვლებიდან ფურცლები მოიცალოთ! ვიკარია. ვიკარია,
ვიკარია!

მაგრამ ბუს არც მთაში და არც ბარში ყურადღებას აღარა-
ვინ აქცევდა, იმიტომ, რომ შემოტყუებული ფურცლებით და
ღმერთის მიერ მონიკებული თვალებით ყურებას შორის დიდი
განსხვავებაა.

იმ დღიდან მოკიდებული კუბის ბინადარი თავისუფლები და ბედნიერები არიან. ცხენები იმდენს დარბიან, რამდენიც სურთ. აბრეშუმის ჭიამ ცისტრად დაწინწკლული ქუდი მოიქსოვა. მატლმა მხრებიდან უკანასკნელი მიწისთხილი ჩამოაგდო. გაჭირვებით რომ მიათრევდა ბუსთვის.

მხოლოდ ბუ, ბნელში ცხოვრებისათვის განწირული. მოუქნელი და უბედური დეიდა ბუ, გაჰყოდა ცალფად:

— ვიკარია, ვიკარია!

ამ დღეში კი იმიტომ ჩაეარდა, რომ ძალაუფლების მოყვარულმა თვალებიდან მოოქროვილი ფურცლებს მოცილება არ ინება.

მ თ ხ რ ო ბ ე ლ ი

აღარ მახსოვს, მანტუაში თუ სიბანიკუში ცხოვრობდა ერთი კაცი, სახელად ხუან კანდელა ერქვა, ამ კაცმა ამბის ისეთი მოყოლა იცოდა, რომ ბადალი არ მოეპოვებოდა.

სანამ ლერწმის შაქრის წარმოებას შეამცირობდნენ. კუნძულის მთელი გლეხობა პლანტაციებში მუშაობდა მხარდამხარ. იმათგან ხუანი დამამახსოვრდა ყველაზე კარგად: ახოვანი კაცი იყო, ჯილა წარბების ქვევიდან ღრმად ჩამჭდარი, შავი. ცოცხალი თვლები მოუჩანდა, დიდი, სწორი შუბლი და შავი თმა ჰქონდა. ენა საოცრად უჭრიდა და მთისა და ბარის, ათასი ჯურის ტყუილი და მართალი ამბით ჰქონდა გამოტენილი თავი.

სალამობით დიდ ბარაკში, ფარნის გარშემო მოეყრიდით ზოლმე თავს და დავსხდებოდით. მოვიდოდნენ სორიანა, მიგელი, მარსელრო და სხვები, — ყველას სახელი აღარ მახსოვს. როგორც კი ხუანი პირს დააღებდა ამბის მოსაყოლად, ყველა გავინაბებოდით. გეგონებოდა, ტყის ყველა ფრინველის ხმას და გიტარის ყველა ბგერას სულ იმის ყელში მოუყრია თავიო. ჩვენ ჩუმად ვიზუღდით დაბუყებულ ფეხებს, ვსწორდებოდით, მწერებს ვიგერებდით და შიგ პირში მივჩერებოდით ამ კაცს. თვალს ვერ ვწყვეტდით. ისიც თავისი გამირების წაბაძვით გვაყვებოდა ამბებს. მათი ხმით ლაპარაკობდა და თხრობაში მთელ ტანს იშველიებდა. როგორ მოგწონთ: მთელ დღეს თაკარა მზეში მუშაობით ქანცგამოცლილებს ფულის მაგიერ ფარდულის ტალონს რომ გვაძლევდნენ, ეს ხუან კანდელაც რომ მოდებოდა და ათასნაირი ნამდვილი და არანამდვილი სასწაულით გვიტენიდა თავს?

მე შენ გეტყვი, ვინმე შეედავებოდა თუ? მოგონებდა ტყუილს, გვიამბობდა და თან ისე შთამაგონებლად გადმოგვხედავდა, რომ ეჭვის გამოსათქმელი სიტყვა პირზე შეგვაშურებოდა ხოლმე.

არ შეიძლება ამ კაცის სულში ჩაბუდებული რაღაცა გაუგებარი ძალის წინაშე ფარ-ხმალი არ დაგეყარა. თავისი სიტყვის საგანძურადან ზუსტ, სხარტ, ერთადერთ სწორ სიტყვას ამოირჩევდა. სახის გამომეტყველებით ან ხელის მოძრაობით თითქოს ჰაერში გასტყორცნიდა და თვალის დახამხამებაში გვატყვევებდა, გვხიბლავდა.

აი. როგორი სიტყვებით იცოდა ასეთი ამბის მოყოლა: „მდინარე ლახასში — საჭირითო მინდორს იქით რომ ჩაუდის, — უზღვაო თევზია. ერთ მშვენიერ დღეს მდინარე ნაადრევად აღიდა და კალაპოტიდან გადმოსულმა წყალმა სან-მიგელი და შემოგარენი დატბორა, ცა მოიქუფრა, გორაკის თავზე ღრუბელთა ქარავანი მ-ცურავდა. უეცრად საიდანღაც ქვეყნის მტვერი დატრიალდა. სუსხიანი ქარი მიწაზე აწვენდა კურდღლისცოცხასა და გუაიავებს. მერე კოკისპირულმა წვამამ დაუშვა. იმ ხანებში ვაჭრობის საქმე კარგად მიდიოდა. მაშინ ერთი ზორბა, ჯანიანი ჯორო მყავდა. როგორც კი წყალმა დაეკლო და ტალახიც ცოტა შეშრა. სოფლისკენ გავუდექი გზას. მივდივარ და ვფიქრობ. მდინარეზე როგორ გადავიდე-მეთქი, — მოგეხსენებათ, უნაგირით რწევამ ფიქრის საღერღელის აშლა იცის. მდინარე ოდნავლა იქნება ადიდებული. რაც იქნება. იქნება — ვცდი! უარესი წყლები გადამილახავს. მალელობა ღმერთს, ეს ადგილები ხუთი თითივით ვიცი, ჯორს სადავეს მივუშვებ და მივწვდობი, თვითონ გამიყვანს-მეთქი. ჰანჭრობიან დაბლობს დავადექი და საღამო ხანს მდინარესთან გავედი. ვხედავ, წყალი შოკოლადისფერადაა ამღვრეული, მაგრამ ნაპირიდან სულ რაღაც ნახევარ მეტრზეა გადმოსული. ჯორი მდინარეში შევაგდე და ფონს გასვლა დავიწყე. საქმე ჩინებულად მიდიოდა: ყრუდ მესმოდა, ფლოქვები როგორ ხვდებოდა წყალქვეშა ლოდებს... იმ ჩემი ცოდვით სავსე პირუტყვის ერთბაშად შუა მდინარეში ფეხი არ დაუხსლტა ქვაზე! გაოჩნდა და ფეხის მოცვლა აღარ ინება ადგილიდან. ვხედავ, საქონელი მიოხრდება. დასველებული პუდრი და ძაფები აბა ვის რა ჰქირად უნდა. დიდხანს არ მიფიქრია, ავიღე და ჯორს მთელი ძალით ვატაკე დეზი. პირუტყვემა ამჭერადაც არ მიმტყუნა და მიხსნა გაჭირვებისაგან, შეტოკდა, შეშინებულმა ყურები ააპარტყუნა და ჯიქურ გატოპა კისრამდე მომდგარი მდინარე, ნაპირზე რომ ამოვედი, ვგრძნობ, სიმძიმისაგან ლამის

არის ფეხები დამაწყდეს. ვფიქრობ, ეს რაღა ოხრობაა-მეთქი? დავიხედე და რას ხედავს ჩემი თვალები! — ორივე ღეზზე ლოქოები არ წამომგვებია! თითო თითო ფუნტი მაინც გამოვიდოდა. მივუბრუნდი მდინარეს და მივაძახე: შე დალოცვილო, ამდენი თევზი სად გაგონილა-მეთქი!“

ხუანმა თითები წყალში გაფართხალებული თევზით შეათაკაჰა. მერე ალესილი დანის პირივით მოელვარე თვალები აძაყად მოგვავლო.

ერთხელ გარეული ძაღლის ამბავი გვიამბო. ლეკვა ეპოვა. ვათონ გაეზარდა და ძალიან შეყვარებოდა. ეს ძაღლი, რომელსაც „პეპელას“ ეძახდა, ჭეშმარიტად გადასარევი რაღაც ყოფილა. სხვათა შორის, ირემზე ნადირობაშიც კი გაუწაფია კანდელას. ძაღლს ერთი უბედურება სჭირდა თურმე — უცნაური ფეხები ჰქონია. „ირემს დადევნებულ „პეპელას“ ფეხებს თვალს ვერ ჰკიდებდი, ქარივით მიქროდნენო“, — ამბობდა ხუანი. აი, სწორედ ამ ფეხებს დაუღუპავს კიდევ. ერთ საღამოს ძაღლი მთაში გაპარულა. ნიავი თურმე ხან ერთი მხრიდან მოიტანდა მისი ყუფის ხმას. ხან — მეორე მხრიდან. „ნამდვილად ნადირის კვალს მიაგნებდა“, — უფიქრია ჰამაკში მონებვიერე ხუანს. ამ ფიქრებში დასძინებდა და სიზმრად „პეპელა“ უნახავს: ძაღლი, ვითომ, დამფრთხალ ირემს ისე მისდევდა კვალში, კაცი იტყოდა, ქარი ჩასდგომიო. მეორე დღეს, კანდელა საქმეში გართულა და ძაღლი აღარ გახსენებია. ნაშუადღევს ლერწმიანში უცებ ყურისწამლები ლაწალუწი ამტყდარა. გაუხედავს და რა დაუნახავს: ირემს რქები გაუწყვია მხარზე და პირდაპირ პლანტაციისკენ მოქრის! უნდა გენახათ, რა თვალებით იყურებოდა საბრალო პირუტყვი! კანდელას ახლავს გახსენებია ძაღლი. ხუანს ამ დროს მაჩეტე¹ უღესია. ფიქრის დრო აღარ ყოფილა. ჯანდაბას ეს ირემი! საცოდავმა „პეპელამ“ ალბათ მთელი ღამე სდია და დაოსებული იქნებოა. ხუანს მაჩეტე ტარით ჩაუსვია მიწაში, ძაღლი წამოედება და დავიჭერო, უფიქრია. მაგრამ ამჯერად ვარაუდი არ გამართლებია, სასტიკად მოსცარვია ხელი — ზოგჯერ ასეც ემართებოდა ხოლმე! ირემს ჩაუქროლია, ხუანს ფაციფუცში ძაღლისკენ უქნია მაჩეტეს პირი... „პეპელა“ კი

¹ მაჩეტე — დიდი დანა, წალღის მაგიერ ხმარობენ კუბაში.

ტყვიასავით მოქროდა თურმე. ხუანს თვალის დახამხამებაც ვერ მოუხწვრია, რომ ძალდი მაჩეტეს დატაკებია და მის ალესილ პირს შუაზე გაუჭრია.

— თუ ძალდი სწრაფია და ირმის კვალში ჩადგომა ეხერხება, დიხანაც რომ კარგია, — დააძთავრა ხუანმა, — მაგრამ სწორედ ამ ნიჭმა იმსხვერპლა ჩემი საბრალო „პეპელა“!

ასეთ საღამოებზე ზოგჯერ მარსელინო, მიგელი ან სორიანოც მოიგონებდნენ ხოლმე რამეს, მაგრამ კანდელას შემდეგ იმათი მოსმენა როგორ იქნებოდა! აბა მათ სად შეეძლოთ ხუანივით სიტყვის შერჩევა, ანდა ნაამბობის მოქმედებით დასურათება.

ლაპარაკით გულს რომ ვიჭერებდით, მერე ჰამაკვო ჩავწვებოდით და ლამის სიჩუმეში მხოლოდ და მხოლოდ კრიტიკონობელას კრიტიკინი და მამლების ყივილილა გვესმოდა.

ერთ დილას პლანტაციის ვიყავით გასული. მოულოდნელად მარსელინო მეკითხება:

— ვითომ მართლა იმდენი თევზი იყო?

სად-მეთქი, მინდოდა მეკითხა, მაგრამ თვალი შევასწორე, რომ ხუან კანდელას უყურებდა. კანდელა შორიანლო სარეველას მარგლიდა.

რამდენიმე დღის შემდეგ მიგელის და სორიანოს საუბარს მოვკარი ყური. ისინი მაჩეტეს ლესავდნენ, ერთმა თქვა:

— მე არა ვდამბ. ცხადია, დანას თუ გაქანებული დაეჯახა რამე. გაჭრის.

— მაგალითად. კარაქს, არა?! — ჩაუფრთე მე. სორიანომ და მიგელმა გადაიხარხარეს. სორიანო გაჩუმდა, ცოტა ხნის მერე კი მაჩეტე ყუით ქვას დაჰკრა და წამოიძახა:

— მაინც არა მჯერა, ტყუილს ამბობს!

— რა თქმა უნდა, ტყუილს ამბობს. — ჩაიბუზღუნა მიგელმა, — ხუთი თითივით ვიცი, რომ ტყუის.

სამივემ შეთქმულივით გადავხედეთ ერთმანეთს. ახლა საქმე ის იყო, ვინ გაბედავდა და ხუანის სულში ჩაბუღებულ ჯადოსნურ ძალას, თვალებიდან (იცხლად რომ აფრქვევდა. ვინ შეეებებოდა.

— რაც იქნება, იქნება! ავდგები და ერთ საღამოს პირში მივახლი... — განაცხადა სორიანომ და დანა უფრო ძალუმად დაჰკრა ქვას.

— აბა რა! როდემდე უნდა გვატყუოს! — დაასკვნა მიგელმა და ყველამ თავის საქმეს მიხედა.

პირველად მაშინ გადავწყვიტეთ, რომ ხუანი ჩიხში მოგვემწყვდია. ტყუილი შეიძლება ერთხელ აპატიო კაცს, მეორედ ზრდილობის გულისთვის მოუთმანო, მაგრამ მესამედაც რომ არაფერი უთხრა, ეს იმას ნიშნავს, სილა გაგაწნან და ხმა არ ამოიღო.

იმავე საღამოს დიდშუბლა ხუანი ისევ მოვიდა ფარანთან, ახლად მოკრეფილი თამბაქო გაახვია და ოპის დროინდელ აპბებს მოჰყვა:

— მაშინ ბავშვი ვიყავი. ყველგან შიმშილი მძვინვარებდა, ბიძაჩემი, დედაჩემის ძმა — აუ, როგორ ჰქონდა გაწაფული თვალი საქონლის გამოცნობაში! — რომ არა გეყოლოდა, შიმშილით ამოგვზნებოდა სული. აჯანყებულებმა ისე გადათელეს ყანები, ერთი ძირი სიმიწი და გოგრის ერთი ღერო არ დაუტოვებათ. ბიძაჩემი თავის თაფლისფერ ფაშატს შეკაზმავდა და რამდენიმე დღით სადღაც გაქრებოდა ხოლმე. მერე იმისთანა სანოვაგით დატვირთული დაბრუნდებოდა, ჩემს დღეში მსგავსი არაფერი მექანა. კარებს წიხლისკვრით შემოაღებდა, ცხენიდან ჩამოხსნილ საპალნეს შემოგვიგდებდა, გადაინარხარებდა და მოგვაძახებდა:

— აჰა, ჭამეთ, ორ კვირას მაინც გეყოფათ!

გოგრა, ბანანი. პამიდორი მოგორავდნენ იატაკზე. წითელი მწვანე, წინდისფერი ერთმანეთში აირეოდა ხოლმე და თვალებს გვიპრელებდა. რა ფერის ხილს იტყვი, რომ იქ არ ყოფილიყო. დედა ჯერ კალთაში იყრიდა, კალთა რომ გაეცებოდა ტომარას მომეტანინებდა ხოლმე. აკი გითხარით, მაშინ დიდი შიმშილობა იყო და გოგრის თესლსაც კი წამლად ვერ იშოვიდა კაცი. მიკვირდა, სად შოულობს ბიძაჩემი ამ უგემრიელეს ხილსა და ბოსტნეულს-მეთქი?

ხუანის კითხვა პაპიროსის კვამლით დაბურულ ჰაერში გამოეკიდა. მე თვალი გადავაველე მსმენელებს. მარსელინო მოჯადოებულავეთ უყურებდა მთხრობელს. საფეთქელზე ქინქლი რომ დაფრენოდა და სისხლს სწოვდა, ამასაც ვეღარ გრძნობდა. სორიანო, მიგელი და სხვებიც პირდაღებულები მისჩერებოდნენ ხუანს, ყველანი ობობას ქსელში გაბმულ ბუზებსა ჰგავდნენ.

— ჰოდა. როცა ბიძაჩემის აღსასრულის საათი დადგა, — გა-

ნაგრძო ხუანმა, — ოთახიდან ყველა დაითხოვა და მხოლოდ მე მანისა, დარჩიო. გასაშლელ საწოლზე წამოჯდა, ცივი თვალები მომაპყრო და მითხრა: „ყური დამიგდე, ხუან, კაცი ყველაფერში ვერ გაენდობა სხვას. ადამიანები თავიანთი ცხვირის იქით ვერაფერს ხედავენ; როგორც კი ცოტა უცნაურ რამეს იტყვი, ს-ცოლს დაგაყრიან — ტყუილების გულა ხარო, გიკიფინებენ. შენ კი სხვანაირი ბიჭი ხარ, ამიტომ ჩემს საიდუმლოს, თან რომ არ ჩაგ-ტანო სამარეში, შენ გეტყვი. პოდა, ყური მათხოვე! საპატას ნახევარკუნძულზე, ზედ რიო-ნეგროს სათავესთან, ბუჩქნარსა და ქაობებზე ერთი დახვეული ბილიკი გადის. იმ ბილიკს დაადექი დილაადრიან და ექვსი დღე-ღამე შეუსვენებლოვ აქენე ცხენი მანამ, სანამ ვულკანს არ მიაღდები. იმ ბილიკსა და ვულკანს შორის ერთი ქალაქა. შენ ნუ შეხვალ ქალაქში, გეზი მინდვრებისაკენ აიღე. ქირანახულით უხვ მხარეში მოხვდები. ინდოელები კეთილი ხალხია“.

— ეგ რომელი ქალაქია, ბიძია? — ვკითხე მე.

— მეხიკოს ეძახიან, ბიძიკო, მეხიკოს! აბა. სხვაგან სად ვი-შოვიდი ამდენ ქირანახულს?! — ამ სიტყვებით დაამთავრა თავისი სათქმელი და სული გასტტევა ბიძაჩემმა. ხუანი წუთით გაჩუმდა. არავინ განპრუელა. მთხრობელმა თავი აიღო, მსმენელებს გამარჯვებული სახით გადმოგვხედა და დასძინა: ამ დღეებში მართლა ვაპირებ იქ წასვლას. თუ გინდათ, ნიძლავს ჩამოვალ, ჩემ გარდა კაცმა არ იცის მეხიკოსკენ მიმავალი გზა.

უცხად სორიანო ფეხზე წამოხტა, მხრები შეათამაშა, დორიჯი შემოიყარა... მაგრამ, ხუანის გამოხედვამ ცივი წყალი გადაასხა, სორიანოს ენა მუცელში ჩაუვარდა, ნერწყვი გადაუღაპა და მორჩილად დაჯდა თავის ადგილზე.

მეორე დღეს, როცა ხუანმა ჯამი აიღო და სამზარეულოში წავიდა, სორიანომ ორად დაკეცილი, ქუჭყიანი ქალაღლის ნაგლეჯი მაჩვენა. ზედ სამგზავრო გემი ეხატა. ნახატი გახუნებული იყო. გემს თავზე ეწერა, მეხიკომდე იქით და აქეთ მგზავრობა ამდენი და ამდენი პესო ღირსო.

— წუხელ რაღამ დაგაფრთხო? — ვკითხე სორიანოს.

— მეც არ ვიცი, თითქოს ყელში რაღაც გამეჩხირაო, — მიპასუხა დარცხვენით.

სარეველამოდებულ შაქრის ლერწმის ნაკვეთებში წავედ-წა-

მოვედით. იმ დილას სორიანოს ხმა არ ამოუღია. მიგელმა თამბაქოს პლილზე და მასთან ბრძოლის ხერხებზე ჩამოაგდო სიტყვა. სორიანო ამ ძველ დავაში, რომელსაც ხშირად ვუბრუნდებოდით, არ ჩარეულა. საღამოს, როცა მზე საწყობის სახურავზე გადაიწვერა, ჩვენ ბარაკის კართან ვიდექით და თამბაქოს ვაბოლებდით, სორიანომ მოულოდნელად იფეთქა, ქათმის საყენკით სავსე გობს ფეხი ამოჰკრა და დაიძახა:

— შერცხვენილი ვიყო, თუ დღეს, რაც გულში მაქვს, ყველაფერი არ ამოვალავო! აი, ნახავთ!

მაგრამ ასტეში სწორედ იმ საღამოს გაუჩნდა ცეცხლი ლერწმიანს. დონ კარლოსმა ცხენი მოაჭენა და მეზობლებს დასახმარებლად გაგვგზავნა. მთელი ღამე და დილა მოვანდომეთ ხანძრის ჩაქრობას. დალილებს დღისით გამოძინების ნება მოგვცეს და ჩვენც, დავბრუნდით თუ არა, ჰამაკებში ესევე ჭუჭყიანები ჩავემხეთ დასაძინებლად. სწორედ მაშინ გაცივდა მაგრად ხუანი. როგორც კი ცოტა რამეს შეჰამდა, მაშინვე ჰამაკს მიაშურებდა, დაწვებოდა და მთელი საათობით ხველებით იგულეებოდა. თანდათან გადაგვავიწყდა ტყუილებში მხილებას რომ ვუპირებდით. უწინდებურად შევიყრებოდით ფარანთან და ვსაუბრობდით, მაგრამ ხუან კანდელას გარეშე ჩვენი საღამოები მოსაწყენი და უფერული გახდა. ამბის მოყოლას რომ დაამთავრებდა ვინმე, იმ ცარიელ ყუთს შევხედავდით ხოლმე, რომელზეც ხუან კანდელას უყვარდა ჩამოჯდომა. კანდელას მხილებას რომ ვუპირებდით, ამის გახსენება აღარავის უნდოდა. ვისხედით და ყურებჩამოყრილები ვმსჯელობდით, თუ რა საშუალებებით სპობენ მანებლებს, განსაკუთრებით კი თამბაქოს მღილს.

როგორც იქნა, გვეშველა და ხუან კანდელა მომჯობინდა. მართალია ხველა თავს არ ანებებდა, მაგრამ ამან უფრო საინტერესო გახადა მისი თხრობა. მანამ იკავებდა ხველებას, სანამ ყველაზე საინტერესო ადგილზე არ მივიდოდა: შეგვეკითხებოდა რალაცას და აღარ გაათავებდა ხველებას, პასუხს აკვიანურებდა.

და აი, ერთხელაც თავისებურს მოყვა. თხრობამ ისე გაიტაცა, რომ ფეხზეც კი წამოხტა და ისე დაიწყო ხელების ქნევა, გეგონება თითოეულ სიტყვას ბეჭდავსო:

— აი, გველი, ის იყო თუ იყო! ჭვარი აქაურობას! არა მგო-

ნია, ქვეყანაზე მეორე ისეთი უხსენებელი მოიძებნებოდეს. ზურგო-მუქად ჰქონდა დაწინწკლული... დამაცადეთ, რაკი ეგრეა, ბარემ თავიდან ვიამბობთ... მზისა და ვარსკვლავების მეტს ვერაფერს ვხე-დავდი, იქ რომ დავიწყე მუშაობა. სიერა-მაესტრას ძირას შემე-მთხვა ეს ამბავი. ერთ მიყრუებულ ადგილას ისეთი უღრანი ტყე იყო, მზის სხივები გვენატრებოდა. მივდექით და ჩეხვა დავუწყეთ ამ ტყეს. ერთი ბებერი აკანა შემხვდა, სამი კაცი ხელს ვერ შე-მოუწვდენდა, ისეთი იყო. ავიღე ცული, შემოვკარი და შემოვკარი, უცებ ვიკრძინე, — ჩვენი ავადმსხენებლის ოჯახში იყოს, — რაღა-ცა ცივი და მსტილი მკერდს არ მიხუთავს!.. ე, მეგობრებო, ორ-მოცი წლის კაცს ცოტა შიში როდი აქვს ნაჭამი, მით უმეტეს თუ მთელი სიცოცხლე სიღარიბეში გაატარა. მრავალი საშინელება მქონდა გადატანილი, მაგრამ მხოლოდ იმ დღეს გავიგე, რა ყოფი-ლა ნამდვილი შიში... რაღაც ურჩხული ყელზე მეჭვეოდა და სუნთ-ქვას მიკრავდა, თვალები ამოცვენაზე მქონდა. წავეტანები ამ საში-ნელ მარწუნს, ის კი ხელიდან მისხლტება. ვერაფერი ვერ გავი-გე. რა ჯანდაბა მესვეოდა. ვიბრჩობოდი, ბედზე გამახსენდა, რომ ქამარში დანა მქონდა, გარჯობილი... არ ვიცი, რანაირად მივაგენა დანას, ხელი ისეთი გახევებული, ისეთი დამძიმებული მქონდა, თითქოს ტყვია ჩაესხათ. როგორც იქნა, დანა თავს ზევით მოვიქნიე და მოწვევტით დავემზე პირქვე. უხსენებელის ცივი სისხლის შხე-ფები მაინც მომხვდა... ეს თავმოკვეთილი საშინელება რომ დავი-ნახე, კინაღამ სული განვუტევე. სისხლი ისე სცემდა შადრევანი-ვით, გეგონებოდა, წყალსადენი მილი გამსკდარაო. ვერ წარმოიდ-გენთ, რა ამაზრზენი რამე იყო! მართლა ზორბა იყო ის ოხერი! მიწაზე რომ გავშალეთ, ზუსტად ორმოცი ვარა! გამოვიდა.

ხუანმა გრძელი, გამხდარი მკლავები გაშალა და დადუმდა. სორიანო წამოხტა და ჰაერა ღრმად ჩაისუნთქა. ხუანი შეუპოვ-რად მიაჩერდა თვალებში. ციებ-ცხელებამ ძვალტყავად აქცია ეს კაცი, თვალები კი მაინც უწინდებურად უბრწყინავდა. მართალია, სორიანო წამოხტა და, ვიფიქრეთ, აი ახლა კი მიახლის სათქმელსო, მაგრამ კრინტიც ვერ დაძრა. უცებ ერთი აზრი მომივიდა თავში და მეც წამოვდექი:

1 ვარა — სიგრძის საზომია, 63,5 სანტიმეტრს უდრის.

— იქნება ზომაში შეცდი, ხუან? — ვკითხე მე.

სორიანოს რომ უყურებდა, მეც ისეთი თვალებით შემომხედა. ჯილა წარბები რისხვით შეყარა, თვალებით ცეცხლი დაკვესა. მე გავუძვლი მის შემოხედვას, თვალიც არ დამიხამხამებია. მაშინ მან ისევ სორიანოს დაადგა თვალი და ჩაილაპარაკა:

— რა ვიცი, იქნებ მართლაც ეგრე იყო.

— დიდი-დიდი ოცდაათი ვარა გამოსულიყო! — იყვირა სორიანომ და კანდელას ახლა თვითონ მიაჩერდა გამომწვევად.

— მაგდენიც არ იქნებოდა, — სიცილით ჩაურთო მიგელმა და ყველამ ერთაჰად გადაიხარხარა.

ხუანმა თავი ასწია, გულხელი დაიკრიფა, სათითაოდ მოგვაგლო თვალი და სრულიად მშვიდად გვითხრა:

— რა ვიცი, გულდასმით რომ გაგვეზომა, იქნება ოცდაათზე მეტი. მართლაც, არ გამოსულიყო.

— მიდი, მიდი, დაიძვრინე თავი! კარგად გაიხსენე, იქნება სულ რაღაც ექვსი ვარა იყო, — სორიანო იერიშზე გადავიდა.

უცებ მოულოდნელი რამ მოხდა. ხუანმა მაჩეტეს სტაცა ხელი და დასარტყმელად შემართა:

— ვინც იტყვის ნახევარი ვარით მაინც ნაკლები იყო, მოკვლა.

გავშრით. კანდელას სისხლი მოაწვა თვალებში, მაჩეტეს ტარს ისე უჭერდა თითებს, ხელი გაუთეთრდა, ხმის ამოღებას ვერა ვბედავდით. ახლა მარტო კანდელას თვალებში კი არა, ხელშიც ფოლადი კრთოდა. ეს კი სახუმარო აღარ იყო! ბოლოს ხუანმა ნელა დაუშვა დანა და თქვა:

— პირუტყვები ხართ, უმაღური პირუტყვები და მეტი არაფერი.

ზურგი შეგვაქცია და ბნელ ბარაკში გაუჩინარდა.

შაქრის ლერწამი სულ უფრო იყრიდა ტანს, არც სარეველა უღებდა ტოლს, ლერწამსა და სარეველას შორის გამართული ბრძოლის წყალობით სანამ მოსავლის აღება — „მკვდარი სეზონი“ — დაიწყებოდა, ასე იყო თუ ისე, გაგვეკონდა თავი. ფულს უწინდებურად ძალიან ცოტას გვიხდიდნენ და ფარდულიდან სურსათის აღებაც უწინდებურად ნისიად გვიხდებოდა.

სალამობით ზოგჯერ ჩვენი უფროსის საბლიდან გეტარის ხმა აღწევდა და გულს ამას ვაყოლებდით. ხუანი აღარ გვეკარებოდა. ციებ-ციხელების დროსაც ასე იქცეოდა — ჰამაკიდან აღარ გადმოდიოდა. ვისხედით კართან, ვისხენებდით ჟმინშენელო ამბებს ჩვენი ცხოვრებიდან და თან ქურდულად ვუცქეროდით ხუან კანდელას ცარიელ ადგილს.

ერთ ჩაბუთულ სალამოს დონ კარლოსი გვეწვია და რალაცა ბრძნული გვითხრა ვარსკვლავებისა და მთვარის შესახებ. ნათქვამი ასე დაამთავრა:

— დედამიწა მრგვალი არის!

— მაგიდასავით ბრტყელი კი გეჩვენება, არა? — გაიცინა მიგელმა.

დონ კარლოსმა პაპიროსის კვამლი რგოლებად გამოეშვა, წასასვლელად მოემზადა და უპასუხა:

— ამქვეყნად ცოტა რამ გვეჩვენება იმად, რაც სინამდვილეშია.

იმ სალამოს მეტი არაფერი თქმულა, მე კი რატომღაც სული ამემღვრა. მომეჩვენა, რომ ხუანის მიერ მონაყოლ ამბებსაც რალაც კავშირი ჰქონდა დონ კარლოსის ვარსკვლავებთან. სინამდვილის იმ იღუმალ სამყაროსთან, რაც ჩვენ რომ გვეგონია, ის არ არის და ჩვენი წუხილისა და ბარაკის მიღმა სხვა სიცოცხლით ფეთქავს. მგონი, ჩემი ამხანაგებიც დაახლოებით ამასვე გრძნობდნენ. ყოველ შემთხვევაში, მანსოვს, როცა ვიძლებოდით, მიგელმა ისე, თავისთვის ჩაილაპარაკა:

— კაცმა, ალბათ, რალაც ლამაზი. თუნდაც არარსებული უნდა იწამოს.

იმ ღამეს არ დამეძინა. გრილოდა, სამარისებური სიჩუმე იყო გამეფებული, შორიდან ხანგამოშვებით თუ მოაღწევდა მამლების ყვირილი. საათი საათს მიადევდა, ჩემს თვლებს კი ძილი არ ეკარებოდა. გათენებისას სორიანოს ჩურჩული შემომესმა. ის კანდელას ჰამაკთან მიპარულიყო და ევედრებოდა:

— შენი ჳირიმე, ხუან, ამ სალამოს კიდევ გვიამბე რამე!

— ურწმუნონი და სულმოკლენი ხართ ყველანი. — სორიანონოსავით ჩურჩულით კი არ უთქვამს ხუანს, ხმაძალდა მიახალა. სორიანო მაინც არ მოეშვა:

— კარგი, პო! ჩვენ გვიგლებ ყურს? კურში ესხედვართ. ქვე-
ყნისა არაფერი გაგვეგება. ახლალა მივხვდით, სულ სიპართლეს
რომ ყვებოდლი.

— ახლა? რალა მაინცდამაინც ახლა გაიგეთ?

— რა ვიცი. მაგას რა მნიშვნელობა აქვს... როგორ გითხრა,
გუშინ დონ კარლოსი დედაპიწისა და იმის შესახებ გველაპარაკა,
რაც არსებობს, მაგრამ ჩვენ ვერ ვამჩნევთ.

მერე და მე რა შუაში ვარ?

— განა მე კი ვიცი, ხუან. მაგრამ რალაც კავშირი მაინც არსე-
ბობს თქვენ შორის. მე ბოლომდე ამას, სულ ერთია, მაინც ვერ
გავიგებ.

გავიტრუნე, ყური მივუგდე. ვუცდილი, რა მოხდებოდა, და-
თანხმდებოდა თუ არა ხუანი? უნდა დათანხმდეს: ტყუილად კი
არა ჰქვია ხუან კანდელა, ტყუილად კი არ მოაჯადოვა ჩვენი სული
და ჩვენთან ერთად ტყუილად კი არ დადიოდა ბარაკის მიწურ ია-
ტაკზე. თუმცა, ღრმად ვარ დარწმუნებული, დედაპიწის ყოველ
კუთხეში, პარკეტის იატაკიან მდიდრულ სახლებშიც კი, არა ნაკ-
ლებ ჯაღონური ძალით ამეტყველდებოდა ხუან კანდელას სიტყვა.

მ ე ნ ა ხ შ ი რ ე ე ზ ი

ჩვენს რანჩოში ყველამ იცოდა, ფიდენსიოს რაკ სჭირდა: ციებამ დარია ხელი. სხვაფრივ არც შეიძლებოდა. ადრე თუ გვიან ეს სენი უნდა შეჰყროდა. ადვილი როდია ჭაობის გატოპვა, მით უმეტეს თუ ზურგზე მორი გაქვს მოკიდებულნი! სახედაროვან აიკიდებ საპალნეს. ტვირთზე გამობმულ თოკის ბოლოს ქვევით ეწევი და ჭაპანწყვეტით მიდიხარ... ასეთი ჯაფა უკვალოდ არ ჩაუვლის კაცს. ცალკე კოლოები დაგესევიან და საშინელი ციება ლოგინად ჩაგავდებს.

ფიდენსიოსაც ასე დაემართა. ასე დაგვემართა ჩვენც. დავლევდით ქინაქინას და ხელახლა ვიკიდებდით მორებს, ხელახლა ვკაფავდით ბილიკებს წითელი მანგლეს¹ გაუვალ ტევრში.

სხვები ერეოდნენ ავადმყოფობას და კვლავ ფეხზე დგებოდნენ. ფიდენსიო კი დრომ მოტეხა. ის დიდნანს მუშაობდა ნახშირის გამოწვასზე და ამ საქმეში დაბერდა. ხშირი წაბლისფერი თმა შეუთხეღდა და პირწმინდად გაუთეთრდა. წყეული ციება კი ამ ორი წლის განმავლობაში მეთათედ მაინც შეუბრუნდა. ფიდენსიოს გამოჯანმრთელებას ამჯერად კარგი პირი არ უჩანდა.

— ახლა უკეთესადა ვარ, — წამდაუწუმ იმეორებდა ფიდენსიო.

მაგრამ ჩვენ რას გამოგვაპარებდა; კანკალი რომ აიტანდა, მისი ფიცრის საწოლიც კი აჭრალდებოდა ხოლმე.

— მალე მოიკეთებ და ისევ საქმეს დაუბრუნდები, — გულს უკეთებდა ისლენიო.

ქინქლებისგან თავის დასაცავად დოლბანდები გვექონდა გადაფარებული და ისე ვლაპარაკობდით. თავს შავი ბოდუქი დაგვტრიალებდა ბზუილით.

¹ მანგლე სამი-ოთხი მეტრის სიმაღლის მსხვილტოტებიანი ბუჩქნარია.

ფიდენსიოს ციება თავს არ ანებებდა და, როცა მარტინესს ქინა-
ქინის აბები გამოელთა, ავადმყოფს მხარზე დაადო ხელი და უთხრა:
— გუდანაბადი უნდა აიკრა და...

ფიდენსიოს თათლისფერ თვალებში წყენის ნაპერწკალმა გაი-
ვლვა.

— რა გინდათ, ჩივილით თავს ხომ არ გაბეზრებთ!

მარტინესმა გაღიმება სცადა.

— კარგი, ემობილო, როცა გაგიჭირდება, გვითხარი.

ერთმანეთს თვალებში შეხედეს. მე ცეცხლის მეორე მხარეს
ვაჯექი და ძირს გართხმულ კვამლში ვხედავდი მათ.

შორიდან ანდრესის ფოტუტოს¹ ხმა მოისმა — საუზმეზე გე-
წვევდა. ხველი ხმიადი და შემწვარი ლორის ნაჭერი გველოდა.
შუაში კონსერვის დიდი ქილა ჩავიდგით, ქილაში მარილიანი წყა-
ლი იდგა. დილის ცხრა საათი იქნებოდა — საათივით ზუსტი იყო
ანდრესი. საუზმე მალე დავამთავრეთ და გზას გავუდექით. წინ
მარტინესი მიდიოდა, მას ისლენიო მისდევდა, შემდეგ ფიდენსიო
მილასლასებდა, ბოლოს მე მივდიოდი. კაობში მივაბიჯებდით, გვი-
ჭირდა წებოსავით ტალახში ჩაფლული ფეხის ამოძრობა.

რისაც მეშინოდა, სწორედ ის მოხდა. მიუხედავად იმისა, რომ
არაყი თან არავის წამოუღია, ფიდენსიო მაინც მთვრალევიტ ბარ-
ბაცებდა. იმ დილით მტკიცედ გადაწყვიტეთ, კოკონისათვის ია-
ნები² შეგვეგულეზინა; მისი ნახშირი მთლიანად ჩვენ, მხოლოდ
ხუთ კაცს უნდა დაგვრჩენოდა. და აი, ასეთ დროს ფიდენსიო უცებ
პირქვე დაეცა. მე სწრაფად მივეარდი მას, მარტინესიც იქ გაჩნდა.
ფიდენსიოს სახე ერთიანად ლაფში ჰქონდა ამოსვრილი. წვერი
გავუწმინდეთ, თვალები ამოვბანეთ. ფიდენსიო მიმედ ხრიალებ-
და, კვნესით კი ერთხელაც არ დაუკვნესია.

ქოხში რომ გადავიყვანეთ და შეტევამ გაუარა, მარტინესმა
გადაჭრით უთხრა:

— ხვალ ანტონიო წაგიყვანს.

ფიდენსიოს კრინტი არ დაუძრავს. გვერდზე გადაბრუნდა, გა-
დაფურთხა და მანგლეს ტევრს ზევით, სადღაც შორს სივრცეს

¹ ფოტუტოს ხის ბუქს ეძახიან.

² იანი — დაგვალული ეკლიანი ხე.

მიაჩერდა. გულახდილად რომ გითხრათ, ფილენსიოს ეჭვებობდა კიდევ ეს ტევრი, მაგრამ მას ხომ სამი შვილიშვილი ჰყავდა და მათ რჩენა უნდოდათ. ფილენსიო საკაცით გადავიყვანეთ ტივზე. სევით უნდა ავყოლოდით არხს. ფილენსიომაც და ჩვენც ხუთი თითივით ვიცოდით არხი. ნახევარ კილომეტრზე ყველგან ოთხი კვარტის სიღრმე და ერთ-ნახევარი ვარის სიგანე ჰქონდა. არხს ისე ზედმიწევნით ვიცნობდით, იტყოდით, საკუთარი ხელით გაუყვანი-ათო.

ტივს ჰოლოკით მივაცურებდი და დროდადრო ფილენსიოს ვანუგეშებდი:

— მარტინესი წილს არ დაგიკარგავს.

— ჩემს ნაცვლად სხვას აიყვანენ.

— თუნდაც აიყვანონ, წილის ნახევარზე მეტს არ მივცემთ.

ფილენსიომ გამიღიმა. საოცარი სანახავი იყო მის სანთელივით გაყვითლებულ სახეზე ღიმილი. ძაგძაგმა აიტანა ერთიანად. ჯოჯონეთური სიცხე იდგა. პაერში ქიჩქლები აიროვნენ. ორი საათის განმავლობაში ჰოლოკი ხელიდან არ გამიშვია. ოფლი ღვარად ჩამოძლიოდა, კვარტლი ჩამოჰქონდა სახიდან და მკერდზე და მუცელზე წურწურით ჩადიოდა. როგორც იქნა ზღვაში გავედი, მისადგომი მოვძებნეთ და ნაპირს მივადექით. პირველი ერნესტო გამოგვეგება, მერე მისი ცოლი გამოჩნდა. ერნესტო დაბალი და სქელი კაცია, ცოლი კი ხმელ-ხმელი და მაღალი ჰყავს.

— დაშავდა? — მკითხა ერნესტომ.

— აციებს.

— წამოიყვანეთ, ლიმონი მაქვს, — გვითხრა ერნესტოს ცოლმა და სამივემ პატარა სარდაფში გადავიყვანეთ ავადმყოფი.

ორი საათისათვის ზღვაზე „ამალიას“ მოკვარი თვალი. „ამალია“ ერთი ადამისდროინდელი, იალქნიანი მცირე ზომადლი იყო. ქარის ყოველ შემობერვაზე გაუსაპნავი ურემივით ჭრილებდა. „ამალია“ ამ მხარის მფლობელის საკუთრებას და პორტთან ურთიერთობის ერთადერთ საშუალებას წარმოადგენდა. მძიმედ დაჭრილი მეგობარი რომ ჩამოგვეყვანა აქ და „ამალიასთვის“ ვერ ჩამოგვესწრო, თუ მეგობრისათვის კარგი გინდოდა, ტყვია უნდა გეკრა შუბლში და გაგეთავებინა.

„ამალია“ რის ვაი-ვაგლახით მოადგა ნაპირს. ლოცმანი გვე-

რღზე გავიხმა. არ მინდოდა ფიდენსიოს ჩემი ნათქვამი გაეგონა.

— შემიღვე გზობაზე ერთი ახალგაზრდა კაცი ჩამოგვიყვანე. მან თავი დამიქნია.

— თან ისეთი ვინმე ნახე. შემოსავლის ნახევარს რომ დაყაბულდეს.

— კარგი.

— ჩანიახიც იყოს.

გავიფიქრე: ეპ. ის ფიდენსიო, ვინც ორმოცდაათი წელი იმუშავა კაიოზე, აღარ ვარგა ამ საქმისთვის-მეთქი.

სევდიანი ფიქრებით შეპყრობილი დავბრუნდი ტივზე. ისევ პოლოკო ავიღე და ტივი არსში შევაცურე.

ივლისის დამდეგი იყო. ესე იგი წინ სამი თვის ტანჯვა გვედო. მალე ტაბანო გაჩნდებოდა, ერთი ციციქნა ბუზანკლების ჩარი. ისინი ნამეტნავად ყურებს ეტანებიან. ბარდებში იციან ჩაბუღება და როგორც კი ტოტს გაეკარება კაცი, აფრინდებიან, ყურებზე დაესვეიან და ისე დაუსუსსავენ, რომ მერე სულ წითლად დაუარჯლდება. კორასები ხომ უარეს დღეს გვაყრიდნენ. დასაკეც საწოლზე ორმაგ სატომრე ქსოვილს ვიფარებდით და თავს ისე ვიცავდით მათგან. ხანჯლებივით იციან კანში გრძელი ნესტრის ჩასობა. ოცი. ორმოცი კორასი ერთად დაგესევა მხრებზე და თუ ხელის დაკვრა ვერ მოასწარი, მხარს ისე დაგისისხლიანებენ, იტყვი, დანით დაუსერიათო. ისეთ დღეში ჩაგაგდებენ, ღრიალი მოგინდება. ინატრებ, ნეტა ვინმე გამოჩნდებოდეს და რამეს შემომკრავდეს — სულ ერთია, ხელი იქნება თუ ცული — ოღონდ კი ამ ტკივილს დამავიწყებდესო. გაბოროტებულს მერე შუბლსა და კისერზე გაუთავებლად რომ გესრისა ეს მწერები, მაინც ვერ მოისვენებდი. ზოგჯერ შეუძლებელი ხდებოდა მათი გაძლება. ერთხელ ორმოცდაათი შეკვრისაგან აბრიალებული კოცონი მივატოვეთ, ყელამდე წყალში შევცვივდით და იქიდან ვიყურებოდით, როგორ იფერფლებოდა მთელი თვის ჯაფით მონაპოვარი შეშა. ფეხები შლამში ჩაგვეფლო, წყალი ნიკაპამდე შემოგვადგა, თავზე კი კორასების შავი, მკვრივი, ისეთი მკვრივი ღრუბელი დაგვტრიალებდა, რომ დანითაც კი შეიძლებოდა მისი გაჭრა. გული გვეტკიოდა, როცა ვხედავდით აუტანელი ტანჯვით მონაგარს ცეცხლი რომ ნთქავდა, თუმცა მაშინ ახალბედები ვიყავით ნახშირის გამოწვაში და

წრთობა გვაკლდა. ახლა სულ სხვანაირები ვართ. ექვსი თვის მანძილზე თვითეულ ჩვენგანს სულ ცოტა, ცხრაჯერ მაინც შეხვლა ციება.

იმ წელს, ახლა რომ გიყვებით, ნახშირი ბლომად გამოვწვიეთ, და მერე რა ხისაგან! ნაჯახის შემოკვრაზე ისეთ ხმას გამოსცემდა, იფიქრებდი, ხე კი არა, ვერცხლის ზარიაო, თან ისეთი კრიალი გაჰქონდა, შაქარყინული გეგონებოდა! მიუხედავად ამისა, ჩვენი საქმე მთლად კარგად მაინც ვერ იყო.

თავაკად ისა გვყავდა, ვის უპირატესობასაც ყველა აღიარებდა; აღიარება ჩვენი ნებით, ჩვენზე სურვილით სდებოდა. თავაკაცი ყველაზე ღონიერი და მარჯვე უნდა კოფილიყო, საფლობში ფეხი არ უნდა დასცდენოდა, მორწი სხვებზე ღრმად უნდა ჩაესო ნაჯახი. მოულოდნელად გაჩენილ ცეცხლს ყველაზე ადრე უნდა მივიარდნოდა ჩასაქრობად. აი, ასეთი უნდა ყოფილიყო ჩვენი თავუკაცი. სწორედ ასეთი იყო მუშტივით შეკრული და ჯანიანი მარტინესი. იმის დაკვირვებულ, ჭკვიან თვალებს, არწივისებურ ცხვირსა და ხშირ, შავ წვერს ჩემს დღეში ვერ დავივიწყებ.

როცა ტივი რანჩოს მივაყენე, მარტინესის ხმა შემომესმა, ამხანაგებს მეასედ მაინც უყვებოდა, როგორ მოელაპარაკა უფროსს:

— ასე ვუთხარი: დონ ბრუნო, თითქმის ოცი წელია, რაც თქვენს ტყეში ვმუშაობ. დროა, საკუთრივ ჩვენთვის ერთი კოცონი მაინც გამოგვაწვევინო იანის ხისგან. უფროსმა აშხედ-დაშხედა და სიგარის ნამწვი გამოაფურთხა:

— ძვირფასო, თუ იცი, რა ღირს იანის ერთი კოცონი?

— იკითხეთ კაიოზე და იქ გეტყვიან, ვიცი თუ არა.

— მარტინეს, ერთი ასეთი კოცონით შენ ჩემზე მეტ ფულს ჩაიჯიბავ. — მოთხრა უფროსმა და მომიახლოვდა.

— ათას შეკვრას ერთად დავდგამდი და ზღაპრულ კოცონს ავაბრიალებდი.

— ძმობილო, გაკოტრებას მიპირებ, თუ რა არის!

მარტინესი გაჩუმდა. არყის მათარა მოიყუდა და წყაროს წყალივით გადაჰკრა. მერე მათარა ხუკაროს ხის ტოტზე ჩამოჰკიდა და განაგრძო:

— ეს რომ მოთხრა, ავიღე ქული, კარისკენ გავიხედე და ვუთხარი: „კარგი, რაკი არ გინდათ, თქვენი ტყიდან სხვაგან გადავალ“.

ცხადია, მოხუცმა დაუთმო მარტინესს — ჩვენისთანა მენახშირეების შოვნა ადვილი საქმე კი არ იყო! აი, ამიტომ დავბრუნდით კაიოზე.

— დროს ტყუილად ნუ დავკარგავთ, დავიწყით იანების ძებნა, — შენიშნა ისლენიომ.

— ამბობენ, კაიოზე იანი რამდენიც გინდა, იმდენიაო, — გაეპასუხა ანდრესი, — არ ვიცო, რაღას ვუცდით?

მეორე დღეს იარაღი ამოვალაგეთ და მუშაობას შევეუდექით. ნაჯახები ღრმად ესობოდნენ ხეებში, ყოველი ნაჯახის შემოკვრაზე ხეები ცახცახებდნენ. გაყვითლებული ფოთლები მიწას ეფინებოდა და მოჭრილი ხეები ყრუ კვნესით წვებოდნენ ძირს. უამრავ ხეთა წვენიტ შეიფერა ჩვენი ნაჯახები. აქ რომ მიყუჩდებოდა ერთის ცული, მეორისა იქ ახმიანდებოდა ყრუდ და უწყალოდ. მერე ისევ სიჩუმე ისადგურებდა ტყეში. ძირს წამოსულა ფოთლების შრიალი ისე წყდებოდა, თითქოს კოკისპირულმა წვიმამ უცბაღ გადაიღოო. ყველაფერი — მიწა, ჰაერი, ჰიქაში ჩასხმული არაყი — ახლად მოჭრილი ხის მკვეთრი სუნით იყო გაქლენთილი. ხუთივენი მხოლოდ ერთი ფიქრითლა ვიყავით შეპყრობილნი — საკუთარი კაცი უნდა მოგვემზადებინა!

რამდენი ანდრესს შეეხვდებოდი, — მე რომ მოჭრილი იანის მოსატანად მივდიოდი, ის უკვე მოდიოდა, — იმდენი მესმოდა:

— უყურე ერთი, ქვეყნის იანია!

— ნეტა კი ეს საქმე კეთილად დამთავრდებოდეს... — ვუპასუხებდი მე.

სულმოუთქმელად ვმუშაობდით. ღამის თორმეტ საათზე ნამდვილი ბრძოლა გაჩაღდა; საქმეს ვაღავებდით. იწყებოდა ყველაზე მნიშვნელოვანი სამუშაო, რაც მენახშირისგან ოსტატობასა და ძალ-ღონეს მოითხოვს: მორები ერთი მეორეზე უნდა შემოგვედო, ზედ მესამე მორი დაგვედო და ახლად მოჭრილი ხისაგან ასე აგვეყვანა მაღალი და მტკიცე მთა. თუმცა მთის აყვანამდე ჯერ კიდევ ბევრი რამ გველოდა. უკვე რამდენიმე ასეული იანის ხე გვქონდა დამზადებული ბოლო კოცონისათვის, როცა ანდრესმა გვითხრა:

— დღეს სამშაბათია.

— ხვალ „ამალიას“ მოსვლის დღეა, — დააზუსტა ისლენიომ.

მარტინესი მაჩეტეს ლესვით იყო გართული, მან თავაუღებლად გვითხრა:

— ხვალ ანტონიო წავა.

მე არხს გავხედე, ტივის შეთვლიერება მინდოდა, მაგრამ მხოლოდ ქოლოკის ბოლოდა დავინახე.

— ჰო, ხვალ წავალ, — მივუგე მარტინესს და კოლოსაგან თავის დასაცავად მოწყობილ ბაღეში შევძვერი.

განთიადზე ისევ არხში მივაცურებდი ტივს. თავზე ყურყუმელები დამტრიალებდნენ ჩხავილით. ძ-რს წყალი სარკესავით კრიალებდა. არხის ორივე ნაპირი კი მანგლეს გაუვალი ბარდებით იყო დაფარული, მის მსხვილ ფესვებს ხან აქ და ხან იქ სისხლივით წითელი, პატარა კიბოები აფარებდნენ თავს.

ჩემი ვარაუდით, სამიკიტნოში შუადღისას უნდა ვყოფილიყავი. ზღვიდან ძლიერმა ქარმა დაუბერა. მზე აუტანლად აცხუნებდა. სამიკიტნოში ერნესტო და მისი ხმელ-ხმელი ცოლი დამხედნენ. ერთი ქრქა არაყი გადაეკარო, ნაპირზე ჩამოვჯექი და „ამალიას“ მოლოდინში ზღვას დავუწყე ყურება. ორ საათზე ისიც გამოჩნდა. ზურგის ქარი უბერავდა. ძველი, დაკონკილი იაღქნები ქარს დაებერა. ხომალდის ცხვირი ტალღებს მოაპოზდა.

ხომალდი ნახევარი საათის შემდეგ მოადგა ნაპირს. გემბანზე უცნობ ახალგაზრდას მოვკარი თვალი. მას ნაადრევად დაგაუკაცებელი ბჰის იერი ჰქონდა. ქერა, აბლაღუღვაშაყრილი ყმაწვილი იყო. მის ზურგს უკან ხომალდის უფროსი გამოჩნდა და მომამხაზა:

— ეი, უსაქმურო, გამოაინება ნორინდოვე ნასადილევს?

— როდი მაწყენდა. შენი ნაფოტა ხომალდის ლოდინი კაცს მოთმინებიდან გამოიყვანს.

— მე კი არ გამოვეყვარ მოლომინებიდან და! — მომიგო საცილით და ნაპირზე გაღმობხა.

ულვაშებიანი ქაბუციც ჩამოჰყვა. ახლოდან კარგად ავხედდავხედე. სიმალლით ყველა ხვენგანზე მაღალი იქნებოდა. ერთი შეხედვით ასე ოცდაოთხ-ოცდაექვს წელს თუ მისცემდი. ღონიერი ჩანდა. დაკუნთული კისერი, ცოცხალი თვალები და რძესავით თეთრი კანი ჰქონდა. არ მიყვარს ასეთი ადამიანები.

ხომალდის პატრონმა ხელი ჩამოშარტვა.

— ჰა. ავაზაკო, ღიპს იყენებ?

— ო, შე... — მოვინდომე პასუხის გაცემა. მაგრამ სიტყვა გამაწყვეტინა.

— ეს ახალგაზრდა მოგიყვანეთ.

— ესა?

— ჰო, დონ ბრუნომ გამოგიგზავნათ.

— ეს ღლაპი?! — ველარ დავმალე უკმაყოფილება.

ჭაბუკმა მწვიდად შემომხედა, რალაცის თქმა უნდოდა, მაგრამ მერე გადაიფიქრა და ხომალდის პატრონს მიაჩერდა.

— ეს არის ღლაპი?

— ჰო, ეგა!

— ჯერ გამოსცადე და მერე თქვი.

— გამოუცდელად ვატყობ, რა შეილიცაა. ახალგაზრდას მივუბრუნდი.

— ფიდენსიოს მაგივრობა გინდა გასწიო?

— ჰო.

— ნამდვილი ტყე თუ გინახავს? ნახშირის გამოწვა შეგიძლია?

— არა, მაგრამ, ვნახავ და ვისწავლი.

კინალამ სიცილი ამიტყდა, სიამოვნებით მივტყეპავდი გემოზე... გაიგონეთ, რა თქვა! ვნახავ და ვისწავლიო! ასეთი აზიზი სიტყათის პატრონი აცხადებს ამას! მარტო ნახშირის გამოწვა გამოუყვანს წირვას, — ჩვენი ხელობა ფაფის ჭამა ხომ არა ჰგონია!

— როგორ არა, ისწავლი, თუ მანამ ქინკლებმა არ შეგკამეს...

ჭაბუკმა არაფერი მიპასუხა, მხოლოდ ჯიბეში მოათათურა ხელი, სიგარეტს ეძებდა. ორივე გაეჩუმდით. წარმოვიდგინე, როგორ დაედრიჭება სახე ისლენიოს, ამ ყმაწვილს რომ დაინახავს, სახე რომელია, ნახე, აყალმაყალი თუ არ ატეხოს, თუმცა საქმეს, ჩვეულებებისამებრ, მარტინესი გადაწყვეტს.

ყველაფერი ვივარაუდე და ხომალდის პატრონს ვთხოვე:

— ნუ წახვალ ერთი ორი დღე, ალბათ ამ ტვირთის უკან წაღება მოგიხდება. აბა, გამომყევი.

წყალში შევედი და ტივისკენ გავტოპე. უცებ ადგილზე გავქვავედი: დალაზეროს ეშმაკმა, როგორ დამავიწყდა?

— გერმან... გერმან! ფიდენსიო როგორ არის?

ქარმა ჩემი სიტყვები სხვა მხარეს გაიტაცა და ხომალდს უფროსს ვერაფერი გავაგონე.

— ისევ ისეა, — ჩაილაპარაკა ჭაბუკმა.

მე ისე დავიჭირე თავი, ვითომ ვერ გავიგონე მისი ნათქვამი.

ჩვენებთან ღამით მივედი. ორი დღის წინ მარტინესმა პირველი კოცონი დაანთო. კოცონი ნუჟაროს ხისა იყო და უხმოდ იწვოდა. რუხი კვამლი კლაკენით მიიწვედა ზევით. ცოტა მოშორებით პატარა ცეცხლი ენთო. მარტინესსა და ისლენიოს ჯერ არ ეძინათ. ამ დროს ყავას ვსვამდით ხოლმე და ვსაუბრობდით.

როგორც კი ტივი ნაპირს მივაყენე, ჩვენებს გაუეხმიანე. მაშინვე მიპასუხეს.

— ესენი არიან, — აუუხსენი ჩემს თანამგზავს.

— რამდენნი არიან? — მკითხა მან.

— ოთხნი, მაგრამ ოცის საქმეს აკეთებენ.

მეტი არაფერი გვითქვამს.

ცეცხლთან რომ მივედით, ისლენიო წამოდგა. სიბნელეში მისი ბრიალა თვალებისა და თუნუქის ტოლჩის მეტი არაფერი ჩანდა. დაძაბული ვიყავი, რალაცას მოველოდი. ჯერ ჭაბუკს შევებდე, მერე მზერა მარტინესს მივაპყარო. მარტინესი წამოდგა, რამდენიმე ნაბიჯი გადმოდგა ჩვენკენ და ახალგაზრდას ჰკითხა:

— ნახშირის გამოწვაზე გიმუშავია?

— ჯერ არა.

რასაც მოველოდი, ის მოხდა.

ისლენიომ ტოლჩა დააგდო და ახალბედს მიუახლოვდა.

— ერთი ამას დამიხედეთ! კაცის გამოგზავნა ვთხოვე და ბალი გამოუგზავნიათ.

ხმა არავის ამოუღია. ახალგაზრდაც დუმდა. სახეს მკრთალი შუქი უნათებდა. მომჩვენა, რომ წამოენთო, სისხლი მოაწვა. თუ ცეცხლის შუქმა გაუნათა, დანამდვილებით ვერ ვიტყვი.

მარტინესმა განაგრძო:

— თუ ჯერ არ გიმუშავნია, მაშინ ღაიკარგე აქედან.

ეს კი ველარ მოითმინა ჭაბუკმა:

— რათა, ცოტაოდენი რალაც მეც შემიძლავ.

— კი, ალბათ თეფშების მოსუფთავება გემარჯვება, არა? —
დაიყვირა ისლენიომ.

ჭაბუკმა წინადადების ხეირიანად დამთავრება აღარ დააცადა, მუშტი სთხლიშა სახეში. ისლენიო დაბარბაცდა და იქვე დაწყობილ მორებზე გადავარდა. მარტინესი, ანდრესი და მე მათთან მივიჭერით. მარტინესმა დამასწრო. მართალია ჭაბუკზე დაბალი იყო, მაგრამ წელზე ხელი რომ მოსდო, ნაფოტივით მოისროლა მორებისაკენ. ისლენიომ მაჩეტი დააძრო. მარტინესმა დაულრიალა:

— გაჩერდით, თორემ ერთ-ერთი ხელში შემომაკვდებით!

მარტინესმა სიმშვიდე შეინარჩუნა. ისლენიომ მაჩეტე შეინახა და სახიდან სისხლი მოიწმინდა. არც ჭაბუკი გადარჩენილა იაფად. მორებზე დაცემისას ხის ტოტმა ხალათი გაუხია და ღრმად შეეცხო სხეულში, კრილობიდან სისხლი უონავდა. დაცემისას მორზე თავი დაეკრა და გონება ნელ-ნელა უბრუნდებოდა. ზეზე წაპოვაცუნეთ. ანდრესი საველე აფთიაქის მოსატანად გაიქცა. მარტინესი იღვა და სერიოზული სახით გვიყურებდა. აი, ასე უყურებდა ხოლმე კოლეების გუნდს და დანთებულ კოცონს.

ჭაბუკი მალე მოეგო გონს. სისხლი გამოაფურთხა და თქვა:

— ყველაფერს კი კერ მოგიტმენტ კაცი!

— ხვალვე უნდა წახვიდე აქედან, — ცალყბად უთხრა მარტინესმა.

— კეთილი, მაგრამ მანამდე დონ ბრუნოს წერილი უნდა გადმოგკეთ, — მიუგო მან და ჯიბიდან ფურცელი ამოიღო. მარტინესმა ფარანი მიანათა და უხმოდ წაიკითხა, მერე მე გაკომიწოდა. აი, რა ეწერა წერილში:

„ამ ბარათის მომტანი ჩემი ნათესავია. ფილენსოს შაგიერ გვგზავნი. ყოჩალი ახალგაზრდაა. მისთვის მიჩუქებია იანას ხის კოცონი. გთხოვთ კარგად მიიღოთ ჩემი ნათესავი!“

— მეც არა ვთქვი, ასეთი ხელგაშლილობა რატომ გამოიჩინა-მეთქი! თავისი ნათესავის შემომამხანაგება სჯებია გულში. — ვთქვი მე.

მარტინესმა ჩემს სიტყვებს ყურადღება არ მიაქცია. კარგა ხანს ჩუმად იღვა და მიწას დასჩერებოდა, ბოლოს ჩაილაპარაკა.

— კარგი, ეგრე იყოს!

ამ ბიჭისა ყველაზე მეტად კანი არ მოგვეწონა. მისი ქალისე-

ბური თეთრი კანი თითქოს წვეტიანი ტოტების და კოლოებზე საკბილოდ იყო გაჩენილი. ამან სამუშაოს როგორ უნდა გაუძღოს! მაინც დარჩა კაიოზე. მთელი ამ წნის განმავლობაში ისლენიოს ღმას არ სცემდა.

ტყეში სულ უფრო ღრმად ვიჭრებოდათ. მწერებს არ ვაქცევდით ყურადღებას, ცხადია, ეს ძვირად გვიჯდებოდა. იმ ხანებში კორასები საოცრად მომრავლდნენ და ფანტასტიკურ გუნდად დაქროდნენ ჰაერში, გეგონებოდათ, დიდი, რუხი ზეწარი გადაუფარებიათ ბუჩქებზეო. ეს გუნდი მანამ აწყდებოდა აქეთ-იქით. სანამ მსხვერპლს არ მიაგნებდა. ცხოველი თუ კაცი იმათთვის სულ ერთი იყო — მთავარია სისხლი და ხორცი ჰქონოდათ საკბილოდ, რომ რალაცას დასწაფებოდნენ და გატიკნულიყვნენ. ურიცხვი კორასი დაესეოდა ხოლმე საცოდავ მსხვერპლს, მწარედ დაკბენდა და დაუწითლებდა კანს. მოფხანის შემდეგ კი ჩირქოვან მუწუხებად დააყრიდა. ჩვენ თავს ვეღარ ვიკავებდით ქავილსაგან და მთელ სხეულზე ასობით პატარა ღუღუღი გვიჩნდებოდა.

ავვისტოს შუა რიცხვებში უკვე სამი კოცონი გვექონდა დადგმული და ბოლოს და ბოლოს საკუთარ კოცონზეც უნდა გვეფიქრა.

ქაბუკს საქმის ვითარება ავუხსენით.

— ეს კოცონი ჩვენია, აქედან ფილენიოს თავისი უნდა მიეცეთ. შენ არაფერი გერგება.

ქაბუკმა ამაზე არც „ჰო“ თქვა, არც „არა“ და ისევ ისე მუშაობდა, თითქოს მასაც ეღო წილი.

ის ღამე, როცა ჩვენი კოცონი აღმართეთ და ირგვლივ მიწა და ბალახიანი ბელტები შემოვუწყვეთ, მიუხედავად კაიოზე გადატანილი ტანჯვისა, მაინც ყველაზე საუკეთესო ღამე იყო ჩვენითვის. მარტინესი მაღალი კოცონის თავზე ავიდა ცეცხლის გასაჩაღებლად. ჩვენ დაბლიდან ვუყურებდით, როგორ გულმოდგინედ მუშაობდა მარტინესი ამ ხისგან დადგმული მთის მწვერვალზე. ის ქვევიდან ისე მალლა მოჩანდა, იფიქრებდით, ხელა რომ აღმართოს ვარსკვლავებს შესწვდებოთ. კოცონი მართლა კარგი გამოგვივიდა. ირგვლივ ყველაფერი გავკაფეთ. ჩირაღდნები მოვიპარკვეთ და გზა განვაგრძეთ.

მესამე დღეს ისლენიო მუცლის ტკვილმა შეაწუხა. მერე

გულს რევა დაეწყო და მეტი რა გზა იყო, რანჩოში უნდა დარჩენილიყო. ჩვენ ძალზე ცოტას ვლაპარაკობდით.

— ანტონიო. აი. აქ დამფხანე. — მეუბნებოდა მარტინესი. ახალგაზრდა ღუმდა და თვალს გვიარიდებდა. ისლენიოს ისევე აღებინებდა.

თუ ზომიერი ქარი უბერავს, გამოცდილ მენახშირეს სამი დღე შეუძლია გაძლოს უძილოდ. ხოლო თუ ქინქლები დაესივნენ, წმინდანიც რომ იყოს. სულ ღმერთს და გაჩენის დღეს აწყევლინებენ. შავი მანგლეს ხის კვამლიც ვერ იხსნის იმათგან.

როცა შეღამდა, კოცონზე თვალის დასაჭერად მარტო ჭაბუკი დაეტოვებოდა. მარტინესმა ასე ბრძანა და, რაღა დაგიმალოთ. გულში ყველას გვესიამოვნა ეს გადაწყვეტილება.

ღმერთო, როგორ დავიძინე! მოცელილივით დავეცი და თვალა ვეღარ ვაგახილე, თოქოს მთელი ქვეყნის სიმძიმე ქუთუთოებზე დამაწვავა. სულ ბოლოს ისლენიოს ხელებმა ჩამესმა და მეტი არაფერი მახსოვს.

არ ვიცი, ვინ ატეხა ყვირილი და რა დრო იყო. დაფეთებული გამოვევარდი რანჩოდან. მარტინესი და ანდრესი უკვე გარბოდნენ იქით. ხეებს შორის ცეცხლის სუნთქვა ვიგრძენი. ტოტებს და ფოთლებს წითლად გაჰქონდათ ლაპლაპი, მათი ანარეკლი წყალში ირწყვებოდა. იანას ხისგან დანთებული კოცონი ანათებდა იქაურობას. ცეცხლის ენები ლოკავდნენ მწყობრად დაწყობილი ხეების თავს. მაშინვე ჭაბუკს დავუწყებთ ძებნა. მალე შორიახლო ჭაობთან მივაგენით, პირქვე დამაობილიყო და ქვითინებდა. ანდრესმა შეაგინა და ჯოხი მოუქნია. მარტინესმა გააჩერა: მე თავი გადავუწიე ჭაბუკს. მთელი სახე და ხელები საშინლად ჰქონდა დამწვარი. მე ამხანაგებს გადავხედე და ჯერ ანდრესის შეშინებული თვალები, მერე კი მარტინესის მშვიდი, შეუვალი სახე დავინახე.

იმ წელს ბევრი ნახშირი გამოვწვით. მაგრამ საშველი მაინც არ იყო. უდიდესი ნაწილი ტყის პატრონმა წაიღო, ჩვენ კი ძალიან ცოტა დაგვიტოვა. მას შემდეგ, რაც ჭაბუკი ხომალდზე დავაბინავეთ და საიდანაც მოვიდა. იქით გავგზავნეთ, ჩვენი მონაგარის ფლანგვას მივყავით ხელი და ქალებსა და ღვინოში გავატიალეთ. ერთხელ მთვრალეებს ვილაცამ ფიდენსიოს სიკვდილი შეგვატყობინა.

ბოდმა-ვარამი ცოტა რომ გავიქარვეთ და სიცივემაც შეგვაწუხა, სახლებს დავუბრუნდით.

როცა პატარა ნავსაყუდში გამოვედი, მარტინესის დედას მოვკარი თვალი. ჩვენი წასვლის დღესაც ასე იდგა კარის ზღურბლზე. ქალს ნადრევად დასერიოზულებული სამი ბავშვი ეკვროდა კაბის კალთაზე, მათ ახალი ფესსაცმელები ეცვათ.

— ვისები არიან? — ვკითხე მარტინესს.

— ფიდენსიოს შვილიშვილები არიან, — მითხრა მან და კაიოსკენ შებრუნდა. პორიზონტზე ბუნდოვნად მოჩანდა რუხი წერტილი.

ლ ე ო ნ ე ლ ა

დიდი უცნაური ვინმე იყო მოხუცი ბალთასარი, რა დიდებულად იცოდა სხვადასხვა ამბის მოყოლა! ახლანდელ დროზე კი არა, დიდი ხნის ამბებზე მოგახსენებთ. იმიტომ, რომ ახლა ჩემს სოფელში ვინმე რამეს რომ იტყვის, მერე მოდგებიან და სულ ერთსა და იგივეს იმეორებენ. აი, იმდროინდელი ერთი ამბავი უნდა გიამბობთ. თუმცა, ჩვენს სოფელს მას შემდეგ ალკალდი არ გამოუცვლია; მას სულ ხელახლა ირჩევდნენ და ისიც თავის პოსტს შეაბნებდა მაშინ, როცა სხვა ადგილებში იმის ხნის ალკალდებმა ასაღებად დაუთმეს ადგილი და თვითონ, უკვე მოხუცებულები, თანდათან უახლოვდებოდნენ სამარის კარს.

ჰო, ბალთასარ დე ლოს პინოსზე მოგახსენებდით — აზოვანი მოხუცი იყო, თორმეტი წლის ხუკაროს ხის ტოტებივით ჭადრა ზეერი თანაბრად ჰქონდა შეკრეპილი და თვითონაც რაღაცით ხეს, უფრო მეტიც, მიწას მიაგავდა. თუმცა მას სულელი კაცის სახელი დაუგდეს მთელ სოფელში, მაგრამ სინამდვილეში ყველაზე კაცური კაცი ის იყო, მისი სიტყვები ხშირად ხალხს ისარივით ხვდებოდა გულში.

ეს ამბავი იმ ხანებში მოხდა, როცა ჩვენი სოფლის მდინარეზე უკვე სამი ხიდი იყო გადებული. ეს ხიდები ერთმანეთის შემცვლელმა სამმა ალკალდმა ააგო. პირველად მაშინ გავიგონე ბალთასარის ბრძნული აზრი: „ყოველ ადამიანში ანგელოზი და ველური ძაღლი ზის, საქმე ის არის რომელი რომელს დაჯაბნის — ანგელოზი შეძლებს ავი ძაღლის მოთოკვას, თუ, როცა ადამიანს რომელიმე ძლიერი ცთუნება მოერევა, ძაღლი შესანსლავს ანგელოზს“.

ლეონელას რომ უბედურება შეემთხვა, ეს აზრი მაშინ გამოთქვა. თუმცა ჭერ იმაზე უნდა გიამბოთ, სადამო ხანს როგორ მოიტანეს ლეონელა სასამართლოში, შაქრის ქარხნის მანქანა როგორ

ჩამოდგა სადგურზე და სოფლის ქანდარმებმა გინებითა და ხმლის ქნევით როგორ გარეკეს სეირის მოყვარული უსაქმურები. ღრიან-ცელში ზარივით რეკდა ბალთასარის ხმა:

— დაიწიეთ უკან, რა თვალეპ აცეცებთ? ვერა ხედავთ, უბედური თითქმის შიშველია, დაიწიეთ უკან!

ბალთასარი ქანდარმებს მიეხმარა, თან თვალს არადებდა ამქვეყნიდან უკვე სამუდამოდ წასულ ლეონელას. ლეონელას თვალები ნახევრად ღია და... მომიტევოს ღმერთმა, ამას რომ ვამბობ! — ტუჩები საკოცნელად გამოწვდილი დარჩენოდა.

მერე ბალთასარმა გვამს თავისი ხელით წაათარა ზეწარი, რომელიც ერთმა ღვთისნიერმა ადამიანმა გაიმეტა. ამის შემდეგ ლეონელა ნოსამართლის და ექიმის ხელში საკვლევ საგნად იქცა. გაცხარებულ ბალთასარი სოფლისკენ გაემართა, რომ ლეონელას შეუბღალავი სახელის ლაფში ამოსვრა არავისთვის დაენებებინა. მათ, ვისაც უკვე დაეწყო ქალის გამტყუნება. ღვთის რისხვად დაატყდა:

— ნამდვილი ღორები ხართ, ის გოგონა ხომ გულში დაქრილი უწყინარი მტრედი იყო. სოფელში ორმოცამდე სახელგატეხილი ქალი იქნება, მაგრამ სამარის კარამდე რომ შეინარჩუნონ თავიანთი პატროსნება, ჩემს თვალში მაინც ლეონელა დარჩება უცოდველ მტრედად. მუხბედავად იმისა, რომ მას ქმარი ჰყავდა და სხვა კი უყვარდა.

საქმე იმაში იყო, რომ მოხუცი ძალზე კარგად იცნობდა ლეონელას. ერთ საღამოს, იმ უბედურ შემთხვევამდე რამდენიმე დღით ადრე, ქალი მოხუცთან მივიდა სახლში და სასოწარკვეთილმა რჩევა ჰკითხა:

— ბალთასარ. რა ვქნა. როგორ მოვიქცე? არ მიყვარს ქმარი. ხულიანო დაბრუნდა.

ხალხში ხმები დადიოდა, უსირცხვილო ბალთასარმა უზნეო რჩევა მისცა გოგონას, როგორც მამაკაცს ისე ელაპარაკა და ჰქვია ამნაირად დაარიგაო:

— გასცილდი ქმარს, ამქვეყანაზე მეორედ ხომ არ მოხვალ!

მაგრამ თანასოფლელები ისევ ტყუოდნენ. ეს იმიტომ, რომ მოხუცის არც ერთი სიტყვა ჰქუაში არ უჯდებოდათ. ყველაფერი მონაპორი იყო. სინამდვილეში, აი, როგორ მოხდა: ბალთასარმა ჯერ კეთილად გაუღიმა ქალს და მერე უთხრა:

— ეჰ, ჩემო მტრედო, შენი ხასიათის პატრონისაგან კი ჰოვე-
ლოდი ამას. ხულიანოს დაბრუნება მე უკვე გავიგე.

სხვა არაფერი უთქვამს, ლეონელა მაყვალივით შავი. ნათელი
ოვალებით მსჩერებოდა მოხუცს და ელოდა, რაღაცას მაინც მირ-
ჩევსო. ბალთასარი კი გაბრუნდა, ნაკვეთში გავიდა და მალე იუკის
სუჩქებში გაუჩინარდა.

მერე კი გაშმაგებით გაჰყვიროდა:

— გასაგებია, ახლა ყველას მოგინდათ ენის ტარტარი. ადრე
სად იყავით? რატომ მაშინ არაფერი თქვით, სიცოცხლით სავესე
ლეონელას მოხუც კაცს რომ აძლევდნენ ცოლად? შაქრის ლერწ-
მსა და საქონლის პატრონმა ბებერმა თავისი ქონების წყალობით
ჩაიგდო ხელში ის გოგო. იმ ჩაჩანაკს დიდი ხანია ჩემსავეა ჩამქ-
რალი აქვს თვალები. ნუთუ არასდროს უფიქრია იმაზე, რომ ახალგა-
ზრდა ქალი სახლის ირგვლივ მხოლოდ მაშინ რგავს შროშანებს,
როცა გულში ნორჩი სიყვარული უღვივის.

ყველაფერი კი იმის ბრალი იყო, რომ ბებერი, მაგრამ მდი-
დარი კაცის გამოჩენა ლეონელას რანჩოში მაცოცხლებელ ნიავს
ჰგავდა. პაპანაქება სიცხეში რომ დაუბერავს ხოლმე. მაგრამ ამ
ნაცოცხლებელმა ნიავმა ქალიშვილისათვის კი არ დაუბერა. არა-
მედ მისი შინაურებისათვის — ყომარბაზი ძმებისა და ხანშიშესუ-
ლი მამისათვის. ლეონელას მამა ცხოვრებაში ხელმოცარული კაცი
იყო, ასე თვითონვე ამბობდა ხოლმე თავის თავზე, თუმცა ბედზე
ჩივილი იმის პირიდან არავის გაუგონია. მაგრამ როგორც განდათ
თქვით, ოჯახის უფროსი იყო და ბევრი რამ ჰქონდა ცხოვრებაში
ნანახი. ამიტომ, როცა ლოს პარალსელი მოხუცი თავისა გათქვი-
რებული ცხენით რამდენჯერმე ეწვია, ლეონელას მამამ მაშინვე იაზრა:
კაცს სხვის სახლში ქალი თუ არ იზიდავს, ექვჯერ ზედიზედ ტყუ-
ილად არ ესტუმრებაო. იმ სახლში კი ერთადერთი ქალი ლეონელა
იყო. აი, მაშინ იგრძნეს მაცოცხლებელი ნიავის ქროლვა. ლეონელა
კი ვერაფერს ხვდებოდა. გოგონას გული ხულიანოსთვის უძგერდა.
ხეივნის ბოლოს ყოველ საღამოს გამოჩნდებოდა ხოლმე სარემონ-
ტო ბრიგადის მანქანა; მანქანაში ხულიანო იჯდა. ლეონელა ფეხის
წვერებზე დგებოდა, ბუჩქნარიდან უთვალთვალებდა და ნახვამ-
დისო ეძახდა ბრიგადის წვერებს, თუმცა გულში მხოლოდ ხულია-
ნოს ემშვიდობებოდა.

და, აი, ერთხელ, როცა სარემონტო ბრიგადა ხეივნის გადაღმა გზის შეკეთებაზე მუშაობდა, გახვითქული, შუბლზე შავთმებშიწებებული ხულიანო მიადგა მათ სახლს:

— გოგონა, ცოტა წყალს ვერ გამომიტანთ?

ლეონელამ არაფერი უპასუხა, მღელვარებისაგან ხელები გაეყინა მხოლოდ. როცა სურიდან წყალს უსხამდა, ბიჭი კვლავ გამოელაპარაკა ლეონელას:

— თქვენ გვეძახით, ნახვამდისო, როცა აქეთ ჩავივლით ხოლმე? გოგონამ გაუღიმა:

— ჰო, ამ გზაზე იშვიათად თუ გამოჩნდება ვინმე; გეხმიანებით, სალამს არ გადავეჩვიო-მეთქი.

მათ სახეში შეხედეს ერთმანეთს და ვაეი მიხვდა, რომ გოგონა მანქანაში მსხდომთ მართლა გადაჩვევის შიშით კი არ ეძახდა ნახვამდისო, მხოლოდ მასთან დამშვიდობება უნდოდა და მეტი არაფერი.

ამის შემდეგ ყველაფერი ისე აეწყო, როგორც წესი და რიგი იყო. ბიჭი იაფფასიან საჩუქრებს ყიდულობდა ქარხნის ფარდულში და გოგონასთან მიჰქონდა. ერთხელ იაფფასიანი მინის ბროშიც მიუტანა წარწერით — „ლეონელა“. გოგონა სიხარულით ცას ეწია. ბიჭმა ჰკითხა:

— შეყვარებული ხომ არა გყავს, ლეონელა?

— არა.

— რაკი ეგრეა, მე მიყვარხარ.

ეს ძალიან მორიდებულად წარმოთქვა, თითქოს თავისივე სიტყვებისა რცხვენიაო; მერე კარგა ხანს უყურეს ერთმანეთს. ვაჟმა მოლიმარ. წამოფაკლულ სახეზე წაიკითხა გოგონას პასუხი.

აი, ასეთი ვითარება იყო, როცა ლეონელას მამის სახლში ლოს პარალასელმა მოხუცმა დაიწყო სიარული. იმ ხანებში შეყვარებულები დროებით დაშორდნენ ერთმანეთს. შაქრის ქარხანამ სარემონტო ბრიგადა ახალ უბანზე გადაიყვანა. ხულიანომ გოგონასთან მიირბინა ამბის შესატყობინებლად.

— ლეონელა, სარემონტო სამუშაოს ამბავი ხომ იცი. სულ აქეთ-იქით გვიხდება წანწალი. ერთ ადგილზე რომ მოვათავებთ საქმის, მერე სხვაგან უნდა გადავიდეთ. ახლა ქარხანა ზღვის სანაპი-

რო გზის შეკეთებას აპირებს, რამდენიმე თვეს მაინც მომიწევს იქ დარჩენა, მთელი ამ ხნის განმავლობაში ვეღარ განახავ.

— ხომ დაბრუნდებით, ხულიანო?

— იმისთვის არ მივდივარ, რომ დავბრუნდე?! შენ მომიცადე; როცა ჩამოვალ, ცოტაოდენ ფულს ჩამოვიტან, იქ, აბა, რაში უნდა დამეხარჯოს. დავბრუნდები და მოველაპარაკები მამაშენს, — და ღიმილით დაუმატა: — მერე კი ვნახოთ, ერთი წლის შემდეგ როგორ იქნება ჩვენი საქმე. ალბათ, პატარა კარმიდამო მექნება, მეყოლება ცოლი და...

აი ასეთი იმედები და მინის ბროში დაუტოვა იმ დღეს ბიჭმა ლეონელას. მაგრამ მალე საიდანღაც ლოს პარალესელი საქმრო გამოტყვრა და ყველაფერი აირ-დაირია.

— ყველა ადამიანს უნათებს თავისი ბედის ვარსკვლავი, — გადაკრული სიტყვებით ცდილობდა საქმის დაჩქარებას მამა, — რას იხან, მე უბედურ ვარსკვლავზე ვიყავი გაჩენილი, ვნახოთ, იქნება. ჩემს შვილებს მაინც გაუღიმოს ბედმა.

ლეონელა ვერა ხვდებოდა მამის სიტყვების აზრს. მოხუცი კი ყოველთვის იმეორებდა ამ სიტყვებს, როცა ლოს პარალესელი სასიძოს თაფლა ცხენის ფლოქვებით აყენებულ მტვერს გაჰყურებდა.

გოგონა ვერაფერს ხვდებოდა მანამ, სანამ ლოს პარალესელი მოხუცი ერთხელ კარებში არ შეეფეთა მოულოდნელად. მან გზა გადაუღობა და ხრინწიანი ხმით უთხრა:

— ძალიან მომწონხარ, გოგონი, ცოლად უნდა წაგაყვანო.

საბრალოს თავზარი დაეცა. დღემდე ამ მოხუცს პატივსაცემ და ღირსეულ ადამიანად თვლიდა. ახლა კი ამ კაცის ნამდვილი სახე დაინახა, მისი თვალები ურცხვად ჰამდნენ გოგონას. გოგონებულის შევარდა ოთახში და ქვითინი აუტყდა. ახლად აეხილა თვალები. აი, თურმე რას ნიშნავდა ყველაფერი: ახლად გამომცხვარმა საქმრომ ჯერ ცისფერი ვაზა მიართვა საჩუქრად, მერე უფროსი ძმის ყომარბაზობას არ მიხედა და სამუშაო მისცა ლოს პარალესში. ეს მაინც არ იყო ყველაზე დიდი უბედურება. უფრო საშინელს ბალთასარი ჰყვებოდა, გადარეულივით რომ დარბოდა სოფელში:

„იმ საბრალო მტრედს ყველა უყვარდა, უღირსნიც კი ებრა-

ლებოდა. ეცოდებოდა ისეთი მამა, ქალიშვილის დაყოლიების მიზნით თავი რომ მოიძვედარუნა, და ცრემლად იღვრებოდა, ებრალებოდა ძმებიც, სისხლი რომ გაუშრეს, სანამ არ დაიყოლიეს“.

აი. ასეთნაირად მოხდა ყველაფერი! ორი თვე ჩუმი ბრძოლა იყო გამართული სახლში. გაუთავებელი ჩიჩინით, რჩევით ცდილობდნენ ქალის გატეხას:

— საკუთარი შვილი არ მიჭერებს, სიკეთე რომ მიწა მისთვის! სიცოცხლეს მიმწარებს და სამარეს მითბრის!

— ერთი გამაგებინე, ეგ შენი ხულიანო რიგორ დაგვჩხსნის დაგირავებულ ქონებას?

— ვინ მიგდია ბოლოს და ბოლოს? ერთი ღარიბ-ღატაკი, სარემონტო ბრიგადის მუშაა და მეტი არაფერი!

— რა ხეირს ვნახავთ? ჩემი და მუშას გაპყვება ცოლად. მაშაქმს კი სამოწყალოდ გაუხდება საქმე.

ლენელა მაინც არ თანხმდებოდა. ცრემლებს უმაღავდა თავისიანებს. ეშინოდა, არ მიმიხვდნენ, ძალა რომ მეცლებო. ასეთმა ყოფამ მანამდე გასტანა, სანამ ბალთასარის თქმით, მამამ თვალთმაქცობა არ დაიწყო:

„თავი მოიკვამდე. ვეკვებით, იძახდა, იმ წყევულმა იცოდა, გოგონას გული ამას ვეღარ გაუძლებდა“.

იმდენი ითვალთმაქცა, ბოლოს მართლა გახდა ავად. თითქმის მთელი თვე მკურნალობდნენ ექიმი და მკითხავი. ძმებსაც ეს უნდოდათ. მისდგნენ ლეონელას:

— ილოცე, რომ მამა გადარჩეს: შენა ხარ ყველაფერში დამნაშავე. შენგანა გვჭირს, რაცა გვჭირს.

და ოჯახის მძიმე ჭაფით მოქანცულმა, დარღითა და ვარამით განაწანებმა, სატრფოზე სევდით დაღლილმა ლეონელამ, ყველაფერის გამოტირების და ყველაფრისგან განთავისუფლების სურვილით რომ დარჩენოდა, სასოწარკვეთილების წუთებში თანხმობა განაცხადა.

— ვისაც გინდათ, იმას მიმეცი! ყველაფერზე თანახმა ვარ!

ამის შემდეგ ყველაფერი უცბად მოგვარდა: სახელდახელოდ ბატარა ქორწილი გადაიხადეს და ლეონელა ლოს პარალესის შაქრის ქარხნის ტერიტორიაზე, კედარისა და წითელი ხისგან გამართულ სახლში გადაიყვანეს.

— არ ვიცი, ახალ ბინაზე რა დღეში იყო ლეონელა. თუმცა ამის ცოდნას რა მნიშვნელობა აქვს. მარტო ის ნაოჭიც ბევრის მოქმედია, ქორწილიდან სამი დღის შემდეგ შუბლზე რომ გაუჩნდა. ეს ნაოჭი სიკვდილმაც ვეღარ წაშალა. მგონი, ყველა დამეთაქმება, რომ იმისთანა ნათელი და სუფთა შუბლის ქალი მეორე არ დადიოდა სოფელში.

მართლაც ასე იყო. ყველაფერი, რასაც ბალთასარი ლეონელას წარსულზე, აწმყოზე თუ მომავალზე ამბობდა, ყველაფერი სიმართლე იყო. მომავალიც სწორად ივარაუდა ბალთასარმა.

— დაიცადეთ, დაბრუნდება ხულიანო და ნახავთ რა მოხდება, იმასაცა ჰყავს თავისი ძალი და ანგელოზი.

ქორწილის შემდეგ ორი თვე გავიდა. ერთხელ ღამით. როცა ქმარი სახლში იჯდა და ფულებს ითვლიდა, ლეონელას უცებ სარემონტო ბრიგადის მანქანის ხმა შემოესმა. ხმაური თანდათან ანლოვდებოდა და მალე მანქანის მოტორმა კრიჭინობელას კრიჭინი დაფარა.

ლეონელამ თავი ასწია. სმენად გადაიქცა. ესმოდა. თანდათან როგორ ძლიერდებოდა მოტორის გუგუნი. და აი. მანქანა შაქრის ქარხნის ეზოში შემოგრიალდა. მეტი არაფერი მომხდარა. ქმარი ისევ ფულს ითვლიდა. ლეონელამ თავი დახარა.

— განა არ ვიცი, რომ ლეონელა თავს ებრძოდა, — ამბობდა ბალთასარი, — ჩემ თვალწინ არ გაიზარდა! საკუთარი შვალისით ვუყურებდი! ამ ხნის განმავლობაში სამჯერ მოვიდა ჩემთან.

— ბალთასარ, რა გზას დავადგე? ხულიანოს დაუბარებია. შევიტყვე, რომ ძალით გაგათხოვესო, — შესჩივლა ქალმა.

— ეგრე ჯობია ლეონელა.

— არ ვიცი, რა წყალში ჩავეარდე! ჩემი სახლის პირდაპირ გაჰყავთ გზა. დღე და ღამე მუშაობენ. ღამით სხვების სიმღერას ისიც აჰყვება ხოლმე. ჩემს გასაგონად მღერის, თორემ რა ემღერება.

— შენთანებმა გაგაუბედურეს, ლეონელა. არ ვიცი, რა გირჩიო.

მუშებს გზის მშენებლობა შაქრის ლერწმის აღებამდე უნდა დაემთავრებინათ. ბრიგადის წევრები და ისინიც, ვისაც სიყვარულის არაფერი გაეგებოდა, ხულიანოს დასცინოდნენ. რადგან რამდენჯერაც დაჰკრავდა ხოლმე ჭაბუკი წერაქვს, იმდენი სახლს გაჰ-

ხედავდა. ამ დაციწვას მერე გესლიანი კორები და მოქმა-მოქმა მოჰყვა.

და აი, დადგა ის ღამე, როცა მათ პირველად და უკანასკნელად აკოცეს ერთმანეთს. ხულიანო მოუბრძობლად გადაეწო ღონეს და ჯიქურ გაემართა სახლისკენ. ლეონელამ როგორც კი ყური მოჰკრა ფეხის ხმას, უმალ მიხვდა, ვინც მიდიოდა. სოფლის ხეივანის სურნელება და ის საღამოები გაახსენდა, „ნახვამდისო“ რომ ეძახდა ხულიანოს. თავბრუ დაესხა წამოდგა, სამზარეულოში გავიდა. კარი გააღო და ისინი ერთმანეთის პირისპირ აღმოჩნდნენ. კოცნამ შეაერთა ქალ-ვაჟი და თოფიც გავარდა. ხულიანომ ხელი შეამწვლა ლეონელას. ქალმა ამის თქმალა მოასწრო:

— ვაიჰე, ხულიანო!

ღოს პარალესელი მოხუცი თოფით გამოვარდა ეზოში. მღწებმა ვერ გაუბედეს წინ გადადგომა და მკვლელმა თავს უშველა. სიმწრისაგან გონდაკარგულმა ხულიანომ ლეონელა საკუთარი ხელით მიიტანა ქარხანაში. რადგან ქარხანა უფრო ახლოს იყო, ვიდრე სოფელი.

ხოლო რაც შემდეგ მოხდა, ჩვენს სოფელში თითქმის ყველას ახსოვს. ახსოვთ, ღილით ლეონელა როგორ მოიტანეს შაქრის ქარხანის მანქანით, როგორ დაეხვია ცნობისმოყვარეთა ჯგრო და როგორ ევედრებოდა მოხუცი ბალთასარი ჟანდარმებს, მიცვალებულს ნუ დახედავთო. ან მე რა დამავიწყებს. ლეონელას ღაღ დარჩენილ თვალებსა და... ღმერთო მომიტევე! — საკოცნელად გამოწვდილ ტუჩებს!

ჩემი და ვისია

რალაცაზე ვიყავი ჩაფქრებული და თვალგამტერებულა მივ-
წერებოდი მაგიდის კუთხეს. როცა მხერა დაკლაკნილი გზის წითელ
ზოლზე გადავიტანე, უხმაუროდ მოახლოებულ მახჩანასა და მტკრის
მეწამულ ბუქს მოვკარი თვალი.

... მამაჩემი ამბობდა, ვისია წვიმიან სალამოს გაიპარა სახლი-
დანო, დედაჩემი კი ირწმუნებოდა, სულ სხვანაირად მოხდა ყველა-
ფერი: როცა ავტომობილის თუხთუხი გავიგონე, ვისია სა-
კენქს უყრდა ქათმებს, მერე იმის მწვანე კაბასლა მოვკარი თვა-
ლიო. ასე იყო თუ ისე, ვისია ერთ სალამოს თვალსა და ხელს შუა
გაქრა და იმისი ასავალ-დასავალი ვეღარ შევიტყვეთ.

მართალია ვისია ჩვენი ოჯახიდან გაიქცა, მაგრამ მისი ხსოვნა
მუდამ ცოცხლობდა ჩვენს გულებში და ჩვენი წარმოდგენით ყვე-
ლას გვჯობდა, განსაკუთრებით დედა იგონებდა კარგად. სარტე-
ზის რეცხვას რომ დავიწყებდი, დედა თავზე დამაღებოდა და მე-
ტყოდა ხოლმე:

„ვისია ჭერ კარგად დააკერებდა და მერე გარეცხდა“.

რალაცა შინაგანი ცეცხლი სწვავდა ვისიას და აკი წავილა კი-
დეც ამ ცეცხლის გასანელებლად.

ვერ შეატყობდით, რა მოსწონდა და რა — არა, უთქმელი იყო
და მთელ დღეს შრომაში ატარებდა.

ხანჯახან, სალამოობით, მამაჩემი ჩამავალი მზის სხივებით ოქ-
როსფრად დაფერილ გორაკებს მიაჩერდებოდა და გვეუბნებოდა:
ამ დროს ვისიას კურდღლისცოცხას ბუჩქნარით დაფარულ წყაროს
პირზე წასვლა უყვარდა და ვიდრე ჰორიზონტზე ქალაქის ნათუ-
რები არ აკიაფდებოდა, იქიდან ფეხს არ მოიცვლიდა; იდგა და
გაჰყურებდა ამ ყვითლად მოციმციმე ციცინათელებს, ვისიამ კარ-
გად იცოდა, რომ ეს ციცინათელები ქალაქის სინათლეები იყო.

იმ ხანებში მე, ალბათ. იატაკზე დავხოხავდი, ან იქნება ესეც
არ შემეძლო... ვისია კი სახლში ტრიალებდა და ყველაფერი მისი
ახალგაზრდული სიცოცხლით იყო აღვსილი. კედელზე ბუხები-

საგან დასვრილი ღვთისმშობელი რომაა, ისიც ვისიამ ჩამოჰკიდა... აკი ვთქვი, ვისია ერთ მშვენიერ საღამოს სახლიდან გაქცეულა-მეთქი, ჩემი ძმა პედრო ცხენდაცხენ გამოსდგომია ავტომობილს; პირუტყვს კინალამ სული ამოხადა თურმე კენებით, მაგრამ შინ ატირებული და ალექილი სახით დაბრუნებულა. ხშირად მეუბნებიან, ვისიას ჩამოგაეხარ, იმასავით გიშრისფერი თმა გაქვსო, მეც სარკის წინ ვტრიალებ ხშირად და, რა ვიცი, ვგონებ, მართლა კარგი თმა უნდა მქონდეს.

ერთხელ ვისიას წერილი მივიღეთ, ორიოდ სიტყვა წაეჯღაბნა; კონვერტს რომ ვხსნიდით, ვისიას სურათი გადმოვარდა. მზე-თუნახავით სახე და მარწყვივით ტუჩები ჰქონდა. არ მახსოვს, ვისია უწინ როგორი იყო, ახლა კი, მგონი, ყველას გვჯობდა. დედამ თქვა, ჩემს შვილს ასეთი ამოღამებული თვალები და ასეთი გამომხედვა არასოდეს ჰქონიაო, სურათი ხელიდან გაუვარდა და ატირდა. იატაკიდან სურათი ავიღე და დიდხანს ვათვალიერებდი: ფეხსაცმლის მაღალი ქუსლები ქვიშაში ჩაფლობოდა, უკან აქონრილი ზღვა მოჩანდა. შავ კულულებს ქარი უწეწავდა... სურათში ვიღაც მოკლემარჯლიანი კაცებიც იყვნენ გადაღებულნი. ერთი ვისიას ზურგს უკან იდგა და ზედ მის თავთან ეჭირა გამოცლილი პოთლი. ესუქანი კაცი იყო. იცინოდა. მზემოკიდებული ყვრამალები და მელოტი თავი მზეზე უპრიალებდა. მამამ გვითხრა, ვისიას სახეს ნუ დამანახებთო, მაგრამ მერე პედროს მისი სახე ამოაქრევინა სურათიდან და თავისი საათის სახურავქვეშ ჩაღო. მე ვერ მივხვდო, რა ამბავი იყო ვისიას თავს. ნამდვილ ქალს რომ შეეფერება, ისეთი იყო სურათზე, თან არც იყო ისეთი. გულში მე მაინც მიყვარდა ვისია და ერთხელ, როცა ოთხი დღის განმავლობაში ქარიშხალი მქვინვარებდა, ვფიქრობდი. ის რომ აქ იყოს, ტაროსსაც კი დაიურვებს და დაამშვიდებს-მეთქი. ერთხელ კიდევ ასეთი რამ დამემართა: „ღმერთი“ უნდა მეხსენებინა და „ვისია“ კი წამომცდა! ხანდახან, როცა ბიძაჩემი გვესტუმრებოდა ხოლმე, სიტყვას ჩამოაგდებდა ვისიაზე და იტყოდა, ყველაფერი ავუატეს! ნაყე-

1 გადმოცემის თანახმად, ვინც ავუატეს ხის ფოთლებისაგან დაყენებულ სასმელს დალევს, სიყვარული დაეუფლება.

ნის პრაღიამ და თან მრავალმნიშვნელოვნად გადახედავდა დედაჩემს. ბიძას გაკრიკლებული ჩექმები ეცვა, დიდძალი მიწისა და შაქრის ლერწმის პატრონი იყო. ვისიაზე კარგი არასდროს წამოსცდებოდა. ერთხელ მამაჩემმა უთხრა კიდეც, სულ არ მაინტერესებს, რას ფიქრობ ჩემს შვილზე, ერთხელ და საბოლოოდ შეუშვი მაგ ყურწი და თავი ნუ მომაბეზრე ყბედობითო. საქმე იქამდე მივიდა. რომ, ბოლოს. მამამ სახლიდან გააგდო ბიძაჩემი. იმ დამეს იმათ აურზაურზე გამოძევდა, დედა ჩემთან მოვიდა და დამამშვიდა: „არაფერია, დაიძინე, ბოლო კეთილიაო“. მე ვერ გავიგე: რას ნიშნავდა „კეთილი ბოლო“, ის კია, ბიძაჩემს იმ დღიდან ჩვენს სახლში ფეხი აღარ დაუდგამს. ზოგჯერ მაჩეტეროები! ჩამოივლიდნენ ხოლმე ჩვენს სოფელზე. დედა გზაზე გადიოდა და ეკითხებოდა: ქვეყანა ფეხითა გაქვთ შემოვლილი, სადმე მხიარული, შავთმება გოგონა ხომ არ შეგხვედრიათ, მსუქანი, მელოტი ქმარი ჰყავსო. იმის მნახველი კაცი არ ჩანდა; დედაჩემს უპასუხებდნენ, ჩვენ სოფლის ხალხი ვართ, სოფელ-სოფელ დავიარებით, თქვენი ვისიაკი ქმართან ერთად, ალბათ, სადმე ქალაქ ადგილას ცხოვრობსო. ერთხელ ვიღაც მაჩეტერომ რაღაცა გაიხსენა და დედას გამოკითხვა დაუწყო. დედა თანხმობის ნიშნად თავს უქნევდა. მაშინ იმ კაცმა უთხრა:

— ასეთი ქალი კი ვნახე, მაგრამ ის უქმრო იყო!

ალბათ დედაჩემის სახის გამომეტყველებამ შეაშფოთა ეს კაცი. თვალი მოარიდა, ნიკაპი მოიფხანა და დასძინა:

— რა ვიცი, სენიორა, როცა მე ვნახე, იქნებ მაშინ ქმარი სხვაგან იყო წასული!

დედა უპოლდ შემობრუნდა სახლში. იმ დღიდან არავინ გაუჩერებია გზაზე.

მას შემდეგ წლები გავიდა, მე წამოვიზარდე და სულ იმას ვნატრობდი, ნეტა ვისიას დავემსგავსო-მეთქი. სადილობის შემდეგ მამაჩემი როგორც კი დაიძინებდა. ჯიბეში შეუმჩნევლად ჩა-

1 მაჩეტერო — შაქრის პლანტაციაში სამუშაოდ დაქირავებული უმიწო გლეხები (სახელწოდება ნაწარმოებია სიტყვა „მაჩეტე“-დან — „დაზა“).

ვუყოფდი ხელს, საათს ამოვაცოცებდი, ვისიას სურათს ვუცქე-
როდი და ჩემს თავს ვადარებდი.

კარგა ხანმა განვლო მას შემდეგ. ლერწმის მოსავალი აოჯერ
მინც ავიღეთ¹. სიერაში პედროს თავისი საკუთარი პატარა ნა-
ვეთი ჰქონდა უკვე და ორი ბიჭუნაც ჰყავდა; შვილები მინდოოჲ
ფხვდაფხვ დასდევდნენ მამას და ხარებს ერეკებოდნენ...

ერთბელ მაგიდას ვუჯექი და უცებ, გზისკენ რომ გავაბედე,
ზღაყუნით მომავალი მანქანა და მეწამული მტერის ბუჭი დავი-
ნახე.

გულმა მიგრძნო, რომ ის უნდა ყოფილიყო. თაღბებში ჩაც-
მული ვისია შორიდანვე ვიცანი. გაღრმევით გადმოვიდა მანქანა-
დან და მივლოვს რაღაც გაუწოდა. მანქანა გაბრუნდა. ვისია ლო-
ბეს მიეყრდნო, იდგა ასე და სახლს მოსჩერებოდა.

— ვისია! დედა, ვისია დაგვიბრუნდა! — ეიყვლე მე.

დედა სარეცხს ფენდა, სველი ზეწარი ხელიდან გაუვარდა.
სახლიდან წამის ათრთოლებული ხმა მოისმა:

— ვისიას აქ რა უნდა!

ვისიას შესაგებებლად გავიქეცა და თან გზადაგზა ვაოვალოე-
რებდი მ-ს სახეს. ღრმად ჩაცვენილა თვალები და გაღმანებული
თმა ჰქონდა. დანვეზზე ცრემლი სდიოდა. გაჭირვებით გამიღი-
მა, გულში ჩაპიკრა, თითები თმაში შემეცურა და დაღლილი ხმით
მკითხა:

— რა დაგარქევს?

— როსა, — გულს ისეთი ბაგაბუგი გაჰქონდა. საკუთარი ხმა
ვერც კი გაუიგე.

დედაჩემმა რომ მოიბრინა. მაშინლა შევატყუეთ, რომ ვ-სია
ფხვზე ძლივს იდგა. მხრებში შეეღუღექით და ისე შევყვანეთ
შინ. მამა ოთახიდან გამოსვლას არ აპირებდა, მაგრამ როცა დედამ
შეატყობანა, ვისია ცუდ დღეშიაო. გამოვიდა და წარბებქვეშიდან
მიაჩერდა შვილს. შევამჩნიე, ვისიას ფერხით მოკეცილმა დედამ
როგორი მუდარით შეაღუა ქმარს. მამამ ხმადაბლა ჩაილაპარაკა:

— რას იზამ, ეტყობა, ასეთი ყოფილა ჩვენი ბედი.

¹ კუბაში შაქრის ლერწმის მოსავალს წელიწადში ორჯერ იღებენ.

მეტი ველარ ავიტანე. სირბილით გამოვიჭერი სახლიდან და ბალახში პირქვე ჩავემხე, რომ არავის დაენახა ჩემი ცრემლები...

მალე საადდგომო ზარების რეკვა ატყდება. დედაჩემი წელში მოიხარა და სახე ნაოჭებმა დაულარა. პედრო ჩვენი ნაკვეთის გაყიდვას აპირებს, გვეუბნება, ჩემთან გადაგიყვანთო. მამა ჯერ-ჯერობით უარზეა: არც სამაგისოდა ვარ დაჩაჩანაკებულიო. კარების თავზე ვისიას ბავშვობის დიდი სურათი ჰკიდია, სურათის ქვეშ თიხის ქოთანი დგას და, როგორც ყოველთვის, თეთრი ყვავილებითაა სავსე.

მე კი სულაც აღარ მინდა, რომ ვინმეს ვგავდე.

ასთავკეზე მონადირე

ჩვენი იახტა კუბის სანაპიროდან ხუთ-ექვს მილზე იდგა. ანკესი წყალში მქონდა ჩაშვებული, მაგრამ იმის ნაცვლად, რომ თვალი ტივტივასათვის მედევენებინა, ჩვენგან სამიოდე კორდელზე¹ დაშორებულ ნავს ვუყურებდი: ნავში ვილაც კაცი იჯდა და ნელა უსვამდა. ნიჩბებს.

ზოგჯერ გაგიშტერდება თვალი, ერთ წერტილს მიაჩრდები და იყურები უანროდ, ვერაფერს ხედავ. მეც სწორედ ასე უანროდ მივჩერებოდი ნავში მჯდომ კაცს, მაგრამ ვერ ვამჩნევდი. მერე გამოვერკვიე და მენავეს მართლა დავაკვირდი. ჩვენ კარგა მანძილზე ვიყავით ერთმანეთისაგან დაშორებულნი, მაგრამ მაინც გავარჩიე: ის ჩია ტანის, წელში მოხრილი კაცი იყო. ნიჩბები მოკლე ხელებში ჩაებლუჯა და თავი ჩაეჩინდრა. პალვისაგან დაწული ფარფლიანი ქუდის ცხავისებური ჩრდილი ეფინა სახეზე. ვერ მივხვდი, დაბადებიდან იყო კუზიანი თუ დღედაღამ ნიჩბებთან ჯდომამ მოხარა წელწი. ასე იყო თუ ისე, ამ კაცს საბრალო შესახედაობა ჰქონდა. კაცი კი არა, ლანდი გეგონებოდათ. თუმცა, რა ვიცი, იქნება სხვანაირი თვალთ შევხედე და მე მომეჩვენა ასეთი. ამ ფიქრებში რომ ვიყავი გართული, ერთი ამას წინათ შემოამხანაგებული მეთევზის ხმა შემომესმა უკანიდან.

— მაგ ტიპმა ერთხელ, ზღვიდან რომ ვბრუნდებოდი, ასეთი რამე გვითხრა: „ჯობია, უცოლოები გემზე დარჩეთ, აბა ნაპირზე რა დაგრჩენიათო!“ მერე უდარდელი სტვენით გაემართა სახლისაკენ, მივიდა შინ და რას ხედავს: ცოლი სხვას არ გაჰყოლია!

მეთევზემ გულიანად გადაიხარხარა. სხვებმაც გაიცინეს. როცა ზღვა დაწყნარებულია, სიტყვები კარგა მანძილზე ისმის. უხე-

¹ კორდელი — სიგრძის საზომი ერთეული, დაახლოებით 20,5 მეტრს უდრის.

რხულად ვიგობენი თავი, დანარჩენებსაც ვუთხარი, არ გაიგოს-
მეთქი და შეშფოთებულმა მენავეს გაეხედე: ის ისევ წელში მოხ-
რილი იჯდა და ნელა უსვამდა ნიჩბებს.

მალე ზღვაურმა დაუბერა. ლუზა ამოვიღეთ და ნაპირისაკენ
გავცურეთ.

მეთევზის ნათქვამი ყველას გულზე მოგვებდა, ლალატის შემთ-
ხვევებს მოვყევით და ვთქვით. მოტყუებულმა ქმარმა ან ანდერ-
ძი უნდა აუგოს ცოლს, ანდა იმ კაცივით მოიქცეს, ცოლს რომ
წაასწრო: მან კუროს ერთი პესო გამოართვა და, მიუხედავად ათი
წლის ცოლქმრობისა, სახლიდან წავიდა — დაე, იცოდეს ქალმა,
ვინც ქმარს ლალატობს, ამაზე მეტი არა ღირს! იახტის პატრონ-
მა ლაპარაკის თემა შეცვალა და სიტყვა ზღვის ძროხებზე ჩამოაგ-
დო. ზღვის ძროხას გემრიელი ხორცი აქვს, მაგრამ მასზე ნადი-
რობა აკრძალულია, თანაც, მიუხედავად იმისა, რომ თითქმის სრუ-
ლიად უმწეოა, მოკვლა ძნელიაო.

ნაპირზე რომ გამოვედით, უკვე ბნელიოდა. მე ბარში წავე-
დი. ზის შენობა ტალღებზე ირწეოდა და მუშტარი იალქნიანი ნა-
ვებით მიდიოდა ხოლმე იქ. ვიჯექი მაგიდასთან და თოლიებს, გე-
მებსა და წყლის ზედაპირზე მოსრიალე ზღვის ობობებს ვუყუ-
რებდი. უცებ დილანდელი ნავი და ნიჩბებს ჩაფრენილი მენავის
სილუეტი დავინახე. ისევ დილანდელი მანძილი გვაშორებდა ერთ-
მანეთს. მაგრამ ახლა მისი სახისა და თვალების გაჭომეტყველების
კარგად გარჩევა მოვიწოდებ. ანაზღად მენავემ ნიჩბებს ხელი გაუ-
შვა და გაიჩინდა. ვიფიქრე, ნავის მისაყენებელ ადგილს ეძებს-
მეთქი, მაგრამ შევცდი: თურმე ბარში მუსიკას რომ უკრავდნენ,
იმას უგდებდა ყურს. საღამოს სიწყნარეში შორს ისმოდა სიმღერა:

მეზღვაურო, ცოლს ნუ იყბოვ,
ზღვის შვილს ცოლი არას გარგებს,
შენ რომ ზღვაში დაგივლებს,
სხვებს მონახავს უფრო კარგებს.

ფირფიტის გამოცვლა დავაპირე, მაგრამ სანამ ამას მოვახერ-
ხებდი, მეთევზემ ისევ მოუსვია ნიჩბებს, ნავი გააბრუნა და იქაუ-
რობას გაშორდა.

ჩვენ დაბაში დავბრუნდით. სალამოს, მაგიდას რომ ვუსხედით, იახტის პატრონი ჩემ გვერდით იჯდა. მან სკამი ახლოს მოაცურა და ხმადაბლა მკითხა:

— ის ამბავი არ მოგეწონა, არა?

შემატყო, უცებ ვერ მივხვდი, რომელ ამბავზე მეკითხებოდა და მიმახვედრა:

— იმ მეთევზეზე გეუბნები, ცოლი რომ გაქცა.

— არ ვიცნობ.

იახტის პატრონი ცოტა ხანს დაფიქრდა და მერე განაგრძო:

— ამ კაცს თავგადასავლის მოსმენისას ყოველთვის გულზე სევდა შემომამწვება ღოღმე. ცხოვრება მეტად რთული რამ არის, ამიტომ ადამიანები მასზე ლაპარაკით მხოლოდ ენას იჭავენებენ, ჩვენ ძლიერებზე ლაპარაკს ვერ ვბედავთ, სუსტებს კი არ ვინდობთ.

ვერ გავიგე ამას რასე ამბობდა. მაშინ პატრონმა უფრო გარკვევით მითხრა:

— იცით, ჩვენში ბევრი მეთევზე იჭერს ასთაკვს. მათ ზოგჯერ თვეობით უსდებათ ზღვაში დარჩენა და იალქნიან ნავზე ცხოვრება. ნავზე კაიუტის მაგივრობას შიშველი გემბანი უწყევთ და ღამით სახურავის მაგივრობას — ცანზე გადაჭიმული ღრუბლები. მზის ამოსვლისას მთქმე ღამის შემდეგ კაცს ყველაფერი ღამიანად ეჩვენება, მაგრამ ამით მეთევზის დუღჭირი ცხოვრება არ იცვლება. ერთი ნავით ორი კაცი თევზაობს: ერთი ნიჩბებს უსვამს, მეორე კი ჩოხეა გადაკიდებული და ბადით ასთაკვებს იჭერს, ასე მეორდება ყოველდღე: აბობოქრებული იქნება ზღვა თუ წყნარი, დარი იქნება თუ ავდარი, მაინც გადიან ზღვაში. ასეთ ყოფაში გადის მთელი სიცოცხლე და არაეინ იცის, როდის მოელება ბოლო ამ წვალეზას. გამიგეთ?

— ვაგიგეთ.

— როცა იალქნიანი ნავი ნავსადგურში ბრუნდება, მეთევზეები ტრიუმში ჩადიან. წელამდე და ზოგჯერ მკერდამდე დგებიან ასთაკვებით გატენილ წყალში და ზევითა ჰყრიან ნადავლს. ფეხებზე შემოხვეული ჰვალოს ნაჭრებაც ვერ იცავენ ასთაკვების მარწუხებისაგან. რისთვის ეწამება ასე ადამიანი? ტანჯვით ნაშოვნნი ფულის გარდა რა რჩება? არაფერი! ასთაკვები კარგადა ფასობს,

მაგრამ მეთევზე მეორე დღეს კვლავ ზღვაში უნდა გავიდეს, იმისი დროც აღარ რჩება, რომ ჰავანაში ჩავიდეს და თავის გემოზე წაიქეფოს, გული გაახაროს. ისღა დარჩენია, საღამოს ბარში წავიდეს მუსიკის მოსასმენად, ერთი ბოთლის დასალევად და ქალებთან გასართობად. ასე გრძელდება მთელი მისი სიცოცხლე. გამიგეთ?

— გაგიგეთ, უფროსო.

— ყველა მეთევზე ასე ცხოვრობს, მაგრამ ახლა უფრო ის მეთევზე მყავს მხედველობაში, დღეს იმ საცოდავ მენავეს რომ დასცინოდა. გახსოვს, არა? ის ვერ იტყოდა, მენავე ცუდადა ცხოვრობსო, რადგან სხვანაირ ცხოვრებაზე თვითონაც არა აქვს წარმოდგენა. მაგრამ ხანდისხან ბოლმა რომ შემოაწვება ხოლმე, არ იცის, ვისზე მოიოხოს გული. მან დღესაც იმ უბედური კაცის დაცნვით გაიქარვა ნაღველი, ცოლი რომ გაექცა...

იახტის პატრონმა სიგარა გამომართვა და რაკი შემატყო, რომ ლაპარაკს არ ვაპირებდი, მცირე ხნის დუმილის შემდეგ განაგრძო:

— მე ვცნობ იმ კაცს, ცოლი რომ გაექცა. ასეთი შემთხვევები ხშირია ჩვენში. ის სხვა მეთევზეებისაგან არ განსხვავდება, ეგ არის მხოლოდ, რომ კურდღლის ტუჩი აქვს და ტანმორჩილია. ასეთი კაცი თავის ტუჩსაცა და გულსაც უშალავს ადამიანებს... გაიგეთ?

— ჰო. ალბათ, დიდი ვარამი უტრიალებს გულში.

— ვარამი უტრიალებს თუ არა, ის მაინც ადამიანია და ცხოვრებაში ლამაზი დღეები იმასაც ექნებოდა. თუნდაც ის დღეები, როცა შეყვარებული იყო. ვისაც ასეთი სახე აქვს და თანაც კარჩაკეტილი ცხოვრობს, ჩუმი სიყვარული იცას. სხვები გრძობებს არ მალავენ, მათ ცხოვრებაში რალაც კარგი და საიმედო აქვთ და ცხოვრობენ ამ იმედით, სანამ ეცხოვრებათ. ზოგს ესეც არ გააჩნია. ჩვენი მეთევზე ერთი იმათგანია. ასეთები ფიქრობენ, რაც არ უნდა გამოვცადოთ ცხოვრებაში, თანაგრძობით მაინც არავინ მოგვეკიდება და ნამდვილი სიყვარულით არავინ შეგვიყვარებსო. გამიგეთ? მაგრამ ერთხელ ამ მეთევზეს სავანებში მოუხდა წასვლა და იქიდან კარგ ხასიათზე დაბრუნდა. ამის შემდეგ კიდევ რამდენჯერმე იყო იქ და ყოველთვის კმაყოფილი ბრუნდებოდა. ერთ საღამოს კი ვიღაცა ქალი ჩამოიყვანა თან. მეთევზე წინ მიდიო-

და და ისე აცეცებდა თვალებს, თითქოს სხვისი საცოლე მოეტაცოს. ფეხშიშველი, ჩამომხმარი, შეუხედავი, მკერდდაშრეტილი ქალი მისდევდა უკან. იმისთანა მამაკაცი უკეთეს ქალს ვერ იშოვიდა. სავანებში სილატაკეში ცხოვრობენ. იქაური ხალხი ქანცგამოცლილი და დაგვალულია, მაგრამ როგორც კი ვინმე გადმოსახლდება ზღვის ნაპირზე, საოცრად მოიკეთებს ხოლმე. ეს ქალიც თანდათანობით დამშვენდა, აღარც ფეხშიშველი დადიოდა. ნაპირზე დაბრუნებული მეთევზე, მიუხედავად იმისა, რომ თვითონ ფეხები გადაყვლეფილი ჰქონდა ფეხსაცმელებისგან, რომელსაც მხოლოდ დღესასწაულებზე იცვამდა, პირდაპირ ცოლის საჩუქრებისათვის გარბოდა, ერთი სული ჰქონდა. მალე ეყიდა რამე და ცოლი გაეხარებინა. გამიგეთ? ეს კაცი მხოლოდ იმ ქალისთვის ცოცხლობდა. გავიდა დრო და ცოლი ფეხმძიმედ შეიქმნა. მეთევზე გადარეულოვით დადიოდა, ეშინოდა, ბავშვს კურდღლის ტუჩი არ დაჰყვესო. მძიმე დღეები გადაიტანა მაშინ. რამდენჯერ ხელცარიელი დაბრუნებულა ზღვიდან, იმიტომ, რომ ფიქრში გაერთულს ნიჩბების მოსმა ავიწყებოდა და დინებას ნავი კარგი სათევზაო ადგილებიდან შორს მიჰქონდა. ამაში უცნაური არაფერია, ადამიანი ყელამდე საქმეში რომ იყოს ჩაფლული და მთელი დღე ნიჩბებს უსვამდეს, ფიქრებს მაინც ვერ დააღწევს თავს. ბოლოს მის ცოლს ერთი კარგი, ჯანმრთელი ბიჭი შეეძინა. მამა კინალამ გადაირია სიხარულისგან, შვილს რომ კურდღლის ტუჩი არ დაჰყვა.

პატრონი დადუმდა, სიგარას ქალაღდის რგოლი მოაცილა და მერე განაგრძო:

— ქალი, უბრალოდ, მადლიერი მაინც უნდა ყოფილიყო ქმრისა, მართალს არ ვამბობ? თან შვილიც ჰყავდა. სხვა რაღა უნდოდა? თქვენ როგორა გგონიათ?

არ ვიცი, რა უნდა მეპასუხა, ალბათ. თავისი სათქმელი ჩემთვის უნდა ეთქმევიანებინა. მე რომ არაფერი ვუთხარი, ისევ თვითონ განაგრძო:

— კურდღლის ტუჩი დაგავიწყდათ? შეიძლება ქალი ქმარს შეეთვისოს მადლიერების გამო, მაგრამ ქვეყანაზე უამრავი მამაკაცია. დადგება დღე და ქალს სხვა მამაკაცისაკენ გაუწევს გული. ჰოდა, მეგობარო, იმ ქალსაც დაუდგა ეს დღე და სხვა კაცი გაიჩინა. ჰაბუკი ჩრდილო სანაპიროდან იყო. სისხლი უღუღდა და

ნავსადგურში ყველასგან გამოირჩეოდა სილამაზით. გასაგებია? ახალგაზრდამ ბინა მათი სახლის პირდაპირ იქირავა. არ უჭირდა, სხვეპივით ზღვაზე არ დადიოდა სათევზაოდ, ხოლო ქალს ახლა ყველაფერი ჰქონდა, რაც უწინ აკლდა. ნამდვილი ქალი დადგა, ნამდვილი ქალი. ვესმით? აიყვანა ძუძუთა ბავშვი და ჰაბუკს გაჰყვა. ეს სწორედ იმ სალამოს მოხდა, როცა კურდღლისტუჩა მეთევზემ ნაპირზე გამოსვლისას თქვა: ჯობს, უცოლოები გემბანზე დარჩეთ.

— ცოლის ღალატი როგორ გადაიტანა?

— როგორ უნდა გადაეტანა. ერთ ხანს ნავსადგურში ფები ამოიკვეთა. მერე მაინც მოვიდა და მთელი ღამე ნავში გაატარა. სხვა რა ვხედავ? რომ შეძლებოდა, თავის დღეში არ დაგვენახებოდა თვალთ. შიმშილმა მოიყვანა უკან. ერთ სალამოს ბარში ირწმუნებოდა თურმე, ცოტა ფულს ვიშოვი და გადავიკარგები აქედანო. თუ ამას ვერ შევძლებ, ღმერთმა იცის, რას ვიზამო.

— როგორა გგონია, მარცხა აგროვებს ფულს?

— კი.

— ხომ არ ცრუობს?

— არა. ფულს მე მებარებს და როცა საშუალება შეძლება, თითო-ორიოლა პესოს მეც ეუმატებ ხოლმე.

სიბრალულის გამო, არა?

— ცხადია. არა.

სიგარის ცისფერ კვამლს თვალი გააყოლა და ხმას დაუწია.

— სიბრალული რა შუაშია, მაგის მდგომარეობაში, ვინ იცის, კაცი რას არ იზამს.

იახტის პატრონმა მთვლემარე ნავსადგურს გახედა, — მხოლოდ ბარშია მხიარულობდნენ მეთევზეები, — და დაუმატა:

— წარმოგადგენიათ, როგორ უნდა უმძიმდეს იმათთან მუშაობა. ვინც ვამუდმებით უშხამავს სიცოცხლეს?

იმ ღამეს ამით დამთავრდა ჩვენი ლაპარაკი. იახტის პატრონის ნაამბობმა შემაძრწუნა. თავს ისე ვგრძნობდი, თითქოს ვილაცამქგული ამომგლიჯა, თითქოს რაღაც დავკარგე.

ჩემს ოთახთან მივედი. დაწოლას რომ ვაპირებდი, უცებ იმ მეთევზეს მოვკარი თვალი. რომელიც კურდღლისტუჩა კაცს დასცინოდა. დავუძახე. ფესვიშველა იყო, მხარზე აკეცილი ბაგირი

ჰქონდა გადაკიდებული. ბაგირი ძირს დააგდო და, რა გინდო, მკითხა.

— თუ არ გეჩქარება, სიტყვა მაქვს შენთან.

— არა, არ მეჩქარება.

არ ვიცოდი საიდან დამეწყო. ამ დროს ნაპირიდან ხელახლა შემომესმა სიმღერა:

..მეზღვაურო, ცოლს ნუ ითხოვ,
ზღვის შვილს ცოლი არას გაოგება...“

— გესმით. — მითხრა მეთევზემ, — ისევ ის ფირფიტა დაუდეს! ოცჯერ მაინც დაუკრეს დღეს... ეპ! თანაც ხელვაზე ასეთი სიწყნარება... როგორ მოგწონთ, მეგობარო?

— ამას რაზე ამბობ?

— ეპ! თქვენ არა თქვით, ჯღვა თუ არ ღელავს, ემა შორს ისმისო. როგორ მოგწონთ... უკუნა დამეა. ირგვლივ ყველაფერი დუმს და ამ ფირფიტას კი უკრავენ... ეპ! ის ტიპი ალბათ ზის ნავში და ისმენს!

ხმამალა გაიცინა. მგონია, ჩემთვისაც აპირებდა იმ ღვარძლის გადმოდებას, რაც ალბათ, ცხოვრებას უადვილებდა. ვუყურებდი ამ კაცს და მისი სიცოცხლისადმი, სავანების ბინადაროვით გამოფიტული და უღინდამო სულისადმი, სიბრალულს ვგრძნობდი.

არ ვიცო, კიდევ დაუდეს თუ არა ის ფირფიტა. ჩვეულებისამებრ, იმ დამესაც ბალიში წავიფარე თავზე და ისე დავიძინე.

განთიადზე ხმაურმა გამომადვიძა: ფანჯარა გამოვალე და გავიხედე. ნავსადგურის უფროსს სამმართველოდან ორი მეზღვაური გამოეგზავნა ბარში. ვაზოლინის ფარანი რომ ანთეს, ირგვლივ ყველაფერი განათდა და ისინიც მამჩნვე დავინახე. გამოხსნილ კარში ჰერზე ჩამოკიდებული თოკი მოჩანდა. თოკი ვილაცას გადაეჭრა სასწრაფოდ. მერე პატეფონს და ადამიანის სუსტ სხეულს მოვკარი თვალი. ადამიანს კისერზე თოკის გადანაჭერი შერჩენოდა.

რამდენიმე დღეს პორტში მხოლოდ ამ თვითმკვლელობაზე და კიდევ იმაზე ლაპარაკობდნენ. რომ ეს კაცი ძალიან კარგი მეთევზე იყო. მაგრამ გავრდა დრო და ცხოვრება ისევ თავის კალაპორტში ჩადგა. როცა მეთევზეები თავს მოიყრიდნენ და სხვადა-

სხვა ამბებს ჰყვებოდნენ, ვილაცა ისევ წამოიწყებდა ხოლმე იმავე სიტყვებით: „ერთმა მეთევზემ, ზღვიდან რომ ბრუნდებოდა, სხვებს უთხრა: ჯობია, აქ დარჩეთო...“ ცხადია, შეუძლებელია, მთელი სიცოცხლე ადამიანის გლოვა. მიცვალებულები ზღვაში გასული მეზღვაურებივით არიან: ყოველ წუთს სულ უფრო და უფრო გვშორდებიან, უფერულდებიან და ბოლოს სულ გვეკარგებიან მხედველობიდან. სხვა ყველაფერი, — ცინიკური სიმღერაც და ის მეთევზეც, განგებ ხნამალა რომ ჰყვებოდა ნაღვლიან ამბავს ასთაკვებზე, მონადირეზე, ვისაც გული უკვე სანახევროდ მკვდარი ჰქონდა, — სხვა ყველაფერი, შემთხვევითი წვრილმანებოა!

კუხელის გული

...და სანამ სიკვდილი არ დაუხუპავს
თვალებს, მის გულს შიში არ გაეკარება.

ხ. მ ა რ ტ ი

— კარგად დააკვირდი ადამიანს და გარეგნობაზე შეატყობო, რა საქმის კაციც არის. ცხოვრება ყველას განსაკუთრებულ თარგზე გვჭრის. აი, თუნდაც სანაპიროს ბინადარი მეთევზეები აიღეთ. მათ ფეხები ბრჭყალებიან თაფებს მიუგავთ. ეს იმიტომ, რომ დღენიადაგ ფეხის მოკიდებას ცდილობენ, ნავის მერყევე ფსკერზე საყრდენს ეძებენ. მეთევზის ფეხი არასდროს არ შეგეშლება სხვა კაცის ფეხში. ერთი სიტყვით, სხვანაირად რომ ეთქვათ, ადამიანის ხელობა გარეგნობით, ტანით და სხეულის ცალკეული ნაწილითაც კი შეიძლება გამოიცნო.

იმის დასადგენად კი, თუ ვინ იყო გუადალუპე. ასეთი ხეჩხი არ გამოდგებოდა. ამ ხმელ-ხმელ, ბეჭებვიწრო. დაბალ კაცს სახეზე ისე დაჰკრავდა ზეთისხილის ფერი, რომ წლოვანების განსაზღვრა ძალიან გაგიჭირდებოდათ. მოკლედ, სხვა გლეხებისაგან არაფრით განსხვავდებოდა. ასეთი ადამიანი დღეში ათჯერაც რომ შემოგხვდეს, ალბათ, ყურადღებას არც მიაქცევ...

დახლზე დაყრდნობილი ახალგაზრდა, ბრგე მულატი უცებ გაჩუმდა, თავსხმა წვიმისაგან თავდასაღწევად შემოფრენილი ბუზი კინალამ შიგ პირში შეუვარდა.

— თფუ, რამ გადარია, ეს ოხერი! როცა ვაქაცობაზე ჩამოვარდება სიტყვა, ბუზის ბუზილიც არ უნდა ისმოდეს.

სიცილმა იფეთქა, თითქოს ერთმანეთს ვეჯიბრებოდით, ვინ უფრო ხმამაღლა გაიცინებდა. მულატმა განაგრძო:

— მხოლოდ შესახედავად იყო ასეთი, თორემ... ტყუილად კი

არაა ნათქვამი მასეთ კაცზე, გული შიგნითა აქესო. გატყობო, ეკვი გეპარებათ ჩემს სიტყვებში, ალბათ გულში ამბობთ: განა ქვეყნად მოიძებნება თუნდაც ერთი გულადი კაცი, რომ სახეზე არ ეწეროს თავისი გამბედაობაო. მომისმინეთ და თვითონ განსაჯეთ. ეს ამბავი მამინ მონდა, როცა პოლიციის უფროსად ლეიტენანტი ლოპეს როსა გვყავდა. ერთხელ დონ-ხასინტომ გუადალუპესთან გამგზავნა, ულაცი ვამიხედნოსო. მივედი და, თქმა რომ დავაპირე, უცებ, სად იყო და სად არა, როსაც იქ არ გაჩნდა! შემოვიდა ოთახში და ჭიქურ გაემართა მოხუცისაკენ. მე ზედაც არ შემომხედა.

— სახლში სტუმარი მყავს, უფროსო! — უთხრა გუადალუპემ.

— მომიტყვე. — ჩაიბუზღუნა პოლიციელმა და ჩემკენმოუხედავად განომიწოდა ხელი.

მერე ისევ მოხუცს მიმართა, რომელიც ავშარას აკეთებდა.

— ისეთი რამ უნდა გთბოვო, გუადალუპე, რითაც კუბას უფრო გაუწევ სამსახურს, ვიდრე მე.

— ბრძანე, უფროსო.

— საიდუმლო საქმეზე ვარ მოსული, უცხო კაცს ვერ დავისწრებ.

გუადალუპეს თავი არ აუღია, ჩვეულებრივზე მკვახედ უთხრა: — ამ ბიჭთან ყველაფრის თქმა შეიძლება.

პოლიციელმა სწრაფად შემათვალაიერა, ვიფიქრე. აი, ახლავე გაბრუნდება და წავა-მეთქი, მაგრამ, ეტყობოდა, მნიშვნელოვან საქმეზე იყო მოსული, იმიტომ რომ ჭერ მცირე ხანს გაჩერდა და მერე უთხრა:

— გუადალუპე, გაიგე კონგომ როგორ აიშვა თავი?

— გავიგე.

— ჰოდა, ყური დამიგდე. არ მინდა ჩემს ბიჭებს სახელი გავუტეხო, მაგრამ გამოგიტყდები, ისინი კონგოს ვერც ცოცხალსა და ვერც მკვდარს ვერ ჩაიგდებენ ხელში.

ისევ ეს წყეული ბუზი! ყურთან გამიბზუეულა და მულატის მაღალ შუბლს დაეჯახა. იმან ცხვირწინ ხელი აიქნია, მაგრამ ბუზი დაუსხლტა და გაფრინდა. მულატმა თხრობა განაგრძო:

— მოხუცმა დინჯად გადადო ავშარა და კუნაპეტი თვალები მიიპყრო პოლიციელს. მშვიდი, თითქოსდა ნამძინარევის გამოხედვა ჰქონდა.

— ამ საქმესთან მე რა მესაქმება, უფროსო?

— დიდი ხანია გიცნობ, გუადალუპე, კონგოს გაბაწერას მხოლოდ შენ თუ მოახერხებ, რას იტყვი, გააკეთებ ამ საქმეს? თანახმა ხარ?

— ტყუილად გარჯილხარ, უფროსო.

მოხუცმა როგორღაც მორიდებულად უთხრა ესა და თან მაგიდაზე დადებულ, უკვე დამთავრებულ ავშარას მიაჩერდა. გაოგნებული პოლიციელიც ავშარას მიაშტერდა, თუმცა სახის დაბნეულ გამომეტყველებაზე ემჩნეოდა, რომ ვერაფერს ზედავდა. პოლიციელმა უმალ დაძლია წუთიერი დაბნეულობა და უფრო მკაცრი ტონით ჰკითხა:

— მერე იცი, ტიბისი ალტოში რა მოხდა?

— ვიცი!

— როგორ ფიქრობ, შეიძლება კაცს ორი ადამიანის დასახარება და ერთის მოკვლა ეპატიოს?

— არა, არ შეიძლება.

— ჰოდა, ესეც რომ კონგოს ჩადენილია, მთელმა მხარემ იცის. ანდა ემილიანოს ცოლის ამბავი გაიხსენე. საცოდავ ემილიანოს დღესაც ვერ მოუცვლია სოფლიდან ფეხი, შინ დაბრუნებისა ეშინია. კონგოს ტყვიით მოკლული ცოლი ჯერაც ცოცხალი ჰგონია.

— ემილიანო დარდისაგან შეიშალა, უფროსო. აქი თვითონვე გამოტყდა; მე აუუტეხე სროლა და მერე კონგოს ტყვიებს სახლში შევაფარე თავიო. ტყვიამ კი, მოგეხსენებათ, კაცის გარჩევა არ იცის. ჰოდა, ბრმა ტყვია მოხვდა იმ საცოდავს.

— დაფიქრდი, გუადალუპე, მთელი ოლქი შენგან ელას ხსნას.

— მე წყენა არ მახსოვს კონგოსაგან.

— კაცის კვლა, ძარცვა, განა ეს არ კმარა? იქნება ამართლებ კიდევ კონგოსთანებს?!

მგონი, როსას უნებურად მოუვიდა, ხმას რომ აუწია. მოხუცი უცებ გასწორდა წელში და პოლიციელს მწევანე თვალებში პირდაპირ შეხედა.

— გაუურბოდი ამის თქმას, მაგრამ სხვა გზა არა მაქვს, უნდა გითხრა. ალბათ თქვენზე მეტს იმიტომ ვხედავ, რომ პოლიციელის ფორმა არ მაცვია. ვიცი, რომ ყველა ადამიანს ორი სახე აქვს.

— რომელ ორ სახეზე მელაპარაკები! — ჩაიქნია ხელი ლოპეს როსამ.

ამაზე მოხუცმა ისეთი რამ უპასუხა, რაც არასდროს დამავიწყდება.

— თქვენ ადამიანისაგან მხოლოდ ერთს მოითხოვთ: პირში წყალი ჩაიგუბე, ცხვარავით უწყინარი იყავი, იარაღს შეეშვი, სხვის ქონებას ნუ ხელჰყოფო. გეთანხმები, ეს ძალიან კარგია, მაგრამ მე არანაკლებ მნიშვნელოვანი რამეც ვიცი, — ადამიანი უსამართლობის მსხვერპლია და არც ხელისუფლება. არც კანონი მის მხარეს არ იჭერს.

— ის წყეული უკვე ოთხი წელია ყაჩაღობს.

— ყველაფერი იმ დღიდან დაიწყო, როცა კონგო დარწმუნდა, რომ ოჯახი შიმშილით ამოუწყდებოდა.

— შენ საიდან გაიგე?

— მეც ამ ქვეყანაზე დავდივარ. ქვეყანაზე კი არაფერი რჩება გაუგებარი. აი, რას გეტყვი უფროსო, ვერ ვიტან როცა ჩემი მსგავსი მომაკვდავი მხოლოდ იმიტომ მიპირებს დაჩაგვრას და ცუდ საქმეს მავალებს, რომ მასავით სახელოზე რაღაც ნიშანი არ მაკვრიო და იმის დაკრულ დუღუკზე არ ვცეკვავ.

თუ გინახავთ რა ემართება ბოთლს, პირზე ხელის გულს რომ მიაფარებთ და გადმოაბრუნებთ? ასე დაემართა პოლიციელსაც; სახე წამოუჭარხლდა სიბრაზისაგან, მაგრამ აჩქერადაც მოერია თავს, თითზე ბეჭედს დაუწყო წვალება და უთხრა:

— მაშ კარგი, გუადალუპე, უსასყიდლოდ თუ არ გინდა დავევებმარო, ფულს გადაგიხდით. ახალგაზრდა აღარა ხარ, მაგრამ ზედმეტი ფული არ გაწყენს.

როსამ ისეთნაირად შემომხედა, თითქოს იმაში დარწმუნება უნდოდა, რომ მე უცებ მართლა დავყრუვდი და დავმუნჯდი.

— რას იტყვი, გუადალუპე, ამ საქმეში ერთი ან ორი ათასი პესო რომ გადაგიხადოთ?

მოხუცმა ისე დაიჭირა თავი, ვითომ კითხვა არც გაუგია. მზერა მაგიდაზე დადებულ პოლიციელის ქუდს მიაპყრო, მერე კარისკენ გაიხედა და წყნარად უთხრა:

— უსიტყვოდ რომ წახვიდოდე ჩემი სახლიდან, ძალიან კარგს

იზამ. მოდი, ისე ვიფიქროთ, ვითომ არც მოსულხარ და არც რამე გითქვამთ. ვითომ არც ამ ჭაბუქს უნახავს და გაუგია რამე.

როსა უხმოდ დაემორჩილა, ქული აიღო და კარისკენ წავიდა, მერე შედგა და ასე ზურგშებრუნებულმა, ალბათ სახეს გვარადებდა, ჩაიბურტყუნა:

— გუადალუპე, ოდესმე თუ დაგჭირდეს ჩემი დახმარება, კაცი რომ შემოგაკვდეს, მაინც ნუ დამერიდები, მოდი.

მოხუცმა არაფერი უპასუხა. მუხლებიდან ტყავის ნაჭრები გადაიბერტყა და თითქოს არაფერი მომხდარაო, სრულიად წყნარად მითხრა:

— ჰო, რაღაცის თქმას აპირებდი. დონ ხასინტოს ულაყის გახედვინა უნდაო, არა? მოგხუცდი, სადღა მაქვს მაგის ძალა, მაგრამ სხვა რა ჩარაა. კუთხარი, მოვა-თქო.

ისევ ის საძაგელი ბუზი გამოჩნდა! სადღაც, ზევიდან მოწყდა და ზედ ქიქის პირს დაეცა. გაგულსებულმა მულატმა ჭიქა დახლს დაჰკრა. ბუზი ხელზე დააფრინდა. ბოლოს და ბოლოს, როგორც იქნა, იმარჯვა და მოკლა. მულატმა შუბლი შეეკრა, ჭიქა ისევ მოიყუდა; როცა ბოლომდე გამოცალა, უღვაშებიდან ლუდის თეთრი ქაფი მოიწმინდა და განაგრძო:

— სამი დღის შემდეგ გუადალუპემ კონგო მაინც გამოიმწყვდია.

— რას ამბობ?

— გატეხა სიტყვა?

— ველარ გაუძლო ფულს ცოუნებას?

ერთმანეთს აღარ ვაცდიდით, მულატს სეტყვასავით ვაყრიდით კითხვებს. ის კი ჭიქაში ლუდს ისხამდა და რაღაც არ ჩქარობდა პასუხის გაცემას.

— არა, მოხუცი ფულზე არ გაყიდულა. კონგო კი შეიპყრო. მაგრამ ეს ფულისათვის არ გაუკეთებია. ღმერთმა იცის, არც ვინმეს დაუტანებია ძალა.

— მაშინ ტყუილს ამბობ.

— რის ტყუილი. ჰკითხეთ იმის ნაოლულს. სულ იმის გულისთვის მოხდა ყველაფერი. ის კაცი ახლაც ცოცხალია და თავის სახლში ცხოვრობს. თუ გინდათ, აამბობინეთ, რაც არ იცა, იმაზე არაფერი არ უნდა თქვა. გუადალუპე არაჩვეულებრივი კაცი იყო

და ასეთ არაჩვეულებრივ ადამიანებს თავს უჩვეულო ამბები გა-
დახდებოდა ხოლმე.

მულატო ისე გაჩუმდა, ვითომ მოყოლის სურვილი დამეკარ-
ვაო. მაგრამ ჩამოვარდნილმა სიჩუმემ და ჩვენმა დაძაბულმა სა-
ბუხებმა ხალასი დაუბრუნა და თხრობა განაგრძო:

— პოლიციელთან ლაპარაკიდან სამი დღის შემდეგ გუადალუ-
პესთან მასი ნათლიმამის შორეული ნათესავი მოვარდა გულგახე-
თქალი, მას მარტო მოხუცისათვის უნდა ეთქვა ის უბედურება,
რაც მის ნათლიმამას დასტეხოდა თავს, მაგრამ თავი ვეღარ შეი-
კავა. რადგან თვითონ ყოფილა დამნაშავე, ატირდა და ჩემი თან-
დასწრებოთ უთხრა ყველაფერი:

— გვიშველე, გუადალუპე! კონგომ ბიჭი ხელიდან გამოგლი-
ჯა და ნთავი გაიტაცა, რევოლვერი მკერდზე მომაბჯინა და... ბავშ-
ვისათვის თავი ვეღარ გავწირე, ძალა არ მეყო.

— იმისთვის ხომ გეყო ძალა, რომ აქ მოსულიყავი. სხვას რას
მეტყვი?

— რა უნდა გითხრა? ახლა გამოსასყიდს გეოხვოს. იცდის,
ფულს როდის აეუტან.

გუადალუპეს სახე ეცვალა, მაგრამ არც ამჯერად დაუკარგავს
სიმშვიდე. მაგიდასთან მივიდა, უჯრა გავოსწია. ნათლულისათვის
უნაგირის საყიდლად გადანახული ფული ამოღო და გამომიწოდა:

— მიღი პედროსთან და უთხარ: იმ დღეს რომ მოვეურიგდი, ის
რევოლვერი გამოგატანოს.

ასე სწრაფად ჩემს სიცოცხლეში არც ერთი დავალება არ შე-
მისრულებია. როცა დავბრუნდი, მოხუცს ვთხოვე, თან წამიყვანე-
მეთქი. ვიცოდი, სად და რისთვის აპირებდა წასვლას, და თუ სი-
კვდილი ეწერა, უკანასკნელ წუთებში ბედის ანაბარად არ მინდო-
და მიმეტოვებინა. მოხუცმა უარი მითხრა:

— რა ვქნა, ასეთი ჩვეულება მაქვს, საქმეზე ყოველთვის მა-
რტო დავდივარ. მადლობელი ვარ, ჭაბუკო.

აბა რა უნდა მექნა? ისეთს რას ვიტყოდი, რომ სიტყვა არ მო-
ეჭრა? კრინტი აღარ დამიძრავს. ვიღრე თვალს არ მოეფარა, ვუ-
ყურებდი. უცებ ისე შემეხუთა სული, ისე ცუდად ვიგრძენი თავი,
რომ ანგარიშმიუცემლად მოვახტი ცხენს და მოხუცს დავედევნე.
ცხენს ხან თავს ვუჭერდი, ხან დეზს ვკრავდი, ხან გზის პირას

გუაიავის ნაყარში გადავუხვევდი ხოლმე: მეშინოდა, მოხუცმა უკან არ მოიხედოს და შემთხვევით თვალი არ მომკრას-მეთქი. მაგრამ, მგონი, ერთხელაც არ მოუხედავს უკან... რომ არ გამებედა და არ გავყოლოდი, აბა ვინ გიამბობდათ ამ ამბავს... გუშინდელ დღესავით მახსოვს, მოხუცმა ბუჩქებთან როგორ შეაჩერა ცხენი და დაიძახა:

— ყური მათხოვე, კონგო, ვიცი ჯაბანი არა ხარ. მოიყვანე ბავშვი და, უხებლიეთ ტყვია რომ არ მოხვდეს, განზე დააყენე, მე უფულოდა ვარ მოსული.

კლდის ქიმს ვიყავ ამოფარებული და გუადალუპეს მშვიდი ხმა კარგად მესმოდა. მოხუცის პასუხად ნიავმა პალმების ფოთლები ააშრილა მხოლოდ. მერე ბუჩქებში ჩამალულმა კონგომაც ამოიღო ხმა:

— შენ რა გინდა აქ? გაბრუნდი და ის გამომიგზავნე, ვისთანაც ფულზე მქონდა მოლაპარაკება.

— ის კაცი, ვისგანაც ფულის აღება გინდა. აქ არ მოვა.

— შენ ვილა ხარ, ასე რომ მელაპარაკები?

— როგორც ხედავ, ერთი ჩვეულებრივი კაცი ვარ.

— სიმაღლეში ნახევარი მეტრი მაინც გყლებია, თანასწორით რომ მელაპარაკო. წადი შენს გზას ეწიე. შენისთანები შიკრიკებად თუ გამოდგებიან.

— მე შიკრიკად არ მოვსულვარ. ბიჭის წასაყვანად ამოვედი და წავიყვან კიდეც.

— ცოტა ძნელი საქმე ხომ არ გიკისრია, მკვდარო?

— თუ რამე გამეგება, ჯერ ცოცხალი ვარ.

— მიხანნი მყავხარ ამოღებულნი. არა გჯერა?

გუადალუპემ არაფერი უპასუხა. თითქოს ადგულზე გახეველა. უკეთურმა აზრმა გამიელვა: „მოხუცმა იცის, რომ კონგო არ დაინდობს, და თავის დაძვრენაზე ფიქრობს“, მაგრამ მაშინვე შემომესმა მისი მშვიდი ხმა. ექვი გამეფანტა, სამაგიეროდ, მოხუცის ბედმა უფრო მეტად შემაწუხა.

— ადამიანის მოკვლა ძნელი როდია, მაგრამ დარწმუნებული უნდა იყო, რომ მართალი ხარ. რატომ არ მესვრი. კონგო, რაღას უცდი!

ეს სიტყვები სიჩუმეში უჩვეულოდ გაისმა. ბუჩქები, სადაც

კონგო იყო ჩასაფრებული, ქარმა ააშრიალა. მხოლოდ ღმერთს შეეძლო სცოდნოდა, რა გამოტყვრებოდა იქიდან, ტყვია თუ ადამიანის ხმა.

გუადალუპე ღუმელით ელოდა. პასუხმა რომ დააგვიანა, უფრო გულგრილად განაგრძო:

— კონგო, ორი გზა გაქვს. ან ლაჩრულად უნდა მომკლა საფარიდან, ან პირისპირ უნდა შემხვდე და გავსწორდეთ.

— წყუელმც იყავ, რამდენი კაცი გახლავს თან?

— არც ერთი.

— ბევრი ხომ არ გგონივარ, ვერ გამაბრიყვებ. მომწყდი თავიდან. შენს ცოდვაში ნუ გამრევ!

კონგოს გააფთრებულმა ღრიალმა მეხივით გადაუარა ბუჩქნარს და მთებს შორის გახშიანდა. მოხუცმა აინუნში არ ჩააგლო ეს. ერთ ხანს ღუმდა, მერე მოთმინებით და დინჯად ალაპარაკდა.

— გამიგონე, კონგო, იმისათვის არ მოვსულვარ, რომ ხელცარიელი დავბრუნდე. ჭერჭერობით მგონია, რომ ვაეკაცთან მაქვს საქმე, ამიტომ ჯობს, დამენახვო.

— ბებერო ქოფაკო, როგორ ვერ ხვდები, რომ შენისთანა მიხრწნილი ყბედის სისხლით არ მინდა ხელების დასვრა!

— რაკი ეგრეთა, უნდა მომისმინო.

— არაფრის გულისთვის. თუ არ დამეხსნები, გაგათავებ.

— მაშინ დროს ნუღარ კარგავ! ლოდინით დავიღალე, გესმის, კონგო!

გუადალუპეს ადგილას ამაზე მეტს ვერავინ გაბედავდა. გუადალუპეს ხმას სიბრაზე დაეტყო, მაგრამ შიში მაინც არ იგრძნობოდა. უფრო ადრე კონგოს გაუწყდა მოთმინების ძაფი.

ისროლა და თან მუქართ დასკუქა:

— უბრალოდ ვერ ჩამიგდებთ ხელში! ესეც შენ!

თოფის წამლის ბოლი ბორცვზე ავარდა. ტყვია გუადალუპეს ქუდში მოხვდა და თითქოს ვიღაცამ ძლიერად და მოსხლეტით დაარტყაო. თავიდან მოხადა. გუადალუპეს თვალიც არ დაუხამხამებია. ლომის გულიც რომ ჰქონდეს კაცს, მაინც გაძლება არ უნდა! ტყვიას გესვრიან, თხილს ხომ არა! კონგომ დაიყვირა:

— ბედნიერ ვარსკვლავზე ყოფილხარ გაჩენილი. ქარმა გადაგარჩინა.

— შენმა სიმხდალემ გადამარჩინა, კონგო. 'შეგეშინდა.

— რა თქვი?!

— შეგეშინდა-მეთქი.

— სტყუი!

— შენისთანა ჩუბინი მიზანს რომ ააცდენს — შიშისაგან მოუვა. ქარი ახლა არაფერ შუაშია.

უფრო ხანგრძლივი და ავის მომასწავებელი სიჩუმე ჩამოწვა. კონგოს ახლა სროლაზე უფრო მნიშვნელოვანი რალაც უნდა გაეკეთებინა.

და, აი რამდენიმე წუთის დუმილის შემდეგ, რომელიც საუკუნესავით გაგრძელდა, კონგომ მოულოდნელად იკოთხა:

— ეს ბიკი შენი შვილი ხომ არ არის? — ხმაზე ეტყობოდა საგონებელში ჩავარდნილიყო.

— არა, შვილი არ არის. განა უთუოდ შვილი უნდა იყოს. კარგად დამიგდე ყური, კონგო. შენ იმაზე ხარ ასე გაბოროტებული, რომ ოდესღაც ერთი ნატეხი პურის მოპარვისათვის კინალამ ტყავი გაგაძვრეს, არა?

— თუნდაც ეგრე იყოს, მერე რა, ახლა ეგ რა მოსატანია.

— მოსატანია. თუ მაშინ იმდენი ივაქცავე, რომ თავი არავის დაჩაგვრინე, ახლა ტყვიის შიშით ბავშვს არ ამოეფარები, გამიგე, კონგო?

ღმერთია მოწამე, კონგომ გაუგო. ხანგრძლივი, დაძაბული დუმილი გამეფდა. უცებ კონგო ნადირის ფრთხილი ნაბიჯით დაეშვა ბორცვიდან, ბუჩქები გადმოთელა, ფიჩხს ლაწალაუწი აუყენა. გამოვარდა და ჩაფსკენილი, თმამოშვებული კაცი მოხუცს დაუდგა წინ. ვეება, მარწუხებივით ხელებში თოფი ექირა.

— აჰა, ხომ ხედავ, არავის ვეფარები, — კონგომ თოფი შემართა, — დაიცავი თავი.

გუადალუპეს რევოლვერი მზად ჰქონდა და სროლა დაასწრო. კონგოს ფეხს რალაცამ უბიძგა უკან. ყაჩალი დაბარბაცდა და თოფი ხელიდან გაუვარდა.

მულატი გაჩუმდა, უღვაშებიდან ლუდის ქაფი მოიწმინდა და ჩაფიქრებულმა ისე გააქნია თავი, თითქოს თავისივე ნაამბობი გაიკვირვავო.

— ვიფიქრე. მოხუცი ამას დასჯერდება-მეთქი, აბა სხვა რალა

უნდა გაეკეთებინა ისეთი, რომ კაცს გაკვირებოდა? მაგრამ არა. ჩემკენ შემობრუნდა და ღამიძახა:

— მოდი და თოფი აართვი!

ასე მეგონა, შიშველი გამომაგდეს-მეთქი ხალხით გაქედნილ მოედანზე. რა თქმა უნდა, კონგოსკენ გავექანე. ახლაც თვალწინ მდგას ვახეთქილ მუხლზე შემოქდობილი ნიჩაბივით ხელები და აუტანელი ტკვილისაგან ამღვრეული თვალები.

— ჩქარა მესროლე! ბარემ, გამათავე, ბიჭო!

— ვინ გითხრა, — მომესმა გუადალუპეს ხმა, — თითქოს შენი მოკვლა მინდოდეს.

— ღვთის გულისათვის, მომკალი! ამ ონში კარგა ფულს გადაგიხდიან, წყეულო მოხუცო: მიიღებ ჩემს საფასურს.

— ღირსი არ არის, თუ რა! — წამომცდა მე და მაშინვე ენაზე ვიკბინე.

გუადალუპემ თავით-ფეხებამდე ამხედ-დამხედა.

— ყმაწვილო, კუბაზე თუ გეგულება კაცი, რომ გამიბედოს და კონგოს მოკვლაში ფული შემომთავაზოს.

მართალი გითხრათ, დავიბენი, ორივე დაძაბული მიყურებდა, პასუხს ელოდა. გუადალუპეს ხასიათს კარგად ვიცნობდი და ზოგჯერ იმისი აზრების გამოცნობაც შემიძლო. თვალები დავხარე თითქოს რაღაცას ვიხსენებდი, მერე მტკიცედ ვთქვი:

— არა, გუადალუპე, ასეთი კაცი არ მეგულება.

ბიჭილა გვყავდა მოსაძებნი. კონგოს ნაკვალევს ავეყევით და ბორცვზე მივაგენით. ბევში ისე გამოქანდა ნათლისსაკენ, თითქოს მხოლოდ ამ კაცის მკერდს შეეძლო ყველა საფრთხისაგან მისი დაფარვა.

აი, სულ ეს იყო. დაჭრილთან დავბრუნდით. მოხუცმა ერთი კარგი ნაცნობის სახლი მიასწავლა: იქ ერთ ხანს სანდო ხალხი შეგიკედლებს და საიდუმლოდ გიმკურნალებენო.

მერე ბიჭი ცხენზე შემოისვა და სამივენი სახლისკენ გავემართეთ. თვალს ვერ ვაცილებდი გუადალუპეს და განცვიფრებული ვფიქრობდი: შეხედავ, ერთი ჩია კაცია, გაძლებით კი რა ორთაბრძოლას გაუძლო. ოღნავი დალლა, ან აღეღვებაც რომ არ ეტყობა არა კაცი კი არა, კლდეა, უდრეკი კლდე!

მთის ბილიკაზი

მოსუცი მათიასი თავისი სახლის ზღურბლზე იდგა, ღობის გასწვრივ აღმართზე მომავალი კაცო რომ შეამჩნია.

— მახენსიო იქნება. — გადაულაპარაკა ცოლს.

ქმრის ზურგს უკან მდგარმა დედაბერმა მგზავრს გახედა და თქვა:

— მახენსიო კოჭლობს. ეგ კი — არა.

ქალმა მუშტისოდენა სახე დაძაბა და მიმჭრალი თვალებით უცნობს მიაჩერდა.

მოსუცი მათიასს ხნელი, დამკვნიარი, უსამოვნო სახე, უკბილო პირი და კებანი ცხვირი ჰქონდა, წერილ თვალებს მოუსვენრად აცეცებდა.

ამსობაში უცნობმა გაბმული მავთულები გადასწია, შიგ გაძვრა, იქაურობას თვალი მოაწვია და მაღალი ბალახით დაფარულ ბილიკს დაადგა.

— მგზავრი იქნება ვინმე, — დაასკვნა დედაბერმა.

მოსუცმა პასუხად რაღაც ჩაიბუზღუნა.

უცნობი დამხედურთ მიუახლოვდა, მოსუცი მშვიდი, შავი თვალებით შეათვალიერა და ჰკითხა:

— თქვენ ხომ არა ხაოთ ვესენტე მათიასი?

თავისი სახელი რომ გაიგონა, მოსუცი დამშვიდდა.

— მთელი ორმოცდაათობმეტო წელი მე ვიყავი და, მგონი, ახლაც მე უნდა ვიყო. — უპასუხა სიცილით და ცოლს გადახედა. უცნობის სახეს ღომილიც არ გაჰკარებია.

მატიასმა ქამარზე დაადგა თვალი, მერე ხელებში შეხედა და ჰკითხა:

— რით შემიძლია გემსახურო?

— ერთ საქმეში დასახმარებელ კაცს ვეძებ.

— ის კაცი მე ხომ არა ვარ?

— ან ისა ხართ და ან — არა, — უპასუხა უცნობმა და მოხუცს ისევ მიაპყრო მშვიდი თვალები.

— თუ ჩვენს მხარეში რამე გაქვთ მოსაძებნი, გამოგადგებით, ხუთი თითივით ვიცი ეს მხარე, აგერ ის ჩრდილი, ჩემი დარგული ხის ჩრდილია.

— იქნება მაინც ვერ გამომადგეთ.

— თქვენი საქმისა თქვენ იცით, — უთხრა გაკვირვებულმა მატეასმა.

დალლილა უცნობმა ნელა აიარა ტერასის საფეხურები და სკამზე ჩამოჯდა.

— მე განსვენებული ნარანსონის ძმა ვარ.

შეცბუნებულმა მატეასმა ოდნავ უკან დაიხია და დედაბერს დაეჯახა. უცნობი კი განაგრძობდა:

— რა, სირცხვილია ამის გამხელა?

• — აბა რა ვიცი, როგორ გითხრათ, — ორჭოფულად მიუგო მოხუცმა.

— ნუ, იმობილო, ნუ მომერიდებით. პირში თქმა ყველაფერს სჯობია. ავაზაკი შვილი ყველა კარგ დედას შეიძლება გაუჩნდეს.

დედაბერმა ქმარს იდაყვზე გაჰკრა ხელი, მოხუცი ენად გაიკრიფა:

— ღმერთმანი. მართალს ამბობთ... თუ კაცი ავაზაკადაა დაბადებული, იმასთან ეშმაკიც ველარაფერს გააწყობს. იცით, ერთი ძალზე უხვირო ბიძა მეც მყავდა, ისეთი უხვირო კაცი იყო, რომ მისი ჩამოხრჩობის ამბავი როცა შევიტყვეთ, გაგვოხარდა კიდევ აკი გეუბნებით, თუ კაცმა ნამუსზე ხელი აიღო...

უცნობმა სიტყვა გააწყვეტინა:

— გავიგე, ჩემი ძმა ამ ადგილებში მოუკლავთ.

მატეასმა თავი გააქნია, თავის ფეხსაცმელს ჩააშტერდა და ჩაილაპარაკა:

— ალბათ მოგატყუეს.

— თქვენი ნათლიმამა მახენსიო ვნახე...

დედაბერმა თავი აიღო, კედელსა და ქმარს შუა გამოძვრა და იკითხა:

— მახენსიო დღეს ნახეთ?

— არა, დღეს არა... გუშინ იყო... ერთად ვისადილეთ.

— ტერეზა როგორ არის?

— არა უჭირს რა.

— უკვე იმშობიარა?

— კი, მგონი, შაბათს იმშობიარა. ბიჭი შეეძინა.

გახარებულმა დედაბერმა მათიასს შეხედა; მერე სამივე გაჩუმდა.

ქვევით. ბორცვის ძირას ცხვარს მიერეკებოდნენ. ქარს ზან-ზალაკების წკარუნი და შოლტების ტყლაშუნის ხმა ამოჰქონდა იქიდან.

ანაზღად მოხუცმა მუხლზე დაიკრა ხელი და უცნობს უთხრა:

— რაკი მახენსიოს სახელით მოსულხარ, გეტყვი: თქვენი ძმა აქ, ამ ადგილებში მოკლეს.

— და ის ადგილი მხოლოდ თქვენ იცით.

— ჰო, მხოლოდ მე ვიცი.

— თქვენ და პოლიციამ.

ვისენტე მათიასმა სწრაფად შეათვალიერა უცნობის სახე, თვალბშიც ჩახედა, უნდოდა მიხვედრაიყო რამეს, მაგრამ იქ ვერაფერი ამოიკითხა.

— ისე, რაში მეკითხება ჩემი ძმის სიკვდილი. ძალი იყო და ჩაძალდა კიდევ.

— მაშ რისთვის ამოხვედით. — ჰკითხა მოხუცმა.

— დედაჩემის ერთადერთი სურათი თან ჰქონდა წამოღებულს. ის სურათი არ დაუბრუნებიათ ჩემთვის.

— იქნება შენმა ძმამ დაკარგა?

— ვინ იცის... შეიძლება შეტაკებისას ამოუვარდა ჯიბიდან.

მოხუცმა თავი აიღო. კედრის ხის ძირში წაკიდებულ მამლებს გახედა. მერე თავდაჯერებით თქვა:

— შეტაკება არ მომხდარა.

უცნობმა ფეხი გამართა, ჯიბეში ჩაიყო ხელი. ორი სიგარეტი ამოიღო და ერთი მათიასს გადაუგდო. მოხუცმა ჰაერშივე დაიჭირა სიგარეტი. უცნობმა სიგარეტს მოუკრდა და ჩაალაპარაკა:

— რას იზამ... მით უკეთესი.

გზის პირას. სახლიდან ასიოდე მეტრზე, კლდოვანი გორაკი

იყო აღმართული, მატრასმა ვორაკს მწვერვალისაკენ ააყოლა თვალი. ვორაკის თავზე, ცაში ქორები დაცურავდნენ.

— მოშავო ლაქას ხომ ხედავთ ზევით?

— კი, ძალიან კარგად ვხედავ, — უპასუხა უცნობმა.

— აი, იქ მოიშწყვიდის.

სტუმარი ფეხზე წამოდგა და ჯიბიდან საფულე ამოიღო:

— რალას ვაჭიანურებ, მე რომ ვეძებდი სწორედ ის კაცი ყოფილხარ. — და სწრაფად გადაუგდო საფულე. საფულე გაიხსნა და დედაბრის ფეხებთან ფულები გაიფანტა.

— ჯერ ეს გქონდეს...

ვისენტი მატრასი სიხარულით აცახცახდა. თვლებში შუქი ჩაუღდა.

— ლუსიანა, — უთხრა კოლს, — ეს ფული იმასთან შეინახე... მე სტუმარს გავყვები, იქნებ რამეში გამოვადგე.

მოხუცმა ქამარი უფრო მაგრად შემოიჭირა. ქამარზე მაჩეტე ეკიდა.

— წავიდეთ, — მიმართა სტუმარს და წინ ვაუძღვა.

დედაბერმა ერთ ხანს თვალი გაადევნა წასულუბს. მერე კარები ჩაკეტა.

ძალიან მაღლა იყვნენ ასასვლელები, მაყვლის ეკლიან ბარდებში მიძვრებოდნენ. კლდის ქიმებს ებლაუჭებოდნენ და ბოლოს, როგორც იყო, გაჭირვებით ააღწიეს გამოქვაბულის შესასვლელამდე.

მოხუცმა შუბლიდან ხელისგულით მოიწურა ოფლი. უცნობმა ქვევით გადაიხედა და ველზე მატრასის ეულად მდგარი სახლი და ის ხე დაინახა, საკუთარი ხელით რომ დარგო მოხუცმა. მწვანედ გადაჭიმულ ველზე ხე პატარა წერტილივით მოჩანდა. შემდეგ მოხუცს უთხრა:

— სურათი, შეიძლება. ნაპრალშიც ჩავარდა, არა?

— ჰო, შეიძლება. — ამოიხვნეშა მატრასმა და ნაპრალის ფსკერს ჩახედა.

უცნობი გაუნძრევლად იდგა და თვალს არ აშორებდა მოხუცის მოხრილ მხრებს.

— როგორა გვონიათ, შეიძლება ადამიანიც ჩაიჩეხოს ამ ნაპრაღში?

— რა ვიცი, არა მგონია, — უპასუხა მოხუცმა, უფრო მოიხარა წელში და იგრძნო, ნაპრაღიდან სიცივემ როგორ დაჰკრა სახეზე.

— პატროსანი კაცის სახელი კი შეიძლება ჩაიღუპოს აქ, არა? ჩამუხლული მოხუცი ვაირინდა, კლდის ბნელ ნაბზარებში თვალის ცეცება დაიწყო:

— მაგას რაზე ამბობ?

— იმანე, რომ, შესაძლოა, ბიძათქვენი სულაც არ იყო უხვირო კაცი...

მატიასს ცოტა მოეშვა გულზე. აკვიატებული აზრი დაღწანს აწვალებდა. ამ აზრის თავიდან მოსაშორებლად გამოქვაბულში ხელეზის ფათურსა და ჭირს დაფენილი ფრინველის სკლინტის ქექვას მოჰყვა.

— აქნებ ჩემი ძმაც ბიძათქვენივით ავაზაკი იყო, — არ ისვენებდა უცნობი.

მოხუცი სწრაფად გასწორდა წელში, მაგრამ გამბედაობა არ იყო, რომ შებრუნებულიყო უცნობისკენ. ისევ წელში მოიხარა, რუხ ნაბზარებს თვალი ვერ მოწყვიტა. ნაპრაღიდან სიცივე სცემდა სახეში, ძარღვებში სისხლი გაეყინა.

— ჩემი ძმა რევოლუციონერი იყო და რევოლუციის საქმეს აკეთებდა.

მოხუცი სულ იმას ცდილობდა. თავიდან როგორც მოეშორებინა ის საბედისწერო აზრი, ლაპის ტვინი რომ გაუხვრიტა. ამის თქმაღა მოახერხა:

— ასეთი ბედი ბევრს ეწია.

მაგრამ უცნობმა უფრო აუმაღლა ხმას:

— დიახ ბევრს ეწია, იმიტომ რომ ქვეყნად ჯერ კიდევ ბოგინობენ გამცემელი ნაძირაღები: ისინი პოლიციას იმ ადგილს ასწავლიან. სადაც პატროსანი კაცი თავს აფარებს.

მატიასმა მეტს ვეღარ გაუძლო. სწრაფად წამოდგა, მიბრუნდა და უცნობის შემართულ ხელს მოჰკრა თვალი.

— ვისენტე მათიას, ჩემი ფულიც იმ ფულთან შეინახე!..

გასროლის ყრუ ექმომ გამოქვაბული შეაზანზარა, ღამურები დაფრთხენ და დაფვთვბულები მიაწყდნენ მის კედლებს.

6 0 6 0

მიცვალბულის დაკრძალვას არავინ დაჰკლებია. სახლი შორს, სოფლის განაპირას იდგა. დაკრძალვაზე კაპიტანიც მოვიდა, ალკალდიცა და რამდენიმე ჯარისკაციც. კუბო შუა ოთხში იდგა. მიცვალბულის გალურჯებულ სახეზე ეტყობოდა, რომ გაგუდული იყო. ოთახში ქალები მოთქვამდნენ, ძველ სავარძელში ფეხშიშველა ბიჭი მობლუნძულიყო და ეძინა.

ეზოში გავედი, მთვარისაგან ზურგშექცევით ჩამოვჯექი სკამზე და ჭას დავეყრდნე. მუდამ პირქუში და უკარება მოხუცი ხელიანო ბარეასიც იქ იყო. ხალხის ნაკადი არ წყდებოდა, მოსულები ჯგუფებად იყრიდნენ თავს და იწყებოდა სჯა-ბაასი:

— სამუდამო კატორღა რომ აკმარონ, ეგეც დიდი შელავათია...

— იქნება დახვრიტონ კიდევც...

— გაქცევას რომ დააპირებს, მაშინ მოკლავენ...

— გაგონილა ასეთი რამე, ყანდარშზე აღმართო ხელი?! — გაიოცა ვილაცამ.

მერე ქალებზე, ალკალზე და კაპიტანზე ჩამოაგდეს სიტყვა. ერთი რამ ყველას უდავოდ მიაჩნდა — ნინომ ნამდვილად მხეცური საქმე ჩაიღინა. კაროლინოელმა ნინომ სელორიო რამოსი მოკლა. რანაირად მოხდა მკვლელობა, დაწვრილებით არავინ იცოდა. მხოლოდ იმას ამბობდნენ, რომ ნინოს მკვდარი კაცი თვითონ მოუყიდა ზურგზე, სოფლის ყანდარმერიაში მისულა და ისეთი რაღაც უთქვამს, გამეორება არავის არ უნდოდა.

მოხუცმა რუპერტიმ, რომლის თვალწინ გაიზარდა სელორიო, თავშალი მოიხურა და ქერივს მიუსამძიმრა:

— გულს ნუ გაიტეხ, შვილო, მაღალი ღმერთი ყველას მიუზღავს კუთვნილს!

კაპიტანმა მუხლზე დაიკრა ხელი და გაბრაზებულმა წამოიძახა:

— მოდი და ამის შემდეგ ენდე ასეთ ხალხს. ჩამოხრჩობის ღირსია.

— თანაც დაუყოვნებლივ! — კვერი დაუქრა ალკალდმა, მთელი არსებით რომ ცდილობდა უფროსის გულის მოგებას.

ამ დროს კაპიტანისა და ალკალდის ცოლები მოდაზე ლაპარაკში იყვნენ გართულნი.

უანდარმერიის მწერალმა ლუსიო ბერმუდესმა, საზიზლარმა, უვიცმა, გაქნილმა და გაიძვერა ტიპმა, რომელიც მიცვალებულთან გამოსათხოვებლად სამსახურიდან დიდის ამბით განთავისუფლებულიყო, საიდანღაც წამოყო თავი და გადაჭარბებული ალტკინებით წამოიძახა:

— აქი გული მითქვამდა, ეს ნინო აუცილებლად იმსხვერპლებს ვინმესო. თუნდაც, მარტო ისა ვთქვათ, თავისი მიწის ნახევარზე მეტი სხვებს წაჰგლიჯა.

ის მზაკვარი ისეთნაირად გაჰყვიროდა, მე და მოხუც ხულიანოს ეზოში გვესმოდა მისი ყოველი სიტყვა. ხულიანოს შეეხედე, იმან მხოლოდ ესა თქვა:

— უყურე ერთი, რას არ გაიგებს კაცის ყური.

ამ ხანდაზმულმა კაცმა ჰკვიანური ლაპარაკი იცოდა და ამისათვის პატივსა ვცემდი.

— კი მაგრამ, მოხუცო, თქვენ არა გჯერათ, რასაც ნინოზე ამბობენ?

მოხუცი ჩემკენ შემობრუნდა, ახლა მთვარის შუქით მოვერცხლილ მის შლიაპასა და ამ შლიაპის ჩრდილში სიგარეტის პატარა, წითელ ნაღვერდალს ვხედავდი.

— დამერწმუნეთ, ვისაც მოთმინების ფიალას აუვსებენ, ყველა ნინოსავით მოიქცევა.

და მოხუცმა ყველაფერი ისე მიაბზო, როგორც მოხდა:

„ნინო უანდარმერიიდან ნახევარ კილომეტრზე ცხოვრობდა. საკუთარი ნაკვეთი ჰქონდა. მაღალი, ფესვგამდგარ მუხასავით ჩადგმული კაცი იყო. ალალი სახე და დიდი, ნათელი თვალები ჰქონ-

და. სახე სულ უღიმოდა. მარტოხელა კაცი იყო. სახლი ლერწმინაში ედგა. მისი სახლის წინ ზამთარ-ზაფხულ ყვავილები ყვაოდა. ყველამ იცოდა, რომ მაისის თვეში მის ბაღში მანვოს მოსაპარად გადაპარულ ბიჭებს წაუყრებდა ხოლმე. ჭირის გაძლებაც იცოდა და ლხინისაც. დაუღალავად ამუშავებდა თავის მიწის ნაკვეთს და მთვარის და სხვა ნიშნების მიხედვით მთელი წლის ამინდის წინასწარ განსაზღვრას ცდილობდა. ყველაფერი, რაც იმის კარ-მიდამოში იყო — ქიყულებით გატენილი, ნესტიანი შავი მიწიდან დაწყებული, უღელი ხარითა და ურმით დამთავრებული, — ყველაფერი. საკუთარი ოფლით ჰქონდა მონაგარი და იმას ეკუთვნოდა.

აი. ასეთი იყო ნინო. მაგრამ იმასთან ურთიერთობაში კაცს დიდი თავაზიანობა მართებდა. ლაზლანდარობა არ უყვარდა, თუკი რაღე ჭკუაში არ დაუჯდებოდა, თვალეში რისხვის ნაპერწკალი ჩაუდგებოდა ხოლმე. სელორიო რამოსმა კარგად იცოდა, როგორი უნდა ყოფილიყო ჟანდარმი, ადამიანის ხასიათის გამოცნობა კი, სამწუხაროდ, ნაკლებად შეეძლო.

ერთ საღამოს კაპიტანმა რამოსს უბრძანა, ჟანდარმერიის ეზოში ნაკვეთის დასამუშავებლად უღელი ხარი სთხოვე ვინმესო. სელორიომ კაპიტანს ბრძანებაზე სამჯერ დაუქნია თავი, გავიგეო, და, საუბედუროდ, არჩევანი ნინოზე შეაჩერა, თუმცა ახლომასლო ბევრი ხათრიანი გლეხი ცხოვრობდა. ნინო იმ საღამოს სიგრილეს დაშურებოდა და მიწის მოსვნა გადაეწყვიტა. კაპრალი მივიდა ნინოსთან, თვალი დაადგა გუთანში შებმულ ხარებს და უბრძანა:

— გამოუშვი, კაპიტანს სკორდება!

ნინომ ხელით ოფლი შოიწმინდა და მიუგო:

— მეც რომ მკირდება!

— დიდი ხნით კი არ უნდა.

— დიდი ხნით უნდა თუ ცოტა ხნით, ხარებს ახლა ვერავის გავატან.

კაპრალმა მუქარით შემართა ხელი, მაგრამ თავი შეიკავა და უთხრა:

— არ დაგავიწყდეს, კაპიტნის გამოგზავნილა ვარ.

ნინომ თავი ასწია, მზის შუქი სამკუთხედად დაეცა საფეთქელზე, თვალები ნაკვერჩხალივით აენათ.

— თვით მამა ღმერთის გამოგზავნილიც რომ იყო, მაინც ვერ გაგატან!

ახლა კი გაბრაზდა სელორიო, ნინოსკენ გაიწია და დასქყვილა:

— ან გამატან ხარებს, ან არა და თვითონ გაგივლებ წინ, შე შტერო, შენა!

აბა, ნინოსთან ასეთი ლაპარაკი როგორ შეიძლებოდა! თვალის დასამხამებებაში მიეჭრა ჟანდარმს, ქაშარში სწვდა და თავს ზევით აიტაცა:

— უღლეურო, მაგის ძალა ვინ მოგცა! — გამოსცრა კბილებში და ჟანდარმი ძირს დაანარცხა. მერე ზურგი შეაქცია, თითქოს გამხმარი ფესვი მოგლიჯა და გადააგდო. ეს კი ვერ მოუვიდა კარგად, ზურგი რომ შეაქცია, ჟანდარმმა აიღო მაჩეტე და დაჭრა მარცხენა ბეჭზე. მეტი ვერაფერი გააწყო ამ ბუმბერაზთან. მერე მას ნინოს მძლავრი, მძიმე ხელი სწვდა ყელში და მიწას გააკრა.

აღამიანს ცალი ხელიც ეყოფა! ცალი, მარჯვენა ხელი! ნინომ ახლად გავლებულ, ჯერ კიდევ თბილ ხნულში ჩატენა სელორიოს თავი. ჟანდარმს ამოვარდნაზე ჰქონდა დასისხლიანებული თვალები, რალაცას უაზროდ მისჩერებოდა ზევით და კოტიტა თითებით ბუმბერაზის სხეულს ჩაფრენოდა, მარჯვენა ხელით დაჭრილ მხარზე ჩაბლაუქებოდა. ნინო კი თითქოს გახევებული იყო.

აი, როგორ მოხდა ეს ამბავი. მერე წამოდგა, იმავე მარჯვენა ხელით გაგუდული კაცი დაჭრილ მხარზე მოიგდო და ჟანდარმთა სამმართველოში წაიღო. ტკივილსა და სისხლს აინუნშიც არ აგდებდა.

ბინდდებოდა, სამმართველოს რომ მიიღწია. მორიგე ჟანდარმმა უბრძანა, შესდექო, მაგრამ ნინომ ყურადღება არ მიაქცია და პარმალისკენ გაემართა. როცა გამოღებული კარიდან დაცემულ შუქზე კაპიტანმა ნინო შენიშნა, გარეთ გამოვიდა მის შესახვედრად, ნინომ კი ტვირთი ფეხებთან დაუგდო და უთხრა:

— ასეთი ხარი თუ შინ გყავდა, სხვისი ხარების სათხოვნელად რაღას გზავნიდი!

აი, ეს მიაბო მოხუცმა ხულიანომ. დილის სამ საათზე ლუსიო ბერმუდესი პაპიროსის მოსაკიდებლად გამოვიდა გარეთ. მოხუცი მოკიდებული სიგარეტით წინ დაუდგა და: როცა ჟანდარმმა სთხოვა, მომაკიდებინეო, ხულიანო ბარერასმა თვალი თვალში გაუყარა. ნამწვი პირიდან გამოიღო და მიწაზე ისროლა.

დიდი ხნის შემდეგ

...ახლა კი მოდი და მეხსიერებიდან წარმიხოცე
იმ დღეთა ვუხუცეუშ გათელილა სახარელა

მ ა ნ უ ე ლ ა

იმ საღამოს ჩემი საწოლზე სოფლიდან კაცი გვესტუმრა და, რასაკვირველია, ჩვენც იქაური ამბების გამოკითხვა დავუწყეთ. მამამ (მან ახლახან დაანება სამსახურს თავი და პენსიის დანიშვნაზე ჩალიჩობდა) დაიწყო:

— ხიმენესები ზომ კარგად არიან? კარ-მიდამოს რამე მოუხერხეს?

— ცოტადენ მოსავალს იწევენ, ღონ ბრაულიო, ეტყობა, მიწას ასეთი მოპყრობა არ უყვარს.

ჩემმა დედინაცვალმა, ხანში შესულმა. სიტყვაძვირმა ქალმა, თავი ასწია და რაღაცის კითხვა დააპირა, მაგრამ გადაიფიქრა, თავისი წამლის შუშა აიღო და ხმარების წესების კითხვა დაიწყო. მამაჩემმა თავის ქნევით განაგრძო საუბარი:

— აი, მამაჩემმა კი, ნამდვილად. კარკი მოსავლის მოყვანა იცოდა.

მე კართან ვიდექი, წასვლას ვაპირებდი, მაგრამ მეხსიერებაში უცებ ამოტივტივებულმა მოგონებამ შემაჩერა და სტუმარს ვკითხე.

— სუსანა რასა იქს? ისევ სოფელშია?

ვიდრე ჩვენი სტუმარი მივასუხებდა. დედინაცვალმა შუბლი შეიკმუხნა და სწრაფად გამოწხვდა წარბებქვეშიდან ისე, რომ ჩემი

სახის გამომეტყველებისათვის მოეკრა თვალი და მისი გამოხედვაც შეუმჩნეველი დაოჩენილიყო. მე მოველოდა ამ გამოხედვას.

სუსანა გასულ წელს გარდაცვლილა.

— გარდაიცვალა?! — წელში გავიმართე და ხელი ისე ავიქნე, ფიქოს ამ ცნობის განდევნას ვაპირებდი, უნებურად გავიმეორე კიდევ. — გარდაიცვალა! შეუძლებელია...

მამამ სიტყვა გააწყვეტინა.

— რაო, ბიჭო, ძალიან დაგწყდა გული?

— დამწყდა! — ვუბასუხე და გავჩუმდი, მაგრამ ძლიერი, თითქმის მტანჯველი სურვილი მაწუხებდა; მინდოდა გამეგო, რას იტყოდა ჩემი დედინაცვალი, ის ხომ უკვე მოხუცდა და ოჯახი უწინდებურად ვეღარ ეჭირა ხელში.

— მანუელა, შენ რაღას იტყვი?

მაგრამ ის არც არაფერს ამბობდა და არც არაფერს ფიქრობდა, თავსაც არ იღებდა ზევით, წამლის შუშას თვალს არ აცილებდა. მამას ნეშფოთება შევამჩნიე სახეზე: შეეშინდა, ცოლმა არ იფეთქოსო. რაკი დედინაცვალმა პასუხი არ მაღირსა, სტუმარს მივუბრუნე, სტუმარი ამ დროს ჩვენი სოფლიდან წამოღებული ლიმონის შეკვრას დებდა მაგიდაზე.

— ვინ გითხრათ, სუსანა გარდაიცვალა? თქვენი თვალით ნახეთ?

— რა ღმერთი გაგიწყრა, ბიჭო, აბა, რას ეკითხები, — დამტექსა მამამ, — ეს კაცი მისი არც ნათესავი ყოფილა და არც ახლობელი...

მამა მთლად დაიბნა. ნაძალადევი ლიმილით ცდილობდა მღელვარების დაფარვას. მე თავი ისე დავიჭირე, ვითომ ვერაფერს ვხვდებოდი. სტუმარიც განაბული იჯდა. დედინაცვალი ისევ წამლის შუშას ატრიალებდა ბებრულ ხელებში და თავს არ იღებდა მაღლა.

— დონ ბრაულით, თუ მართალი გინდათ, მე ნამდვილად...

— რა „ნამდვილად“? — ჰკითხა მამამ. სოფლელმა სტუმარმა უპასუხა:

— ისა რომ, მართლა არც ნათესავი ვყოფილვარ მისი და არც მახლობელი, ასე გასინჯეთ, ხეირიანად არც კი ვიცნობდი, მაგრამ

იმის სიკვდილს მაინც დავესწარი, ეტყობა, ასეთი იყო განგების ნება.

სწრაფად გადავხედე დედინაცვალს, თუმცა სტუმრის სიტყვები კარგად გაიგონა, მაინც ღუმდა. მერე წინ გადაიხარა, შეშა მაგიდაზე დადგა და ქმარს მიმართა:

— მგონი, ამ წამალმა უნდა მარგოს.

მამამ რალაცის თქმა დააპირა. შემეშინდა, სიტყვა ბანზე არ ამიგღონ-მეთქი, და მანუელას გასაგონად, განგებ მოუბრუნებლად და ხმამალლა ვიკითხე:

— შემთხვევით, სუსანა შიმშილით ხომ არ მოკვდა?

— სუსანას სახლში შიმშილი შემთხვევითი სტუმარი არა ყოფილა.

— მაშ, სულის მოსათქმელად ერთი პეშვი ბრინჯიც არ ებადა სუსანას?

მოვარტყი, ნამდვილად მოვარტყი! ისარი, ამდენ ხანს რომ ვუმინებდი, როგორც იყო, შიგ გულში მოვარტყი... ვიდრე სტუმარი რამის თქმას მოასწრებდა, დედინაცვალი ჩემკენ შემობრუნდა. სასოწარკვეთილმა შემომხედა და ცრემლიანი თვალებით კარგა ხანს მიყურა. მის გამოხედვაში ხანდაზმული, ავადმყოფი აღამიანის მთელი ტანჯვა-ვარამი გამოსჭვიოდა. შევნიშნე, რომ მამაჩემი უსიამოდ შეიშმუნა. მან ჩინებულად იცოდა ცოლის ხასიათი, კარგად ხვდებოდა, რა ფიქრიც აწუხებდა მის ცოლს, რაც უნდოდა, მაგრამ ვერაფერს ამბობდა. ერთ ხანს ყველა დავდუმდი. მანუელა ისევ თავის თავში ჩაიკეტა, კვლავ მოგვესმა სტუმრის ხმა.

— საბრალო სუსანა ერთიანად ჩამოხმა, ძალიან ცოტას, ზოგჯერ სულ არაფერს არ ჭამდა. შეილები ბევრი ჰყავდა. თანაც ყველა ჯანმავარი ბიჭი იყო. ისინი თანდათან შემოეფანტნენ. ზოგი საით წავიდა და ზოგი — საით. უმცროსი. ჩვიდმეტი წლის ბიჭიც ძმების კვალს გაჰყვა. ბრინჯი კი არა, იმ გამუბრუნებლად ქონში, სადაც სიკვდილიც კი საშინელი იყო. წყალიც რომ ედგა. ისიც გვიკვირდა. მაგრამ, წარმოიდგინეთ, შეილებზე ძვირი არასოდეს წამოსცდენია. შორს არიან ჩემგან, იმათ თავიანთი საზრუნავიც ეყოფათ, ჩემთვის არა სცალიათო, ამით ამართლებდა ხოლმე.

ჩემმა დედინაცვალმა თავი დახარა. ეტყობოდა ძალა გამოვლია, ნერვებმა უმტყუნეს. მაგრამ მე ბოლომდე მინდოდა საქმის მიყვანა და სტუმარს ვკითხე:

— როგორა გგონიათ, ცოტაოდენი ბრინჯი რომ ჰქონოდა, გაიტანდა თავს?

დედინაცვალი წელში გაიმართა. ვიმედოვნებდი, გულის სიღრმეში მწარედ ნანობს დიდი ხნის წინათ ჩადენილ უკეთურ საქციელს-მეტქი. იმედი მქონდა, რომ ცდა ამაოდ არ ჩამივლიდა, მაგრამ უცებ მის ხმაში და თავდაჭერაში ადრინდელი უტეხი ხასიათის ძალა ვიგრძენი. მან მთლიანად მიიპყრო მოკრძალებისაგან გაჩუმებული სტუმრის ყურადღება და იმაში დარწმუნებულმა, რომ ქმარი თვალეში შესციციებდა, თქვა:

— სუსანა ხელმრუდე იყო.

— მართალს ამბობთ, მანუელა. სუსანა რომ ხელმრუდე იყო, ეს ყველამ იცოდა, მაგრამ, როგორა გგონია, არ შეიძლება შიმშილმა ადამიანს ქურდობა ჩაადენინოს?

ახლა კი მე და ჩემი დედინაცვალი პირისპირ დავდექით. მამა შეშინებული მომაჩერდა, ვგრძნობდი მის მზერას. მაგრამ რაკი შევეუტიე ჩემს დედინაცვალს, უკან აღარ დავიხევდი. ახლა ჩვენ იმ მნიშვნელოვანი და დიდი ამბისათვის შევეტაკებოდით ერთმანეთს, რაც უამრავ ყოველდღიურ წვრილმანში ვლინდებოდა და რაზედაც ყოველდღე ვკინკლაობდით.

— ქურდობის უფლება არავის არა აქვს. სუსანას მიეზღო თავისი. დრო მოვა და მაგ მწარე ენისთვის შენც მოგეზღვება კუთვნილი.

— სამაგიეროდ, თქვენ ახლა იზღავთ თქვენსას. მანუელა. რატომ არ გინდათ, დაუშვათ, რომ თერთმეტი წლის წინ ყბადაღებული ერთი პეშვი ბრინჯი, შეიძლება შემთხვევით ჩარჩენოდა კოფტის ჯიბეში.

მეტი რომ მომივიდა, ამას მამაჩემის სახის გამომეტყველებაზე ვხვდებოდი. ხოლო ამ ქალს მეტის ატანა რომ აღარ შეეძლო, ამას მისი თვალეები და გამოფიტული სხეული მეუბნებოდა. ჩემი დედინაცვალი ფეხზე წამოდგა, სახე მთლად დაეღრიცა და აცანცაბებულმა მკერდზე იტაცა ხელი.

— სიტყვებს ცოტა ჰკუთაც მიატანე, ბოჰო! — მამაჩემმა დაბარბაცებულ ცოლს შეაშველა ხელი.

— ფრთხილად, მანუელა, მხარზე დამეყრდნე.

ჩემს დედინაცვალს ხველება აუტყდა, აუტანელი ტკივილისაგან წელში მოხრილმა ქმარს ანიშნა, საწოლ ოთახში წაიყვანეო. მამაჩემი თავზე ევლებოდა ცოლს. ყველაფერი თვალის დაბამბამებაში მოხდა. აღელვებული და ხასიათწამხდარი მამა მხარში ამოუდგა მანუელას და თითქმის ხელში აყვანილა წაიყვანა, ლამის წელში გაეწყვიტა ქალის განაწანები სხეულის სიმძიმეს.

სტუმარს დავაკვირდი. ის მორიდებით გვადევნებდა თვალს, ამ ზრდილობიანი გამომეტყველების იქით მისი აზრები წავიკითხე. „ყოველთვის ასეთი უცნაურები იყავით“, ალბათ ასე ამბობდა გულში. სხვათა შორის, სოფლელებიც ახირებულ აღმაინებად გვთვლიდნენ.

თავს დამნაშავედ ვგრძნობდი, მოულოდნელად სუსსანა დამიდგა თვალწინ: იგი საყვედურით მიქნევდა დიდ, შავ, კეთილ თავს, სწყინდა, აშხელა კაცმა უკეთესი რომ ვერაფერი მოვიფიქრე. მერე მამის ფეხის ხმა შემომესმა, მამა საწოლი ოთახიდან გამოდიოდა. მე მწარე ლანძღვის მოსასმენად მოვემზადე. ახლა კი თავისებურად იფეთქებს-მეთქი, ვფიქრობდი. მამაჩემი ასეთ დროს შვილს გაიმეტებდა სასიკვდილოდ. მაგრამ მოლოდინმა არ გამიმართლა. კარებისკენ მიმავალი რომ გამისწორდა, მაშინღა ვკითხე:

— რა დაემართა?

— ექიმის მოსაყვანად მივდივარ. შენ აქ დარჩი, — მომძახხა და გარეთ გავიდა.

შეშინებულსა და აფორიაქებულ მამაჩემს სიტყვა არ დაუბრავს სასაყვედუროდ. რასაც არ მოველოდი, სწორედ ის მოხდა. ყველაფერს მივხვდი და დაღონებული ვუყურებდი საწოლი ოთახის ჩაკეტილ კარს.

ჩემს დედინაცვალს რომ სიცოცხლე აღარ ეწერა, ცხადი იყო. მამაჩემი კი თავს არ უტყდებოდა. ასე ეგონა, თუ ცოლის ცუდად გახდომას მე დამაბრალებდა, ამით საშინელ წუთს დროებით მაინც აიცილებდა თავიდან. მაგრამ აკი თავისი თვალით ნახა ყველაფერი. მამამ ძალიან კარგად იცოდა მანუელას ჯანმრთელობის

— ასეთ ძეწკვებს გამოსაცნობად ჰკიდებენ ჯარისკაცებს. ეს ძეწკენი შვილისა იყო.

— იყო?!

ლუკასმა კითხვაზე პასუხი ვერ მიიღო და იგრძალო, ვერც ვერასდროს მიიღებდა. მერე კაპრალმა ისეთი გაჭირვებით ასწია თავი, რტყოდით, ყაზარმის კერი მთლიანად მას დააწვა კისერზეცო, და უთხრა:

— ბრძოლის ველზე დაეცა, მოხუცო.

კარგად უნდა გცოდნოდით ლუკასის ხასიათი, რომ გაგეგოთ, ასე რატომ მოიქცა! იქ მყოფთა შორისაც არაიან მოელოდა, რაც მან ჩაიდინა. ლუკასმა სწრაფად შეაქცია ზურგი, კაპრალს და, სანამ ის კარებთან დაწევას და შეჩერებას დააპირებდა, უკვე უნაგირზე იჯდა. მერე ყველაფერი ერთმანეთში აირია. ლუკასი მამანდა მოეგო გონს, როცა ცხენმა დონ ფედერიკო ლუნას ბოჯირი გადაიარა. — ფიცარნაზე ფლოქვების ხმაურმა გამოაფხიზლა ისევ.

...გავიდა ხანი. ერთ დღილას დაბაში კაპრალი რომ ჩამოვიდა და მოხუცი ლუკასი იკითხა, ფორთოხლის ხეს ტოტის შენაჭერზე კანი უკვე სანახევროდ შემოზრდილი ჰქონდა და ლუიზას ყვავილი¹ ისე იყო მოდებული არემარეს, რომ ყვავილნარში შროშანს აღარ ახარებდა.

კაპრალს ძაძით მოსილმა დედაბერმა გამოხედა სახლიდან და უთხრა:

— რა ვიცი, სად აღარ დაეხეტება. ხან თამბაქოს ფარფულშია, ხან ფარეხში. ისეთ ადგილებს ეტანება, სადაც ხალხი ნაკლებადაა. ლაპარაკს გაუბრძის.

კაპრალმა მადლობა გადაუხადა და ცხენი შაქრის ქარხნისაკენ გააქენა. ადვილად იპოვა მოხუცი. ქას მიყრდნობოდა და გუთანს სახელურს ხსნიდა. კაპრალი ერთ ხანს დაჯანგულ სახნისს უყურებდა. მერე ცხენს სადავე თავზე გადაუგდო და ლუკასის გვერდით ჩამოხტა.

— რასა იქ, ბერიკაცო?

— რა ვიცი, ვჩალიჩობ ჩემთვის.

ლუკასი ხმაჩავარდნილი, მაგრამ გულდაჯერებით ლაპარაკობ-

¹ ლუიზას ყვავილი — ვერბერის სახის ბალახია, რომლის სურნელი უღის.

და. უკვე აღარ იყო ძველებური ლუკასი და აღარც ხმა ჰქონდა თავისი, თავის საქმეში გართული სულ სხვა კაცს მოგაგონებდათ.

— ხელი უნდა გამიმართო, ლუკას, ამაზე მოგადექი...

— რაში დაგვირდით?

— ჩვენი სამსახურის ანბავი ხომ იცით, უფროსები წუთით არ გვასვენებენ. ხან კოჭები დაგვიშადეთო, ხან სიები შეგვიდგინეთ სასწრაფოდო. ასეაო ნაბრძანები, გვეუბნებიაან. ბიჭი ხარ და ნუ შეასრულებ!

— მერე, ბატონო?

— პერე ისა რომ... ხომ იცით, ომი გრძელდება...

— ვიცი.

— აი. ჩვენი საქმე კარგად რომ წავიდეს, ამისათვის რკინის ყველა უსარგებლო, გადაყრილი, დაუანგული ნივთი უნდა შევაგროვოთ.

— მერე, ბატონო?

— ცხადია, სულაც არ მინდა, სხვებს ჩამოვრჩეთ. ცოტაოდენ რკინეულობას ჩვენც უნდა მოვუყაროთ თავი. სამრეწველო რაიონში რომ ვცხოვრობდეთ. რომელიმე ქარხანაში, გაგხარია, რამდენსაც მოვიწოდებდით. იმდენ ჯართს ვიშოვიდი ერთბაშად.

— მართალია, ბატონო!

— მაგრამ არაფერია... — კაპრალმა მოხუცი ლუკასის მუხლებში მოქცეულ სახნისს დაადგა თვალი და ერთ ხანს გაჩუმდა. — ცოტა იქნება თუ ბევრი, როგორმე ჩვენც შევაგროვებთ ნაპერ-ნაპერ. აი, თქვენც რომ მოგეცათ რამე, თუნდაც... ეგ სახნისი.

— ეს სახნისი, კაპრალი?

— ჰო ეგ სახნისი. თუ სხვა რამე მოგეძევება და იმასაც დაუმატებ. კარგი იქნება.

ლუკასმა არაფერი უპასუხა, თვალს არ აცილებდა კაპრალს. მერე გუთნის საბელურს ხელი ჩასჭიდა და დამარცვლით იკითხა:

— მითხარით... რად გინდათ ეს რკინა?

— იმისთვის რომ ომში გავიმარჯვოთ. ამბობენ, ქვეყნის რკინა რომ შეაგროვოთ, მაინც არ ყოფნითო...

— ხალხის დასახოცად არ ყოფნითო, არა?

— ეგრეა, ლუკას.

გაჩუმდნენ. კაპრალი პერესი ვერ ხედავდა მოხუცის თვალე-

აპბავი და უნდა მიხკედრილიყო, რომ მისი წუთები ითვლებოდა. რა გზას დავდგომოდი, არ ვიცოდი: სიკვდილის მოლოდინი ერთია, თვითონ რომ ესწრები სიკვდილს, ეს კიდევ სხვაა. თანაც სიკვდილი ისეთი სასჯელია, რომ მანუელამ უკვე მოწამეობრივი გვიოგვიანი დაიმსახურა და ჩვენი ბრძოლიდან გამარჯვებული გამოვიდა.

ისევ სუსანა გამახსენდა. ამჯერად აცრემლებული გამომეცხადა. ვხედავდი, როგორ იფანტებოდა ბრანჯა, როგორ ცვიოდა მის დაჯღანულსა და ჩემი დედინაცვლის კოხტა ფეხსაცმელებზე... სხვა რალა დამრჩენოდა, იმ ოთახის კართან უნდა ჩამოვმჯდარიყავი, რომლის იქითაც სულთმობრძავი დედინაცვალი იწვა. დრო ხან ელვის სისწრაფით გარბის. ხან მტანჯველად ჭიანურდება... ბოლოს გათავდა მოლოდინას წუთები — ფეხის ხმა შემომესმა. კარისკენ შემოვბრუნდი და, ექიმსა და მამაჩემს მოვკარი თვალი. მამა დაწინაურდა, კარი გაუღო, ექიმი გაატარა, თვითონაც შეპყვა და კარი მოხურა. ისევ გამეფდა სიჩუმე, ისევ გაჭიანურდა დრო. ჩვენმა სტუმარმა გვერდზე ჩამიარა, წინკარში გავიდა, იქიდან ფარფლებიანი ქუდით შემობრუნდა. ექიმი ისე წასულა, ვერ გავიგე. მამის ხმამ გამომათხიზლა. თავს დამდგომოდა და მეუბნებოდა:

— გამომყევი!

გავყევი. სამზარეულოში შევედი. მამა თვალეზში მიყურებდა. ამოდ ცდილობდა ჩემს სულში ჩახედვას. სახეზე არაფერს ვიმჩნევდი.

— შეუშვი მაგ თავში, ქალი საცაა გათავდება! — მითხრა მამა, და თავისივე ნათქვამით შეშინებული უცებ გაჩუმდა. არ ეცოდი, რა მეპასუხა. გონების თვალთ ისევ წარსული ამოტივტივდა, გამახსენდა ჩვენი გაუთავებელი დავა და ჩხუბი. ანაზღად მისი ხელები წარმომიდგა თვალნათლივ. ისინი სუსანას კოფთას ჩაფრენიან და ჯიბეს უბრუნებენ; ვხედავ, ჯიბიდან გადმოფანტული ბრიჯი როგორ ცვივა მის ფეხსაცმელებზე და როგორ ეფინება მიწას.

— შედი, შენი ნახვა უნდა. — პირქუშად მიბრძანა მამამ.

უსიტყვოდ დავემორჩილე. შევბრუნდი და საწოლი ოთახის-

კენ გავემართე. თვალში ჩვენი სტუმრის სახე მომხვდა. ეს კაცი უსიტყვოდ იდგა სასტუმრო ოთახში და, ეტყობოდა, ეს დღე ავად დამთავრდებოდა თუ კარგად, აქედან ფეხს მაინც არ მოიცილიდა. როცა მის თავჩაქინდრულ, დადუმებულ ფიგურას შევხედე, აზრმა გამიელვა: „ეტყობა, ამ კაცს ასეთი ბედი აქვს“. ბოლოს, კარი გამოვალე და ოთახში შევედი. ყველაფერი, რაც ამ ქალთან იყო დაკავშირებული — კედლები, საწოლი, სურათები, წამლები — ყველაფერი თითქოს უცებ დამშორდა. ჰაერში ახლახან გატეხილი ამპულის მკვეთრი სუნი ტრიალებდა.

თანდათან ჩემი დედინაცვლის სახის დანახვა მომინდა. ჯერ ზეწარგადაფარებულ ფეხებს გავხედე, მერე ზევით ავაყოლე თვალი და მკერდს მივაჩერდი. აი, იქ არის გამართული სამკვდრო-სასიცოცხლო ბრძოლა-მეთქი, ვიფიქრე. ავადმყოფი ჰაერს რომ ჩაისუნთქავდა, ზეწარი ზევით იწევდა და ასე ამობერილი ჩერდებოდა, თითქოს ერთი ჩასუნთქვალა სჭირდებოდა ფილტვებსო, მაგრამ ზეწარი ისევ იჩუტებოდა, დაბლა იწევდა, თითქოს უკანასკნელად ეშვებოო ძირს... და მერე ისევ ნელა, გაჭირვებით მიიწევდა ზევით.

მე გამობრუნებას ვაპირებდი, მაგრამ მანუელამ ხმადაბლა, ძლივძლივობით დაიწყო ლაპარაკი, ზოგიერთი სიტყვების გარჩევა მიჭირდა, ბოლოს მკითხა:

— სუსანა რომ არ ყოფილიყო, ხომ სულ სხვანაირად ვცხოვრებდით?

— არ ვიცი.

— მე კი ვიცი, — მითხრა მან და თითქოს სული მოითქვა, უკეთესობა იგრძნო, სუნთქვა გაუადვილდა, გონება გაუნათდა.

— ყველაფერი სხვანაირად იქნებოდა, მთელი ჩვენი ცხოვრება სხვანაირად წავიდოდა.

თვალი გაახილა, ჭერს მიაპყრო და გაირინდა.

— გახსოვს ის დღე?

— ჰო, მახსოვს, — ვუპასუხე მკვახედ. რადგან ჩვენ სხვადასხვანაირად გვახსოვს ის დღე.

— ისე არ უნდა მოვქცეულიყავი, არა?

— ჰო, სულ არ იყო საჭირო ისეთი მოქცევა, მაგრამ მაშინ შენ რაც მოგებრინა, ის გააკეთე. წარმოგიდგენია. რა სულიერი

ტყველი უნდა ეგრძნო ორმოცი წლის ქალს, რომ ბავშვივით ატირებულყო? გახსოვს, რანაირი სახე ჰქონდა მაშინ?

გაცხარებული, გაბოროტებული ვლპარაკობდი, თავს ვერ ვიკავებდი. ნათქვამი უკეთესად რომ გამეგონებინა, მივუახლოვდი კიდევ ოც წის საწოლს. მაგრამ მანუელას სახე უცვლელი დარჩა. არ ვიცი. იქნებ უკანასკნელ ძალას ზოგავდა, ან, იქნებ, მოგრნებას მტკივნეულად აღარ განიცდიდა. ყოველ შემთხვევაში, ლპარაკი ისე განაგრძო, თითქოს არც კი გაეგონოს ჩემი ნათქვამი.

— არ მახსოვს, რა სახე ჰქონდა. მე მაშინ შენ გიყურებდი. მესმოდა. როგორ ტიროდა სუსანა და შენთვის რომ არ შემომეხედა, ისეც ვიგრძნობდი, რა დღეში ჩავარდებოდი.

— ასე იყო თუ ისე, ხომ დაინახე, რა დღეც მადგა!

— ძალიან იყავი განაწყენებული.

— განაწყენებული კი არა, გაცოფებული ვიყავი.

— მახსოვს.

— ხომ იცოდი, რომ სუსანა ჩემი ძიძა იყო, დედის მაგივრობა გამიწია: რალა მაგივრობა, ნამდვილი დედა იყო ჩემი.

ამაზე მანუელამ არაფერი მიპასუხა. მერე, კარგად რომ დავენახე. თავი გადმოაბრუნა ჩემკენ და საოცრად თვინიერი ხმით მკითხა:

— გინდა, სიმართლე იცოდე?

— მინდა, — თანხმობის ნიშნად თავი დაუქნიე, სხვა რა გზა მქონდა. უნდა მომესმინა, თუმცა მისი ჩახლეჩილი ხმა სულაც არ მსიამოვნებდა. მანუელამ დაიწყო:

— სანამ ცოლს შერთავდნენ, მე ვუყვარდი მამაშენს... სხვებმა აგვიწუნეს გზა-კვალი... პაპაშენის მამულში მოხდა... მის კარ-მიდამოში... მამაშენი შეძლებული კაცის შვილი იყო, მე კი — მოახლისა... ტოლები ვიყავით, ირგვლივ მინდორ-ველი გადამლილიყო... გაზაფხულზე ყველა სულდგმულს ერთმანეთისკენ მიუწევს გული და ჩვენც თავლის უკან შევხვდით ერთმანეთს. მამაშენმა თავი ველარ შეიკავა... მეც წინააღმდეგობა ველარ გავუწიე... პაპაშენმა გუდა-ნაბადი აუკრა დედას და სახლიდან გამოგვრეკა... დედაჩემი ძალიან ჩქარობდა, არ უნდოდა ვინმეს გადაყროდა გზაზე.. მე დედაზე სულ არ ვწუხდი... ბავშვის, ჩემი მომავალი შვილის ბედი მაწუხებდა... გავიდოდა ხანი და პაპაშენი შვილიშვილის სა-

ნახავად მანქანით მოვიდოდა... ცხოვრება თავიდან, სხვანაირად დაიწყებოდა, ისე როგორც წესი და რიგია... მაგრამ მე ვერ ვივარგე, ცარიელ ჩენჩოსავით ფუჭი, უნაყოფო გამოვდექი... სამუდამოდ...

მანუელა გაჩუმდა, მეგონა, რომ გრძნობა დაკარგა. ის უკვე ნამდვილი მანუელა აღარ იყო. ვიფიქრე, მეტს აღარათერს მეტყვის-მეთქი და ოთახიდან გასვლა დავაპირე, მაგრამ ზეწრიდან ხელმა აიწია და მეც გავჩერდი...

— ზომ ხედავ? მე დედაშენს არა ვგავარ. შეგკვადარე, თუ გინდა..

თავი ავიღე და კედელზე ჩამოკიდებულ დედაჩემის პორტრეტს შევჩერდი. დიახ, ისინი სულაც არ ჰგავდნენ ერთმანეთს. დედაჩემის მაღალი ყელი თითქოს ძვირფასი ყელსაბაჰისთვის იყო შექმნილი, ხოლო ძვირფასი ყელსაბაჰი ასეთი ყელის დასამშვენებლად მოგონილი. მანუელას კი ძალიან დაბალი კისერი ჰქონდა. დედაჩემს კეთილშობილება, მაღალი ჩამომავლობა ეტყობოდა. როცა მანუელა ახლომახლო არ იმყოფებოდა, ეს თვისება ზოგჯერ მამის ქცევაშიც გამოსჭვიოდა. მანუელა სხვანაირი იყო, სიკვდილის მსახვრალმა ხელმაც ვერ მოახერხა იმ დაღის წაშლა, რაც მამიქე, ერთფეროვანმა, ყოველდღიურმა შრომამ დააჩნია ამ ქალს.

— დედაშენიც მამაშენის წრიდან იყო... გავიდა ხანი და მათ აქორწინეს, მერე შენც გაჩნდი... დედა მუცელს გადაჰყვა... მე მაშინ შორს ვიყავი თქვენგან და არაფერი ვიცოდი... თქვენებს სუსანა მიყვანათ... მას რამდენიმე თვის ბიჭი ჰყავდა და ძალზე ბევრი რძე ჰქონდა. მერე მამაშენმა მე მომძებნა... თავისთან წამიყვანა!.. ამიხდა ნატვრა! მე კი, დანიელ, გთხოვ. კარგად გამგო. — შიშობა სასოწარკვეთილმა მანუელამ და ნაღვლიანი თვალებით ოთახში ძებნა დამიწყო, — მე კი უშვილო გამოვდექი, ცარიელი ჩენჩოსავით უნაყოფო!..

მეგონა, ახლა კი ნამდვილად კარგავს-მეთქი გრძნობას, თეთრ ზეწარზე გადმოკიდებული ხელილა უთრთოდა. მაშინაღუთად დავიწყე თვლა — ერთი, ორი, ათი. ოცი სეკუნდი — და ვხვდები, რომ მოსახდენი მოხდა.

მთელი სახლი სკამებით გაავსეს. უამრავ ვარდებს მძაფრი სურნელი უდიოდა. მთელი სიცხადით ახლალა გავიგე. რაც მოხდა.

ყოველი მხრიდან ფუტკრების მომქანცველი ბზუილი ისმოდა, მერე ყური თანდათან მიეჩვია ამ ხმაურს. სოფელმა სტუმარმა ღამე ჩვენთან გაათენა. სახეზე არც მწუხარება ემჩნეოდა. არც სიხარული. ვერ გაიგებდი, დაღლილი იყო, თუ კარგად გრძნობდა თავს. ეტყობოდა პირველად არ ესწრებოდა ადამიანის სიკვდილს. უბრალოდ. ეს კაცი არსად არ აპირებდა წასვლას, იღგა და აბოლებდა. ანუნში არ აგდებდა. სამძიმრის სათქმელად მოსული ჩვენი ნათესავ-ნაცნობები ამრეზით რომ შეხედავდნენ ხოლმე. ისინი თვალებით ეძებდნენ ნაცნობთა ჯგუფს, ამ კაცს კი არავინ ეკარებოდა. არაფერზე აღარ მინდოდა ფიქრი, შეკრებილთ ვათვალიერებდი, მათზე მინდოდა გულისყურის გადატანა. მაგრამ ერთი კიბხვა მოსვენებას არ მაძლევდა: „სუსანას რატომ არ უყურებდა მაშინ, მე რად მომჩერებოდა?“

მამაჩემი რომ მიახლოვდებოდა, მაშინაც ამაზე ვფიქრობდი. საღამოს ექვსი საათიდან ეს კაცი ისე შეიცვალა, რომ ძლივს ვცნობდი. სკამი მოსწია ჩემკენ, გვერდში მომიჯდა და არეულად. სვენებ-სვენებით მითხრა:

— მანუელა მხოლოდ შენ გაგიტყდა... რას იზამ. ეს მ-სი გულის ხეაშიადა იყო, საიდუმლო უშვილო ქალისა...

გაჩუმდა. დიდხანს მორჩილად უყურებდა კუბოს, სანთლებს, მერე ოთახს მოავლო თვალი და დაიწყო:

— სუსანა ბრინჯს რომ იპარავდა, მანუელამ პირველ დღესვე გაიგო... იმ ქალის გაგდება მე არ შემეძლო, ვერც მანუელა იზამდა ამას... ეს მერე მოხდა, კარგა ხნის მერე... შენ მანუელას გაუბოდი, პირს არ უჩვენებდი... სუსანას იყავ შეჩვეული. აი, ამის ბრალი იყო! კაცებს შვილი საპიროდ მიგვაჩნია, ქალებისათვის კი შვილი ჰაერივით აუცილებელია. იმ დღეს თავისთავად მოხდა ყველაფერი. მანუელას უნდოდა, რომ სუსანას მანკიერება დაგენახა... ეს უშვილო ქალის უნიადაგო, განწირული ცდა იყო და მეტი არაფერი! რაც მოხდა, იმის გასწორება აღარ შეიძლებოდა. მანუელამ, ასეთი საშინელი შეცდომა რომ ჩაიდინა, მთელი ღამე ტირილში გაატარა...

მამა გაჩუმდა. არ ვიცოდი, რა მეთქვა, რა გზას დავდგოძო-
დი! აქეთ-იქით ვაცეცებდი თვალებს. რაღაც გამოსავალს ვეძებ-
დი, მაგრამ სად იყო ეს გამოსავალი? კარებში გავარდნა ამ დროს
ცუდი გამოსავალია! ან სად უნდა გავქცეულიყავი? საკუთარ
თავს ვერსად გაექცევი! მაგზვდი, რომ ამ ჭერქვეშ სუსანას სა-
ხელს აღარ ვახსენებდი, მხოლოდ მანუელას მოვიგონებდი ყო-
ველთვის. ყველაფერს გამოვიკითხავდი, რაც ჩემს დედინაც-
ვალს შეეხებოდა, და ყოველთვის გულით ვატარებდი ამ ქალის
სახელს.

ძველი რკინა

ხანში შესულმა ლუკასმა ხელი აუსვა სახნისს და თითებზე აყოლილ ქანგს დააცქეოდა, თან იმას ვარაუდობდა, რამდენი ხანი იქნება, რაც გუთნის პირს მიწა არ გადაუბრუნებიაო. ამ დროს ფეხის ხმა შემომესმა. უკან რომ მიიხედა, ჯარისკაცის ფეხსაცმელები დაინახა.

— ლუკას, კაპრალმა გამომგზავნა. გიბარებს, რაღაც საქმე აქვს შენთან.

ლუკასი მისი ხნის კაცისთვის უჩვეულო სიმსუბუქით წამოხტა და შიკრიკს იმედით შეხედა სახეში, მაგრამ მან მეტი არაფერი უთხრა, ზურგი შეაქცია და გაბრუნდა. ლუკასს პირზე შეაშრა ის კითხვა, მთელი ოცი თვე რომ გულს უღრღნიდა. ჯერ იფიქრა, შინ შევალ: ჩემს დედაკაცს და სამ გოგოს გავაგებინებ ახალ ანბავსო, მაგრამ გადაიფიქრა და ცხენისკენ წავიდა. თვალს დახამხამებაში შეკაზმა, ზურგზე მოახტა. დეზი ჰკრა და თავის დღეში რომ არ დამართნია, ისეთი რამ შეემთხვა: ფორთოხლის ხის სიმაღლე ზუსტად ვერ მოზომა და ფარფლიანი ქუდი წამოსდო.

ქაჩმა პირველი შემობერვისთანავე მოსტაცა ქუდს ფორთოხლის ხიდან ჩამოცვენილი ფოთლები და ცხენს გავაზე დააყარა. ლუკასმა ფოთლებს დახედა და გონების თვალით თხუთმეტი წლის წინანდელ ამბებს დაუბრუნდა...

ქარიანი დღე იყო, გაფიცებულ მიწას ბული ასდიოდა. ლუკასმა ფერხანდიტოს ფორთოხლის ნერგი მიაჩეჩა ხელში, გრძელი, დაკოყრილი თითებით ორმო ამოასუფთავა და ბიქს უთხრა:

— რიგიანად ჩარგე მიწაში და დააცადე. გაივლის დრო და ამ ნერგისგან შენი ხელით გამოთლი გუთნის სახელურს.

მართლაც ასე მოხდა. ფორთოხლის ხეს ტოტი რომ წეაჭრეს, შვილი უკვე ოცდაორი წლისა იყო. ჟერნანდიტო ტოტსა ქერქავდა, ლუკასი კი იღგა და კმაყოფილი ადევნებდა თვალს ოფლით გაყენილი პერანგის ქვეშ როგორ მოჩაობდნენ შვილის მძლავრი კუნთები.

ხის სახელური დღესაც საიმედოდ ჰქონდა მორგებული გუთანს. ლუკასის თითებს კი კვლავ უანგის კვალი აჩნდა. მამა ახლაც ცხადად ხედავს ყანაში სამუშაოდ გასულ ფერნანდიტოს: ჭაბუკი ერთი ხელით გუთნის სახელურს აწვება, მეორით ხარებს მიერგვება; კვალში კი ქათმები ჩასდგომიან, მიწაში იქექებიან და ქიაყელვებს უნისკარტებენ. მაინც რა ხანმა განვლო მას შემდეგ? ვერა. ლუკასი ამას დანამდვილებით ვერ იტყოდა. იმიტომ რომ ფერნანდოს წასვლამდე რამდენიმე თვით ადრე მიწები დაიტბორა და ანის გამო აღარ ხნავდნენ. ჯანდაბას. რაკი ახლა შვილის ამბავს შეიტყობს, განა სულ ერთი არ არის. რამდენმა ხანმაც განვლო!

ასეთ ფიქრებში გართულმა ლუკასმა შეუშინევლად გალია გზა და ფონ ფედერიკო ლუნას მამულში ამოყო თავი. ხის ბოგირზე ცხენის ფლოქვები რომ გახმაურდა, იმან გამოარკვია. ე. ბერიკაცო დონ ფედერიკო ლუნა! მოხუცმა ლუკასს ერთხელ ხუმრობის კოლოთი უსაყვედურა, ნამეტანს ნუ აქებ შვილსო და ეს იმიტომ უთხრა. რომ იმ დღეს, როცა ფერნანდოზე ჩამოვარდა სიტყვა, ლუკასმა მიაშიტად თქვა:

— ღამით გარეთ რომ გამოვდივარ, ფერნანდო უკან ამედევნება. გზა არ აებნესო, რასაც ჩემი თვალები ვეღარ ამჩნევენ. ის მაშინვე დაინახავს. ორივეს მაგივრად ხედავს. თუ მე მკლავი მიმტყუნებს ზოგჯერ, მაშინ უნდა ნახოთ ჩემი ბიჭი! უწინ ერთი მოქნევით ვჭრიდი ახალგაზრდა მანგლეს, მაგრამ ხანში შევედი და ძალა აღარ მომდევს. გული მაინც დაარხინებული მაქვს, ბიჭი უკან მომყვება და მანგლეს თავისუფლად მოჭრის-მეთქი.

ლუკასმა დონ ლუნასებური ღიმილი რომ შეამჩნია მეზობლებს, ცოტა ეუხერხულა, ასე რომ აქებდა ფერნანდოს და დასძინა:

— ჩემი შვილი რომ არის, იმიტომ კი არ ვაქებ, მე იმის თქმა მინდა, რომ უკეთეს ვაუკაცს დედა ვერ ინატრებს. მაგრამ ეგაც

არის, შვილები სეიბის ხის თესლებივით არიან: სხვა მხარეში, სხვა ადამიანებისკენ გაგიფრინდებიან.

„ჩემი ფერნანდოც ნამეტანი შორს გავაფრინე“, — ფქრობდა ლუკასი, როცა ცხენმა ბოგირი უკან მოიტოვა და ყაზარმისკენ მიმავალ ბილიკს დაადგა... შვილი შორს, ისე შორს გადაუკარგეს, რომ აღარ იცოდა, სად იყო ეს „შორს“. აი. როგორ მოხდა: ერთხელ, საღამო ხანს კაპრალმა და ლეიტენანტმა ორი ჯარისკაცი მოიყოლეს, ლუკასის სახლში რაღაც თავშესაყრელი პუნქტით მოაწყვეს და მთელი ოლქის ახალგაზრდობამ მათთან იწყო დენა სიებში ჩასაწერად.

გამოხდა ცოტა ხანი. ფერნანდოს გაწვევს ბარათი მოუვიდა — ქალაქში უხმობდნენ. სიტყვაძუნწად გამოეთხოვენ ერთმანეთს. დედაბერი კისერზე ჩამოეკიდა შვილს და მერე მთელი ოცი თვის განმავლობაში სახლიდან თავი არ გამოუყვია. მამამ ცხენთან მიაცილა ბიჭი. ახლაც არ იცის, შვილს სათქმელი არაფერი ჰქონდა თუ დარდის გამომქლავნება არ უნდოდა, — გუთანს შეხედა და ნაძალადევად გაიღიმა:

— მოხუცო, ჩემ მოსვლამდე ახალ სახელურს ხელს ნუ ანლებ. მაგით მე უნდა ვიმუშაო...

აი, ასე დაიწყო.

მერე სოფელში ლაპარაკს მოჰყვნენ:

— ამბობენ, პირდაპირ მეორედ მოსვლაა, ქვეყანა იქცევაო!

— ამინდიც გადაირია, ასეთი ხანგრძლივი გვალვა ჯერ არავის ახსოვს.

— რალას არ იტყვიან! იმასაც ამბობენ, დედამიწა გავარვარდა და სანამ ჯარისკაცები მინდორს თელავენ, მოსავალი არ მოვაო!

სულ ერთსა და იმავეს გაიძახოდნენ, მაგრამ მოხუც ლუკასს ყველაფერზე თავისი მოსაზრება ჰქონდა და ამ ხმების პასუხად ბუზღუნებდა:

— ყური არ უნდა უგდოთ ასეთ ლაყბობას! ენას ძვალი არა აქვს და სიტყვას ბაჟიო.

თუმცა ასეთი სიტყვები იმაზე თვალის დახუჭვას უდრიდა, რაც ლურჯი მთების იქით ხდებოდა... არა და, აბა, ეს ყველაფერი რაში ეკითხებოდა ლუკასს? მისთვის მთავარი ის იყო, რომ ფე-

რანდომ ტყუილი არ იცოდა და, რაკი თქვა, დავბრუნდები და გუთანს მოვეჭიდებო, ერთ მშვენიერ დღეს მართლა დაბრუნდებოდა კიდევ...

ამ ფიქრებში გართულმა ლუკასმა უცებ შეამჩნია, რომ ცხენი უკვე აღმართზე ადიოდა, — ყაზარმას მისდგომოდა. ტერასისაკენ გაიხედა და ჩვეულებრივი სურათი დაინახა: კარის ორივე მხარეს, კედელთან სკამები იყო მიდგმული, ჯარისკაცის გაცვეთილ გამნასტურაში და გულდასმით გაპრიალებულ ჩექმებში გამოწყობილი სოფლელი ბიჭი იდგა ზღურობზე. ლუკასს კაპრალს სიტყვები გაახსენდა:

— შენი ბიჭის წერილებს სხვისა ხელათ არ გამოგიგზავნი. სიამოვნებით შეგინახავ და თვითონ ვაძმოგცემ.

ასე უთხრა კაპრალმა სამი თვის წინ, როცა ფერნანდოს პირველი წერილი გადასცა. ლუკასმა შვებით ამოისუნთქა:

„ეს კაპრალი სიტყვის კაცი ყოფილა. ნამდვილად მეორე წერილი ექნება მიღებული“.

ცხენიდან ჩამოსვლა არც უნდოდა, სახლს მიუახლოვდა და მიესალმა ბიჭს, მაგრამ კაპრალის მაგიერ სხვა კაცი შერჩა ხელში, მოხუცმა მაშინვე იცნო და უნაგიროზე გასწორდა; ეს კაცი ოლქის ალკალდი იყო. იმავე წუთას შენობიდან კაპრალის ნაბიჯები შემოესმა და მისი ხმაც გაიგონა:

— ლუკას, ჩამოდი ცხენიდან. რამდენი ხანია გელოდებო.

ლუკასმა არაფერი უპასუხა, მაგრამ კაპრალს ხეში რაღაც ისეთი იგრძნო, რომ დაემორჩილა და ცხენიდან ჩამოვიდა.

— რა ამბავია, კაპრალო, წერილი მოღუთ?

— არ ვიცი, რანაირად გითხრათ, აი, ეს თქვენს სახელზეა გამოგზავნილი და უნდა ვაძმოგცეთ.

ამ სიტყვებთან ერთად ალკალდმა ლითონისაგან ნაკეთები რაღაც ნივთი გაუწორდა. ლუკასმა ნივთის გასინჯვა დააპირა. მაგრამ მისი ყურადღება ალკალდის ქურთუკის მანქეტებზე გაკეთებულმა წითელმა საკინძებმა მიიპყრო და გაახსენდა. რომ ერთ საღამოს მან სოფლის ფარდულში ნახა ასეთი საკინძებო და გადაწყვიტა, ჩემს ფერნანდოს ვუყიდო.

— გამომართვი, ლუკას!

როგორც იყო. მოხუცმა ნივთს დახედა: ნომრიანი ლითონის ძეწვეო იყო.

ბის გამომეტყველებას, ლუკასი სადღაც შორს იყურებოდა. რაკი თვალბზე ვერაფერი შეატყო, თავში შესანიშნავი აზრი მოუვიდა, რაც ნამდვილად მალამოსავით უნდა მოსცხებოდა ლუკასის გულს.

— რა იცით, იქნება სწორედ მაგ რკინისაგან ნაკეთებმა იარაღმა პოულოს ბოლო თქვენი შვილის მკვლელს. ცხოვრება ასეთია, ლუკას. ბოლოს ყველას მიეზღვება თავისი კუთვნილო.

თიანქოს მიწიდან იზრდებაო, მოხუცი ნელა წამოიშართა ფეხზე. თვალბში ისევ ის სხივი ედგა, რომლითაც შვილი გააცილა.

— კაპრალი, ვინც ჩემი შვილი მოკლა, იქნებ ისიც ოცდაორი წლისაა და მასაც საბრალი მოხუცები მიელიან შინ?

— კი მაგრამ, ის ხომ მტერია ჩვენი, ლუკას?

ლუკასს მეტი არაფერი უკითხავს, გუთანს ხელი წაავლო. ჭანჩოშვილებული ჭანჭიკი გამოაძრო, სახნისი მოხსნა, ხელში აიღო და ჭისკენ გაემართა.

— რას სჩადიხართ, ლუკას? — გაისმა მოხუცის ზურგს უკან კაპრალის ძახილი.

ლუკასმა ყური არ ათხოვა. კაპრალის სიტყვების პასუხად ჭის ფსკერზე ყრუ დგაფუნი გაისმა. ლუკასი ხელცარიელი შემობრუნდა, რათა მიწიდან იმ ფორთოხლის ხის ტოტისგან გამოთლილი სახელური აეღო, რომელსაც მზისკენ ჰქონდა მიმართული ჭერ კიდევ პარშეუკვრელი ჭრილობა.

დაბრუნება

კაპრალი პერესი ცხენით ბრუნდებოდა დაბიდან. მზე ჩადიოდა და დასავლეთის ქედები ლურჯად იყო დაფერილი. კაპრალი ვერაფერს ამჩნევდა. მზის ჩასვლა და ამისთანა რამეები, საერთოდ, არ არსებობდა მისთვის. თვალი მხოლოდ ყვითელ და შავ ფერზე ჰქონდა შეჩვეული: ყვითელი ფერისა იყო ყოველთვის გულდასმით დაუთოვებელი მისი სამხედრო ხალათი, ხოლო შავი ფერისა — რევოლვერის ლულა. როდის შეუყვარდა ეს ფერები? განა თვითონ კი ახსოვდა, როდის! ყვითელი ფერის იყო ის მჭადი, ბავშვობაში მშობლების ღარიბულ სუფრაზე რომ შეექცეოდა და კუპრივით შავ ღამეში იყო განვდილი ის სოფელი. სადაც დაიბადა. ასე იყო ბავშვობაში და არც შემდეგ შეცვლილა რამე. უკეთესი ცხოვრებისა და ფერების ძიებამ ყვითელ ყაზარმებში მიიყვანა. აღისფერისხლიან საქმეში გარია. ბრუნდებოდა ცხენზე ამხედრებული პერესი და ლუკასის სიტყვები ტვინს უბურღავდა:

„კაპრალი, ვინც ჩემი შვილი მოკლა. იქნებ ისიც ოცდაორი წლისაა და მასაც საბრალი მოხუცები მიეღიან შინ?“

მოხუცის ნათქვამი კითხვაც იყო და პასუხიც. ბებერმა ლუკასმა პირში მიახალა ეს სიტყვა და სევდიანი. ცისფერი თვალებით მიაჩერდა. უწყალო იყო მისი გამოხედვა. ამის უფლებას ის უბედურება აძლევდა, რამაც გაუქარვებელი ვარამი მოუტანა მოხუცს.

„ალბათ ისიც, ვის მოსაკლავდაც ავროვებთ ჯაროს. ჩემი ბიჭვით ოცდაორი წლისაა და მასაც მოხუცი მშობლები შეეღიან შინ?“

„კი მაგრამ, ის ხომ მტერია ჩვენი, ლუკას?“ — უნდოდა ეყვირა კაპრალს, მაგრამ თავი შეიკავა, — მხოლოდ იმიტომ კი არ შეიკავა თავი, რომ ბერიკაცმა სახნისი ჭაში ჩააგდო, იმიტომაც, რომ ლუკასის სიტყვები გულზე მოხედა, ღრმად ჩააფიქრა ჯარისკაცი,

ვინც სიყრმიდან მოკიდებული იმ დღემდე ყვითელი და შავი ფერის ვარდა სხვა ფერი არ იცოდა.

ყოველივე ქალიან უბრალოდ მოხდა, მაგრამ დარტყმა დაუნდობელი იყო. ამ დარტყმამ შეარყია და სადღაც ღრმად, ორი უცვლელი ფერის ქვეშ ჩამარხული მოგონებები და ფიქრები აუშალა.

დაბაში ხარახურის, გადასაყრელი, პირამომტვრეული ცულის საქებნელად მივიდა, რათა ყაზარმასთან უკვე დახროვილი რკინის ჯართისთვის კიდევ მიემატებინა ცოტა. დათქმულ დღეს ამ რკინით მატარებელს დატვირთვენ და დედაქალაქში ჩაიტანენ. მერე დედაქალაქიდან გემით ოკეანის გადაღმა წაიღებენ და ზურგში შეგროვებულ მთელ ამ ჯართს იქ გადმოტვირთავენ, სადაც სამხედრო ქარხნიბიდან დღედაღამ ამოდის კვამლი.

და უცებ ბერიკაცი პირში ახლის კაპრალს:

— ამ რკინით ვისაც უპირებთ მოკვლას, ისიც ოცდაორი წლისაა და მასაც მშობლები მიელიან შინ!

საშინელებაა, როცა ადამიანი ასე ლაპარაკობს. მაგრამ ამ ბერიკაცს შვილი ჰყავდა დაღუპული და ამიტომ ჰქონდა ასეთი ძალა მის სიტყვებს. განა ის კაცი, ვისაც შვილი მტრის ტყვიამ გაუგმირა, თუნდაც რკინის პატარა ნაჭერს გაიმეტებს იმისთვის, რომ ბიჭები, სხვების შვილები ხოცონ ფრონტზე? დიახ, შვილები, რადგან ომში ჯარისკაცები კი არა, შვილები იბრძვიან! თუ ეს მართალია, მაშინ საკითხავი, აი, რა არის: განა სამართალია, ადამიანს შვილი მხოლოდ იმიტომ მოუკლა, რომ ვიღაცა სხვას უკვე მოუკლეს შვილი?

კაპრალი ისე წაიღეს ფიქრებმა, რომ აღარ იცოდა, საით მიდიოდა. მისი ცხენი იმავე გზას დასდგომოდა, იმ დღეს ლუკასმა რომ გაიარა, როცა კაპრალმა შვილის დაღუპვის ამბავი შეატყობინა. ახლა მისი გზა ორნაირად ემთხვეოდა ბერიკაცის გზას: ერთს ფიქრები მიუყვებოდა, მეორეს — მისი ცხენი.

ომში ჯარისკაცები კი არა, მხოლოდ შვილები იბრძვიან! მოულოდნელად ეს აზრი ახალი ფერივით შეიჭრა მის ცხოვრებაში. ნათელი ცისფერი, რომლის არსებობა დღემდე გუმანითაც არ იცოდა. თვითონაც იყო ჯარისკაცი, თვითონაც იყო შვილი, მაგრამ ახლა ეს როდია მთავარი. მთავარი ის არის, რომ მასაცა ჰყავს

შვილი, ისეთივე შვილი, როგორიც ფერნანდო იყო ლუკასისათვის, ისეთივე როგორიც ის უცნობი ფრონტელია თავისი მშობლებისათვის, ტყვიას რომ უმზადებდა. ორი წელია, რაც ომი დაიწყო; შეიძლება ხუთი წლის შემდეგაც არ დამთავრდეს, ხუთი წლის შემდეგ კი მისი შვილი ოცი წლისა გახდება. ოცი წლისას კი წაიყვანენ და იქ უკრავენ თავს, სადაც ანაღვანრობით გაქედდით მატარებლებს და გემებს გზავნიან. ლუკასის შვილივით მათაც სიკვდილი მოელოთ უცხო მხარეში.

— ღმერთო ჩემო! ისინი ჯარისკაცები კი არა, შვილები არიან! — ამოიძახა სასოწარკვეთილმა კაპრალმა და მოწყვეტით შეაჩერა ცხენი. ნაღვლიანად მიმოიხედა ირგვლივ და ჩამავალი მხე შენიშნა, მხე ლურჯ მთაგრეხილზე დაკიდებულ სოსხლის წვეთს მიაგავდა. ყველაფერი ღუმდა, მიწა ადამიანის აზრებს არ ესმაურებოდა. საღამოს ბინდი თანდათან გადადიოდა ბნელში — კაპრალის პირველი და შავბნელი ფერი ისადგურებდა დედამიწაზე.

„სინამდვილეში რომ მოხდეს, ის რისაც მეშინია?.. სამხედრო წვრთნა, ფრონტზე გაგზავნა და... სიკვდილი?“ ო, ღმერთო, ასეთი ფიქრები თავიდან უნდა მოიშორო კაცმა! მაგრამ იფიქრებ თუ არ იფიქრებ, ეს არაფერს შეცვლის, მოსახდენი შეიძლება მოხდეს და ისიც ბებერი ლუკასივით იტყვის:

„სხეასაც რომ შვილი უნდა მოუკლან, განა ეს სამართალია!“ კაპრალი მიხვდა, რომ ლუკასი იმის შვილსაც გულისხმობდა, ამქვეყნად ყველას შვილებს გულისხმობდა. რა უბრალოდ გაუსწორდა ლუკასი სიკვდილს: რკინის ნაჭერს არავინ მისცემს, არავინ გააღვივებს შულღს და მტრობას; შურისძიების სურვილსაც კი გააქარწყლებს ლუკასის კეთილი, ცისფერი თვალები. მაგრამ როგორ უნდა განხორციელდეს ეს? შეძლებს კი ლუკასი ყველას თავისებურად აფიქრებინოს. განა იმ მდიდარი ბატონებიდან, სენატორებიდან, კანცლერებიდან რომელიმე მიიტანს ხალხთან ლუკასის ამ უბრალო სიტყვებს.

„არავინ!“ — უპასუხა თვითონვე და აღვირი მიუშვა. მაგრამ ბერიკაცმა ხომ ჭაში ჩააგდო თავისი სახნისი და ამით უჩვენა მაგალითი. ჯერ ერთი მოიქცა ასე, ერთს მეორემ უნდა მიჰბადოს, ყველამ თავისი წვლილი უნდა შეიტანოს ამ საქმეში — ან რკინა უნდა ჩაფლას მიწაში, ან წყალი უნდა გადაასხას თოფის წამალს.

ან გულხელი დაიკრიფოს და ახლოს არც ქანჩს გაეკაროს და არც პერკეტს. მას, კაპრალს, რაღა აქვს, რა ჩააგდოს ქაში და თანაც რამელ ქაში? ავბედით ყვითელ და შავ ფერზე ხომ არ თქვას უარი და ახალი, ასე მოულოდნელად მოვლენილი ცის ფერი ხომ არ დაიტოვოს? მაგრამ როგორ უნდა გააკეთოს ეს?

გზა მრავალი იყო: თუნდაც მუნდირის ვახდა და ყახარძის ეზოში დახვევებული რკინის შავი მთის გუთნებად გადადნობას მოითხოვნა. მერე რა დღეს დააყენებენ? ამაზე არ უნდა ინაღვლოს! ვანა ნაღვლობდა მოხუცი, მას, ხელისუფლების წარმომადგენელს ხურგი რომ შეაქცია უსიტყვოდ და უშიშრად ჩააგდო სახნისი ქაში?

კაპრალი შეერთა. ვანა ის კი ვაყვაცი არ არის? ხოლო თუ კაცმა მაღალი და სამართლიანი აზრი გაიგო და ირწმუნა, იმისი უარყოფა აღარ შეუძლია. არადა სამუდამოდ უნდა გამოეთხოვოს პატიოსნებასა და სამართლიანობას. მაშასადამე, რაღაც უნდა იღონოს. კაპრალმა თავი აიღო და ცაზე საღამოს ვარსკვლავს დაუწყო ძებნა.

მაგრამ ამო იყო ვარსკვლავებისათვის დასმარების თხოვნა. ადამიანები სხვას კი არაფერს აკეთებდნენ, დღედაღამ ცას შესჩიოდნენ თავის ნაღველს. მაშ, როგორ მოიქცეს? ისევ ძველებურად ხომ არ იცხოვროს, ძველი გზით ხომ არ იაროს, რომ ისევ ძველებურად გავიდეს დღეები და ადამიანებიც უცვლელნი დარჩნენ? ლუკასი! ამ კაცის სახე თავიდან ვეღარ ამოიგდო. არჩევანი უნდა გააკეთოს ლუკასსა და ვარსკვლავს შორის. ვარსკვლავი იმისთვის კიაფობს ცაზე, რომ ადამიანმა ამო იმედით აღაპყროს მისკენ თვალი; ლუკასი კი, სხვათა შვილების საყვლტად რკინის მიცემამზე უარი რომ თქვა, დედამიწაზე დგას და ადამიანებს ასწავლის, როგორ მოიქცნენ.

„იმიტომ, რომ ქვეყნად სხვისი შვილები არ არსებობენ“. მოყვასის შვილი შენი შვილიც არის, სულ ერთია ერთნაირი თვალეზი და ღიმილი აქვთ თუ არა... ესეც ლუკასმა გააგებინა. მაშასადამე, ძველი გზით სიარული, ძველი აზრებით ცხოვრება აღარ გამოადგებოდა.

სადავე მოზიდა, ცხენმა თავი აიქნია და დაღეჭილი ბალახი

გამოავდო ლაშებიდან. ახლა ვარსკვლავი კაპრალის ზურგს უკან მოექცა, ხოლო წინ, ღამის სიბნელეში ლუკასის სახლი იყო ჩაკარგული...

სიბნელეს შეჩვეულმა ბერიკაცის თვალებმა ხელად იცნეს მსედარი.

„მობრუნდა, ესენი ყოველთვის ბრუნდებიან ხოლმე“, — გაიფიქრა ბერიკაცმა, მაგრამ კაპრალმა სიტყვის თქმა არ დააცალა.

— შითხარით, ლუკას, რამდენ რკინას დაიტევს თქვენი ჭა? ლუკასი დუმდა.

— გამაგებინეთ, რაც ყაზარმაში რკინა მაქვს დაგროვილი, მალიანად ჩაეტევა? დაიტევს მთელი ქვეყნის რკინას?

კაპრალი მომწყვდეული მხეცივით აცეცებდა თვალებს. „შუ-ზღზე ღვარად სდიოდა ოფლი, ხმაში სასოწარკვეთილება ეტყობოდა. ლუკასი ყველაფერს მიუხვდა.

— ცხენიდან ჩამოხტით, კაპრალო, რით შემოძლია გამოგაოგო?

კაპრალი ცხენიდან ჩამოხტა, მაგრამ მოხუცთან არ მივიდა, მგლური ნაბიჯით ჭისკენ გაემართა. ლუკასი უკან აედევნა.

— შეუძლებელია, ლუკას, რომ ქვეყანაზე მხოლოდ ჩვენ ორმა ვიცოდეთ ეს; სხვებმაც ხომ უნდა გაიგონ!

— ტანჯვა თანდათანობით ბევრ რამეზე აუხელს თვალს ადამიანებს.

სამხედრო შემობრუნდა. მოხუცის სახის გარჩევა უნდოდა სიბნელეში. საღამოს ვარსკვლავი ახლა ლუკასის სომბრეროს თავზე კიაფობდა. კაპრალი მოხუცის თვალებს ვერა ხედავდა, მაგრამ გრძნობდა მის ბრძნულ გამოხედვას, ამ გამოხედვაში თითქოს მთელი ქვეყნის ტანჯულთა ვარამი იყო ჩაქსოვილი. და მან ნელა დახარა თავი, იგრძნო, რომ ერთ ნაბიჯზეც ვეღარ მოსცილდებოდა აქაურობას, ვეღარ წავიდოდა აქედან, ყოველ შემთხვევაში მანამდე, სანამ ომი ყველგან არ დამთავრდებოდა.

ს ა რ ჩ ე ვ ი

მარჯნის მერანა	3
ესტელა	15
მარიო ბენხამინას ცხოვრების ოთხი დღე	21
ბედის ჩარხი	32
ძალაუფლების მოყვარული ბუ	39
მოსრობელი	46
მენასპირეგბა	57
დეონელა	70
ჩემა და ვისია	78
ასთაკებზე მონადარე	83
კუბელას გული	91
მთის ბალიკზე	101
ნინო	106
დიდა ხნას შემდეგ	111
ქველი რკინა	122
დაბრუნება	129

ს. ბ. № 2011

რედაქტორი მანანა ზუბადალაშვილი

მხატვარი ა. თევზაძე

მხატვრული რედაქტორი ჯ. ყავლაშვილი

ტექნიკური რედაქტორი ზ. დონდუა

კონტ.-კორექტორი თ. შინდგორიძე

კორექტორი ნ. ნატროშვილი

გამომშვები ლ. თავართქილაძე

გადაეცა ასაწყობად 16.12.87, ხელმოწერილია დასაბეჭდად 10.06.88, ქალაქის ზომა 60×84¹/₁₆; გარნიტნური ვენა; ბეჭდვა მაღალი; პირობითი ნაბეჭდი თაბახი 7,90; საბ. ქალაქი № 1; საღებავგატარება 8,37; სააღრ.-საგამოქეცლო თაბახი 6,02; ტირაჟი 20.000; შეჯ. № 1560.

ფასი 70 კაპ.

გამომცემლობა „ნაკადული“, თბილისი, მშვიდობის გამზ. 28.

Издательство «Накадули», Тбилиси, пр. Мира 28.

380060, ქ. თბილისი, ვაჟა-ფშაველას პრ., მედიკალაქი,

II სსსწ. კორ., საქ. სსრ გამსახკომის № 4 სტამბა.

380060, г. Тбилиси, пр. Важа-Пшавели, Мелгоровок,
II учас. корп., Типография № 4 Госкомиздата Груз. ССР.